



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






Khosrov, Andzewatsi
Meknutiwn aghatits Pataragin
ԽՈՍՐՈՎՈՒ

ԱՆՁԵՒԱՑԵԱՑ ԵՊԻՍԿՈՊՈՍԻ

ՄԵԿՆՈՒԹԻՒՆ

ԱՂՈԹԻՑ ՊԱՏԱՐԱԳԻՆ




THE UNIVERSITY OF MICHIGAN LIBRARIES

Ի ՏՊԱԳՐԱՏԱՆ ՄԻԻԹԱՐԵԱՆՑ

Ի Ս. ՂԱԶԱՐ ՎԵՆԵՏԿՈՑ

1869

Good
REN
231
BUHR



Good
EREN
281
1-11-99

ՔԵԶ

ՀԱՅՐ ԱՄԵՆԱՐԺԱՆ

ՆԱՀԱՊԵՏ ՈՒԽՏԻՍ ՄԻԻԹԱՐԱՑ

ԳԷՈՐԳ ՎԱՐԴԱՊԵՏ ՀԻՒՐՄԻԻԶ

ԱՐԲԵՊԻՍԿՈՊՈՍ ՍԻՆԵԱՑ

Ի ՆԱԻԱԿԱՏԻՍ

ՅՈՐԵԼԻՆԻ ՔԱՀԱՆԱՅԱԳՈՐԾՈՒԹԵԱՆԴ

ԶՊԱՏԱՐԱԳԱՄԵԿՆԻԶՍ


ԽՈՍՐՈՎՈՒ ԱՆՋԵԻԱՑԵԱՑ ԵՊԻՍԿՈՊՈՍԻ

ԶՕՆԵՆ ՆՈՒԷՐ ԱՐԳԱԴԻՐ

ՍԻՐՈՑ ԵՒ ԵՐԱԽՏԵԱՑ

ՀԱՄԱԿՐԾՆԻ ՎԱՆԻՑ Ս. ՂԱԶԱՐՈՒ

ՔՈ ՈՐԴԻՔ



ՅԱՌԱԶԱԲԱՆ

Ձաղօթս և զօրէնս մեծի խորհրդոյ սրբոյ պա-
տարագին՝ յարմարեալ կանոնեցին մեզ երանելի և
ամենայն զովութեանց արժանաւոր թարգմանիչք
մեր, որպէս և զայլն ամենայն կարգաւ աղօթից և
պաշտամանց եկեղեցւոյ. յորս՝ և որ յետ նոցա կա-
ցին առաջնորդք հոգածուք՝ արարին յաւելուածս ըստ
ժամանակին պիտոյից. իսկ այլք՝ ի նոցին համազոյգ
հոգեկիր և ճշմարտասէր արանց՝ փոյթ կալան զառ ի
յառաջնոցն հաստատեալս յեկեղեցւոյ պաշտամանս,
աղօթս և ընթերցուածս՝ պարզաբանել և հասու առ
նել պաշտօնէիցն և ժողովրդեան առ հասարակ. որ-
պէս զի հոգւով և մտօք ելլէ աղերս եկեղեցւոյն առ
Աստուած, և մի բանիւ լոկով. Պիտանեգոյն քան զա-
մենայն գրոց և պաշտամանց՝ աներկբայապէս Պատա-
րագին էր բացատրութիւն, ըստ գերազանցութեան
այնք խորհրդոյ քան զքնստան. զոր թէ գրեաց որ ի
նախագումնից անտի հարց մերոց՝ յետ Յովհաննու Ման-
գակունւոյ յարդարողի գրոցն՝ մինչև ցճինդ ևս դար,
ոչ է մեզ ծանօթ. զի թէպէտ զեկեղեցւոյ և զկար-

գայ նորին, նա և զժամասացութեանց ոմանց ոչ սակաւ գտնին մեկնողական բանք յառաջնոց անտի, բայց ոռոկ ինչ զարտարագի պղծութից ոչ գտանեմք ցկէս տամներորդի դարու, յորում Խոսրով եպիսկոպոս Անձեազեաց՝ գրեաց զհրատնարնէալս այժմ առ ՚ի մէնջ. հաւանագոյն ևս Թուի կարծեւ գրեւն ՚ի նախնեաց և անյայտ մնալ, քան չգրեւն. քանզի և սորին իսկ Խոսրովու գրածն յետ երկերիւրոց և տամեկաց ինչ ամաց՝ Թուի զանխուլ մնացեալ ՚ի Ներսիսէ Լամբրոնացւոյ, որ մեծաւ խնամով որոնէր և գրէր զնոյն խորհրդոյ, և որ լուծմունս իսկ արար զգրոց Ս. Գրիգորի Նարեկացւոյ զորդւոյն Խոսրովու, զորմէ մեր քանս է:

Սա՛ զոր սակաւ մի որդին իւր յիշէ և սակաւիկ մի ևս այլք, երևի ՚ի տոհմիկ տանէ ընծայեալ ՚ի լոյս կենաց, ՚ի սկիզբն կոյս ժ դարու, ՚ի նոյն ՚ի կողմանս՝ ուր ինքն և որդիք իւր քաղաքավարեցան. քանզի զառաջինն յաշխարհի կարգ մտեալ և առեալ կին ըզդուստր հօրեղբօր Անանիայի Նարեկայ վանից վանահօր՝ ծնաւ որդիս առաքինիս, զՍահակ, զՅովհաննէս և զնախ յիշեալն Գրիգոր, յորոց երկոքին յետինքդ աշակերտեցան առ ոտս Անանիայի՝ ՚ի Նարեկ. Յետ՝ եթէ յառաջ քան զմահ ամուսնոյն՝ ոչ գիտեմ, բուռն եհար Խոսրով զմիանձնական վարուց և զեկեղեցական վիճակէ, և ամբարձաւ ցգահ եպիսկոպոսութեան հռչակաւոր և մեծիշխան գաւառին Անձեազեաց, ուր անդէն ՚ի սկզբան քրիստոնէութեան հաստատեալ էր Բարդուղիմէի առաքելոյ զՀոգեաց վանս, որ աթոռ եպիսկոպոսաց այնր կողման եղև յետոյ: Յառաջ քան զհասարակել ժ դարուն՝ կալ նորա եպիսկոպոս աներկբայ է. գուցէ և յառաջ քան զյաջորդեւն Անանիայի յաթոռ Ս. Լուսաւորչին, որ է իբրև յամի 942: Ի տմանէ ապստամբեաց ասեն պատմիչք մեր (Ուսպեւեան և Կիրակոս) եպիսկոպոսն Սիւնեաց Յակովբ. և

որպէս ամբաստանողք նորա ասէին առ կաթողիկոսն ,
« Ե զԽոսրով՝ Անձեւացեաց եպիսկոպոս՝ նա շեղեաց
» [Թղթով՝ ՚ի ձէնջ » : Երկիցս չոգաւ հայրապետն ՚ի
Սիւնիս՝ հնազանդեցուցանել զեպիսկոպոս աշխարհին .
յառաջնումն յաջողեցաւ , և յերկրորդումն (յա-
մի 949) ոչ . քանզի խոյս տուեալ Յակովբայ ՚ի բերդ-
ամուր՝ եկաց մնաց աննուաճելի ցմահ իւր , յամի 958 :
Ոչ յիշի և մերոյս Խոսրովու վերստին հնազանդելն ,
և [Թուի իսկ ոչ . այն զի սուղ ինչ յառաջ ժամանա-
կաւ Գագկայ Արծրունայ հաստատեալ մեծաւ շքով
զթագաւորութիւն տանն Վասպուրականի , կացուցեալ
էր հաւանութեամբ և ձեռնադրութեամբ Գեորգեայ
կաթողիկոսի՝ գլուխ եպիսկոպոսաց աշխարհի իւրոյ՝
զԵղիսէ՝ Ռշտունեաց եպիսկոպոս յԱղթամար , որոյ յա-
ջորդք ինքնագլուխ իսկ կաթողիկոսք եղեն յետ ոչ
բազմաց : Բայց պատճառք շեղելոյն Խոսրովու յԱն-
նիայէ՝ այլ ինչ են . Կիրակոս պատմիչ ՚ի յիշել զպա-
ստամբելն Յակովբայ՝ յիշէ առ ետեղ և զԽոսրով ոմն
եպիսկոպոս , առանց անուան աթոռոյն , և մնաս նմա
կարգէ բաղայս անհանձարս և աղցիփեղցս . այլ զի և
ոչ քաջ որոշէ զերկոսին եպիսկոպոսունան , նա մանա-
ւանդ ՚ի Յակովբ գլխաւորէ զբանն և զգատ , սմա իսկ
պատշաճագոյն երեւիասացեալ մեղադրութիւն : Սակայն
գլխաւոր պատճառ օտարանալոյն ՚ի հայրապետէն՝ [Թ-
ւի այն զոր Սիւնեացն պատմիչ վասն իւրոյ եպիսկոպո-
սին ասէ , անընդմէջ յետ յիշելոյ զԵղումն Խոսրովու ,
եթէ « Նա և հերձուածս ևս յօդէին , եթէ քօղաբոր
» բեալ ունի և զՔաղկեդոնին » . հաւանագոյն է և մե-
րոյս Խոսրովայ ունել , ոչ քօղաբորբեալ , որպէս ասէն ,
այլ քաջ բացաբօղեալ զայն , որ յստակագոյն ճանա-
չիւր յայնմ ժամանակի ՚ի կողմանս Վասպուրական աշ-
խարհի , ուր և յետ փոքր միոյ ապաստան եղև յաջորդն
Անանիայի տէր Վահան , հալածեալն վասն բանի այնր
հաւատոյ . և առ նովաւ համարի տակաւին կենդանի

գոլ Խոսրովու, և յետ մահուան նորուն և հակառակ-
աթոռն Ստեփանոսի՝ վախճանել, յաւուրս աթոռա-
կալութեան Խաչկայ, յամի 972:

Այսչափ զվարուց և զկենաց եպիսկոպոսին Ան-
ձաւացեաց. իսկ գործք նորա ծանօթք և մնայունք են
Գիրք նորա մեկնութեանցն Աղօթից եկեղեցւոյ մերոյ
և պատարագին. որոց առաջինն ծանօթագոյն և վաղ
ուրեմն տպագրութեամբ հրատարակեալ է՝ ի Կ. Պօլիս
յամին 1730, շարախառնելով ՚ի բանս հեղինակին և
զայլոց ոմանց հնագունից մերոց վարդապետաց բանս
մեկնութեանց, երկատիրութեամբ Մովսիսի ուրումն
վարդապետի հաւաքեալ: Իսկ Պատարագամատուցին
մեկնութիւն՝ այս առաջին տեսանէ լոյս՝ տպագրական
վերածնութեամբ. որոց վերծանեալ իցէ զառաջինն՝
հարթ հաւասար նմին գտցեն և զերկրորդս զայս, նո-
վին յստակ տեսութեամբ և բառակարգութեամբ,
նովին սեռն և ջերմեռանդն սրտիւ, նովին ախորժ և
համոզկեր բանիւք. ոչ շուայլեալ ՚ի խօսս և ՚ի կշտամ
բանս, և ոչ հարեանցի շտապեալ: Բայց զի ոչ ըստ
այժմեան պատարագամատուցաց ունի և զսկիզբն խոր
հրդեանն և զմիջանկեալ աղօթսն ինչ կամ զքարո-
զութիւնս սարկաւագի, արարեալ է և այնց բանից
մեկնութիւնս՝ այլոյ ուրումն՝ և յեռեալ ՚ի կարգին,
օժանդակելով ՚ի Ներսիսէ Լամբրոնացւոյ և այլուստ,
որպէս ունին նորագիր օրինակք. այլ ոչ գտանին ՚ի
հնումն՝ ՚ի գրելում ՚ի թուին 926 (1336), զոր բնա-
գիր մեզ կալաք, և զոր Հին կամ Ա. Օ(րինակ) կոչեմք
՚ի ծանօթութիւնս. որում գրեաթէ զուգընթանայ
յամենայնի և յետնագիր օրինակ մեծի մատենադա-
րանին Բարիդու. հանդերձ սոքօք են առ մեզ և այլ
երկու նորագիր օրինակք, որք ունին զհատուածսն ե-
կամուստ. զորս ոչ համարեցաք արժան ՚ի բաց թողուլ
՚ի մատենէս, այլ փոքրատառ ստորեւ դրոշմեցաք առ ՚ի
լրումն բացաթրութեան բանիցն թողլոյ կամ մուծե-

լոյց յետ Խոսրովու, և առ 'ի հաճոյագոյն ևս ընծայել զայս վաստակ՝ սիրողացն զայսպիսիս: Իսկ փափագողացն ստուգագոյն ևս գիտելոյ զիմաստս համբոհն աղօթից և զկարգաց պատարագիս, առնթեր կացցեն խորհրդածութիւնք և մեկնութիւնք Ս. Ներսիսի Լամբրոնացւոյ, վաղագոյն տպագրեալք առ 'ի մէջ (յամի 1847) իւրք իւրք կարեւոր ծանօթաբանութեամբք, վասն աստուածաբանական ինչ խնդրոց. զոր օրինակ, կոչման Հոգւոյն սրբոյ 'ի սրբագործութեան նուիրացն, և նորին նմանեաց, յորս համաձայն գտանին երկդոխն սղբա մեկնիչք. և մեր ոչ կամեցեալ զ'անդ միանգամ ասացեալն կրկնաբանել և աստանօր, յայն մատեան հրաւիրեմք զխուզակն՝ երթալ, և զմեզ անբասիր կացուցանել:

Զպատճառ յօրինուածոյ գրոցս՝ ծանուցանէ ինքն իսկ հեղինակն 'ի վերջաբանին. զժամանակն՝ յայտ առնէ յիշատակարան որդւոյ նորուն՝ Գրիգորի, եթէ եղև յամի 950, և գրեցաւ նախ առաջին 'ի Սահակայ եղբօրէ իւրմէ. զի որպէս թուի՝ հայրն թեւադէր և որդին գրէր. յոր միտս կարծեմ և զՄխիթար Այրիվանեցի՝ յասելն, եթէ « Խոսրով Անձևացեաց եպիս. » կոպոս արար զմեկնութիւն Աղօթամատուցին, զոր » գրէր Սահակ որդի իւր »: Իսկ զգովութիւն գրոցն՝ ճարտար համառօտէ նոյն ինքն Գրիգոր, եթէ « Ի գրե. » լոցդ (բանից Խոսրովու) լինիցին հասու խնդրօղքն՝ » վասն նորա »: և ինքն, 'ի ցաւ մեզ, առ խոնարհութեան՝ հրաժարէ 'ի ստուգաբան գովութենէ հօր իւրոյ: Եւ զի, որպէս կանխեցաք ասել, ոչ գտանեմք այլ ինչ յիշատակ զհեղինակէս, արդարև առաջին վկայ արդեանց նորին՝ մնան բանք իւր. և ըզձալի է առաւել ևս հաւատարմացուցանել զայս՝ այլովք ևս գրաւոր երկասիրութեամբք այնքանոյ կորովամիտ և արդարախօհ առն, զորս գոյ յուսալ առ 'ի նմանէն և ժտել 'ի ժամանակէն. երաշխաւոր համարելով մեզ և զՅայսմ:

աւուրս՝ որ 'ի յիշատակի որդւոյ նորին Գրիգորի Նա-
րեկացւոյ՝ կոչեն զԽոսրով «այր շնորհալի և բանի-
» բուն » : Այլ երկրորդ իմն աղբււր գովութեան նմա
գրեցցի՝ Հայրութիւնն այնպիսւոյ սքանչելւոյ և հրեշ-
տակակերպ զաւակի . որով համարձակիմ նմանեցու-
ցանել զնոսա մեծացն Ներսիսի և Սահակայ, հրաշալի
ծնողի և ծննդոյ, հանգոյն որոց պատուեալ իսկ կոչի
Մեծ և մերս Խոսրով . որ ոչ միայն արեան որդւոցն՝
այլ և հրեղէն սրտիցն երևի հոոց եղեալ, և առաջին
դաստիարակ և Թռուցիչ մարմնաքնար և հոգերգող
ներանձնաւորին Նարեկայ :

ԽՈՍՐՈՎՈՒ

ԱՆՁԵՒԱՑԵԱՑ ԵՊԻՍԿՈՊՈՍԻ

ՄԵԿՆՈՒԹԻՒՆ

ՍՐԲՈՅ ՊԱՏԱՐԱԳԻ



Զկնի Առնտարանին և զՀառատաւքն ասելոյ՝
քարոզէ սարկառագն¹.

« Եւ ևս հաւատով աղաչեսցուք և խնդրեսցուք
» յԱստուծոյ՝ ՚ի Հօրէ և ՚ի տեառնէ ամենակալէ, ՚ի
» վերայ Ժամու պաշտաման և աղօթից. զի Աստուած
» արժանի ընդունելութեան արասցէ »:

Ասացաք զև ևս թէ այլ է հաւատով աղաչեսցուք.
զի հաւատքն առնէ լսելի, որպէս ասաց առաքեալն
Յակոբոս. Եթէ որ ՚ի ձէնջ իցէ նուազեալ յիմաստու-
թեանէ, խնդրեսցէ յԱստուծոյ, որ տայ ամենայնի ա-
ռատապէս և ոչ նախատէ, և տացէ նմա. բայց խն-
դրեսցէ հաւատովք, և մի երկմտութեամբ: Զսոյն և ՚ի
Պօղոսէ խրատիմք, որ ասէ. Կամիմ՝ զի արք կացցեն
յաղօթս յամենայն տեղիս, համբառնայցեն զսուրբ
ձեռս ՚ի վեր, առանց բարկութեան և երկմտութեան.
և ինքն իսկ Տէրն մեր զայս հաստատէ, այսպէս ասե-
լով. Զամենայն ինչ վնաս որոյ աղօթս արարեալ խն-
դրիցէք՝ և հաւատայցէք եթէ առնուցուք, եղիցի ձեզ:
Ընդէր երկուս դնէ թէ՝ աղաչեսցուք և խնդրեսցուք.
ցուցանէ թէ մեծաւ պաղատանօք զխնդրուածան պարտ

¹ Ա. Պ. Գարուզ զկնի աւետարանին, և այլն:

է ատենել, և սրտի մտօք եռանդնալից ջերմութեամբ աղաչել, ըստ խրատու մարդարէին. Ժտեա՛ի տեառնէ, և նա տացէ քեզ զամենայն խնդրուածս քո. կոչեաց և զԱստուած յերկուց անուանց և զերրորդն ևս յաւել.

« Խնդրեսցուք Աստուծոյ՝ ի Հօրէ և ի տեառնէ աւ » մենակալէ » . ուսուցանելով գութ առ Աստուած և երկիւղ ունել, և ի գթութիւն և ի խնամածութիւն և ի պահպանութիւն զնա յուսով կոչել. զի Աստուած է արարիչ, հարկաւ հանդիպի, և ի ստեղծուածս ինաւ մակալութիւն պահանջի. և զի հայր է ըստ աւագանին միւսանգամ՝ ծննդեանն՝ ի գութ մեզ բորբոքի սիրով. և զի տէր է ամենակալ՝ զպահպանութիւն և զամենայն պիտոյս իբրեւ ծառայից չնորհել յանձնառնու. Վասն այսորիկ մեք որպէս ի հաստիչ և ի հայր՝ սերտ սիրով ապաւինեսցուք. և իբրեւ տեառն երկիւղիւ ծառայեսցուք, և զամենայն հոգս մեր ի նա ընկեսցուք, և ամենայնիւ ի նա յուսացուք. զի թէ առ սակաւագութ մարդկութիւնս ¹ վասն միոյ պատճառի հայրութեան կամ տէրութեան ², վստահանամք զամենայն պիտոյից մերոց լըումն, ապա որչափ աւաւել երիւքս այսօրիւք՝ առ բազմագութն այն Աստուած և հայր և տէր՝ պարտիմք մեծայոյս լինել. Միայն զարժանն և եթ հատուցուք նմա ըստ ամենայնի. զի աւրարածն զարարիչն պատուէ, և ի նորա սպաս և ի պաշտօն հարկի. և որդի զհայր փառաւոր առնէ, և ծառայ երկնչի ի տեառնէ իւրմէ. Այսպիսիք լեալք՝ ամենայնիւ ի նմանէ բարեգործիցիմք, և զաւետիս կենաց ունիցիմք զաստիս և զհանդերձեւոյն. իսկ եթէ ընդ հակառակսն յայնցանէ շրջիցիմք, հակառակքն և մեզ դիպիցին. և զայն լսեմք թէ՛ Զգժացայ, զի արարի զմարդն ի վերայ երկրի, և թէ՛ ահա ես ապականեցից զնոսա և զերկիր, և զոր մարդարէիւն տրուեն ձեր՝ եթէ հայր եմ, ո՞ւր են փառք իմ, և եթէ տէր՝ ո՞ւր է երկիւղն իմ:

« Ի վերայ ժամուս պաշտամանն և աղօթից. զի Աստուած ընդունելութեան արժանի արատցէ » : Վասն այսր, ասէ՛, ժամուս. զայնմ ժամանակէ ասէ՛ յորում

¹ Այլ Օ. մարդասիրութիւնս:

² Այլ Օ. տկարութեան:

ժամու յաղօթս ժողովեալ իցեմք. զոր պաշտօն և աղօթս կոչէ, յայտ առնելով եթէ պաշտօնեայք զօրով Աստուծոյ հօրն և ամենակալին տեառն, հանապազ 'ի նորա պաշտօնն ժամանել պարտիմք առանց հեղձութեան. և է պաշտելն ծառայութեան անուն: Ոչ վայրապար զպաշտօնն և ապա զաղօթմն եդ՝ որ է խընդրուածս. այլ զի ուսցիս, թէ ծառայելով պարտ է խնդրել զպէտս. զի այսպէս և առ մարմնաւոր տեարս նախ ծառայել, և ապա խնդիրս առնուլ սովոր եմք: Դարձեալ զի և ընդունելի պաշտօնն և աղօթքն իցին՝ աղաչել խրատեմք. այսինքն թէ զի որպէս հաճելին է՝ պաշտեմք զԱստուած, և որպէս նայն կամի՝ աղօթիցեմք, սրբութեամբ և սիրով և զգաստութեամբ և յստակ մտօք և ջերմ հոգւով. և զի խնդրիցեմք զօգտակարսն, զարքայութիւնն Աստուծոյ և զարդարութիւնն նորա. զի որպէս ասէ առաքեալն Յովհաննէս՝ թէ Զոր ինչ հայցեմք ըստ կամաց նորա՝ լսէ մեզ. 'ի սոյն միտս և քարոզին գան բանք:

« Լուիցէ Տէր ձայնի աղաչանաց մերոց, ընկալի » զխնդրուածս սրտից մերոց, ողորմեսցի 'ի վերայ մեր »: Քանզի այնպիսեացն սովոր է լսել որք ըստ կամաց նորա հայցեն: Դարձեալ ոչ ասաց, թէ ընկալի զխընդրուածս մեր, այլ թէ զսրտից մերոց. զի ոչ եթէ որ 'ի շրթանցն՝ այլ որ 'ի սրտէն խնդրուածքն ընդունելի է նմա. որ և ողորմել մեզ տայ Աստուծոյ, որպէս և պոռնկին և քանանացւոյն, և օրպէս կուրացն՝ որ զողորմութիւն խնդրելով ոչ լռէին, թէպէտ և բազումք սաստէին, մինչև լուսաւորեցան և զնացին զհետ նորա, ոչ թողլով զնա՝ թէպէտ և հասին պարգեին: Զոր և մեք արասցուք. մի լռեսցուք 'ի խնդրելն, թէպէտ և յորովիւք խափանողք արգելեալք լիցուք, և մի յառնուի զխնդրելին՝ 'ի նմանէ 'ի բաց կացցուք. թէ ոչ և նա 'ի բաց՝ լինի 'ի մէջ. և այնմ՝ զխալցիմք, զոր տաղմասնուազն ասէ. Ահաւասիկ որք հեռի արարին զանձինս իւրեանց 'ի քէն՝ կորիցեն. այլ ըստ խրատու առաքելոյն՝ մերձեսցուք առ Աստուած և նա մերձեցի առ մեզ:

« Աղօթք մեր և խնդրուածք յամենայն ժամ մնացեն » առաջի մեծի տէրութեան նորա » : Թէ այնպէս աղօթեցուք որպէս ասացան, և զհաճոյս Աստուծոյ և զօգուտն մեր խնդրեսցուք, ոչ այժմ ևեթ այլ և յամենայն ժամու, աղօթք մեր և խնդրուածք մնացեն առաջի մեծի տէրութեան նորա. ապա քանի՜ անչափ խնդութիւն մեզ գայցէ. զի եթէ 'ի փոքր տէրութեանէս որ 'ի մարդիկ՝ յաճախ խնդութիւն լինի, զաղաչանս ուրուք ընկալեալ, ապա այնչափ մեծութեան երկնաւոր տեառնն ահաւորին հրեշտակաց՝ առաջի մտեալ մեր և զհայցումն 'ի նմանէ ընկալեալ¹, որպիսի զուարճումն մեզ բերիցէ, որ և նախ քան զանդէրանութիւնն աստ պարգեւալից արասցէ, որպէս և ասէ.

« Եւ նա տացէ մեզ միաբան հաւատով յարգարութիւն վաստակել. զի զողորմութեան զնորհս իւր ալ » բացէ 'ի վերայ մեր տէրն ամենակալ » :

Տեսեր զաղօթիցն շահ, որպիսի եցոյց զմիաբանելն յուղիղ հաւատս և զվաստակելն յարգարութեան. և այս լինի յորժամ Տէրն ամենակալ զողորմութեան շնորհս իւր՝ 'ի վերայ առնէ, այսինքն զհոգւոյն սրբոյ շնորհս, զոր ողորմի և տայ խնդրողացն. այն է որ հաստատեն 'ի հաւատս. նոյն և որ յարգարութեան վաստակն զօրացուցանէ. նա է որ զտաժանելին հեշտալիս առնէ : Ապա յաղօթս աւարտէ զբանն ասելով, « Կեցո և ողորմեա մեզ, Տէր » :

ԱՂԹՔ

« Տէր մեր և փրկիչ Յիսուս Քրիստոս, որ մեծդ ես » ողորմութեամբ և առատ ես պարգեւօք բարերարութեան » : Երկնից և երկրի գլով տէր, ասեմք մեզ յատուկ, յառաւել գութ այնու ձգել. մանաւանդ զփրկիչն կարգալով մեզ, որոյ մարմնանալովն և մահուամբն փրկեցաք. բայց զի մեծ ասաց ողորմութեամբ՝ զանբաւ նորա յայտնելով զողորմութիւն, նոյնպէս և զառատութիւն նորա պարգեւացն անչափաբար : Բայց

¹ Այլ 0. առաջի մտեալ մեր է հարցումն և 'ի նմանէ ընկալեալ :

զինչ աստանօր կամի այս նախաշաւիղ աղօթիցս գոյ . քանզի յերրորդ ժամուն է աղօթքս, յորում ժաւնու 'ի խաչ հանին զփրկիչն, և յորում ժամու Հոգին սուրբ տուաւ առաքելոցն . և 'ի խաչի համբերելն վասն բազում իւրոյ ողորմութեանն էր, զի զմեր մեղացն զպարտան իւրով մարմնովն հատուցէ . նոյն պէս և զմեծ պարգեան՝ զՀոգին սուրբ՝ շնորհելն առաւտութեամբ, յորդ և անհուն բարերարութեամբ . յաղազս այնորիկ, ասէ, մեծդ ես ողորմութեամբ 'ի խաչին պատճառս . և առատ ես պարգեօք բարերարութեան, վասն զՀոգին հեղլոյ . որպէս յաջորդն իսկ յայտ առնէ .

« Որ դու քոյին կամաւ համբերեցեր 'ի ժամուս » յայսմիկ՝ չարչարանաց, խաչի և մահու յաղազս մեղաց մերոց » : Ոչ 'ի բռնութենէ ասէ ուրուք, այլ 'ի կամաց քոյ-կրեցեր զամենայն, ողորմելով մեզ . ոչ ըզդուն առանց պատճառի դնէ նախկին, այլ սակաւուն բազումն ընդ միտ ածել պատրաստէ . թէ դու Աստուածդ և Որդիդ Աստուծոյ Հօր համադոյդ, արարիչդ ամենայնի, զոր անբաւ բազմութիւնք վերնոցն մեծաւ երկիւղիւ պաշտեն, յորոյ հրամանէ ծով սահմանեալ է և ցամաք հաստատեալ, որոյ բանիւ լուսաւորք 'ի հաստատութեան երկնի գնան ըստ իւրաքանչիւր կարգաց, յորոյ ձեռանէ կերակրին ամենայն կենդանեաց ազգ, որ ամենայնի տիրես և զամենայնն խուս, և անբովանդակելիդ ես յամենեցունց, անհասդ և անճառդ և անիմանալիդ . համբերեցեր չարչարանաց, կապեալ, յատենի կացեալ, թշնամանեալ, թքալից եղեալ, ապտակեալ, կոփեալ, ձաղեալ, կատակեալ, փշեայ պաւկօք և եպերանաց զգեստիւ, և եղեգնեայ դաւաղանաւ գանեալ, երբեմն 'ի Պիղատոսէ մտրակաւ և երբեմն եղեգամբ 'ի զինուորացն : Զայս և որ սոցին նման ցուցանէ յասելն, թէ համբերեցեր չարչարանաց . յուշ առնէ ապա և զխաչին կիրան, միով բանիւ ասէ զմեր կութիւնն, զբեւեռումն, զծարաւն, զլեղոցն ճաշակումն¹, զբազմաց հայհոյութիւնն և զնախատելն և զգլուխս շարժելն : Ապա և զմահն 'ի նոյն յարէ՝ այս .

¹ Այլ Օ . զեղին զոր ճաշակեաց :

պէս ասելով. Քոյին կամաւ համբերեցեր 'ի ժամուս յայտնի չարչարանաց և խաչի և մահու. յորում զեռցումն էառ՝ մեռելութեամբն ևս թշնամանեալ. և թաղմամբն ընդ մեռեալս համարեալ. զայս ասէ զամենայն համբերեցեր վասն մեղաց մերոց. զի քոյին անպարտ արեամբդ զպարտաւորս ազատեացես 'ի յաւիտեանական մահաւանէն և 'ի տանջանացն:

« Եւ պարգևեցեր առատապէս զպարգևս Հոգւոյդ » սրբոյ երանելի առաքելոյն »: Քանզի առ այնս որք արբեցութեամբ բամբասէին զառաքեալսն 'ի խօսել նոցա զամենայն ըզուս, ասէ Պետրոս. Այ որպէս դուք կարծէք թէ սոքա արբեալ իցեն, զի դեռ երեք ժամք են աւուրս. զսոյն և աղօթիցս բան յայտ առնէ, թէ 'ի սոյն յայտ երրորդ ժամուս, յորում 'ի խաչին բեռեցար, և զՀոգիդ սուրբ հեղեր յերանելի առաքեալսն: Իսկ առատապէսն՝ զառաւելութիւնն քան 'ի մարգարէնս յայտ առնէ, վասն որոյ երանելիս կոչէ. զի սաստիկ յորդութեամբ գէջս Հոգւոյն նոցա պարգևեաց: Յարէ 'ի նոյն և մաղթանս.

« Հաղորդս արա զմեզ, Տէր, աղաչեմք զքեզ աս » տուածային պարգևացդ »: Հաղորդս լինել՝ հաւասարորդ է լինել. աստուածային պարգև ասէ զոր 'ի Քրիստոսի չարչարանացն շնորհեցաւ մեղաց թողութիւն, և 'ի Հոգւոյն սրբոյ գալստենէն շնորհք. զի և առաջիկայ բանինս յայտնագոյնս ցուցանէ զսոյն. զի ասացեալ, Հաղորդս արա զմեզ, Տէր, աղաչեմք զքեզ, աստուածային պարգևացդ, յարէ 'ի նոյն.

« Թողութեան մեղաց, ընդունելութեան Հոգւոյդ » սրբոյ »: Աղաչեմ, ասէ, զի արիւնդ քո պատուական որ մաքրեաց զտիեզերս՝ և զմեզ սրբեացէ, և Հոգիդ սուրբ 'ի վերայ մեր եկեացէ. զի և մեք այսոցիկ պարգևացս հաղորդս լիցուք, և սրբեալ 'ի մեղաց և հոգւով լցեալ՝ քո պարգևացդ շնորհակալութիւն արժանապէս հատուցուք. այս է զոր ասէն. « Որպէս զի արժանաւորք եղիցուք գոհութեամբ փառաւորել զՀայր և զՈրդի և զսուրբ Հոգիդ ¹. այժմ և միշտ և յաւիտեանս յաւիտենից. Ամէն »:

1 Ա. Ս. Օ. զքեզ ընդ Հօր և ընդ սուրբ Հոգւոյդ:

Խաղաղութիւն ամենեցուն.

« Խաղաղութեամբ քով, Քրիստոս փրկիչ մեր, որ »
 « ՚ի վեր է քան զամենայն միտս և զբանս, ամրացուց-
 » մեզ և աներկիւղս պահեա յամենայն չարէ » :

Այս դրուակ է՝ զոր ասէ երանելին Յովհան, թէ վասն այսահարացն կարգեալ է. քանզի Երեսօրոյ ե-
 կեղեցւոյ կալով այսոտքն՝ յայսմ ժամու ՚ի ներքս ա-
 ծէին սարկաւազունքն, և կացուցանէին յառաջ. և քահանայն զայս մատուցեալ աղօթս, բովանդակ ժո-
 ղովուրդն պաղատանս վասն նոցա առնեն :

« Խաղաղութեամբ քով, Քրիստոս փրկիչ մեր » :
 Գու ես, ասէ, որ փրկեցեր զազգս մարդկան ՚ի ծառա-
 յութենէ ստտանայի. և այժմ՝ փրկութիւն շնորհեա
 սոցա, ամրացուցանելով քով խաղաղութեամբդ, որ ՚ի
 վեր է քան զամենայն զմիտս և զբանս. զի ոչ իմանի մը-
 տօք, և ոչ պատմի բանիւք. այլ քան զհրէշտակաց և
 քան զմարդկան խնացումն և ասելութիւն ՚ի վեր ան-
 ցանէ. « Ամրացո, ասէ, և աներկիւղ պահեա յամենայն
 » չարէ » . զի ոչ միայն յայնցանէ որ լլկենն, այլ և
 յամենայն ազգաց դիւտց աներկիւղ արա զմեզ, ամ-
 րացուցեալ քով խաղաղութեամբդ :

« Հաւասարեցո զմեզ ընդ ճմարիտ երկրպագուս
 » քո, որք Հոգւով և ճմարտութեամբ քեզ երկիր
 » պապանեն » : Քանզի որիչ ՚ի ժողովրդենէն աղօթել
 հրամայէ լլկելոցն ՚ի դիւտց. վասն զի որք թափուր ՚ի
 Հոգւոյ լեալ՝ դիւտց մատնին, կամ որք մեղօքն մեր-
 կացան զՀոգին՝ չունին իշխանութիւն հաւասարել նո-
 ցա, որք հոգւովն Աստուծոյ են միացեալք, նովմբ զեր-
 կրպագութիւն Աստուծոյ մատուցանեն. զորոց Տէր
 ինքնին ասէ, Ճմարիտքն երկրպագուք երկիր պապա-
 նիցեն Հօր՝ Հոգւով և ճմարտութեամբ. քանզի և
 Հայր այնպիսի երկրպագուս իւր խնդրէ :

Արդ՝ աղաչէ աղօթիցս բան, զի սրբեսցին ՚ի պիղծ
 այսոցն՝ և զՀոգին սուրբ ընկալցին, և հաւասարորդք
 լիցին ճմարիտ երկրպագուացն, որք հոգւով և ճմար-
 տութեամբ երկիր պապանիցեն Աստուծոյ. հաստա-
 տեալ Հոգւովն ՚ի ճմարիտ հաւատմն, և լուսաւորեալ

նովիմբ, բացաւ երեսօք զփառս Տեառն իբրեւ ընդ հայելի տեսանեն, և դէմ յանդիման սուրբ Երրորդութեանն զերկրպագութիւն մատուցանին: Այլ զի հասարակաց ասի այժմ աղօթքն՝ ի հնութենէն յեղեալ են բանքն. զի յառաջ այսպէս իմանի լեալ, ամրացոյցոսա, և թէ հաւասարեցոյցոսա ընդ ճշմարիտ երկրպագուս քո: Նա և որ այժմ ասէ՝ ոչ ինչ հեռի է ի դիտաւորութենէն. զի ամենայն մեղաց արկածք ի չարէն են, և թուի թէ որ վասն այսահարացն աղօթէին՝ այսպէս ասէին. « Ամրացոյց և աներկիւղ պա- » հեա՝ ի չարէն ». իսկ այժմ ասեմք յամենայն չարէ. այս ինքն յամենայն նետից նորա. « Հաւասարել և մեղ » ընդ ճշմարիտ երկրպագուս քո, որք Հոգւով և ճիշ- » մարտութեամբ քեզ երկիր պագանեն ». և թէ մեք չեմք արժանի, այլ զի իրաւունք են և վայել է քո տե-
րութեանդ տալ զփառս, յայն սակա հաւասարեցոյցոյ մեզ արժանաւորացն. քանզի այս միտք են որ զկնի գայ բանն:

» Վասն զի ամենասուրբ Երրորդութեանդ վայել է » փառք իշխանութիւն և պատիւ. այժմ և միշտ և յա- » լիտեանս յաւիտեանից. ամէն » ¹:

Յայսմ տեղի ասի որպէս յարձակել զժողովուրդն՝ Օրհնեա տէր. զի բեմասացութեան տեղի է, և աւարտեն զաղօթմն օրհնութեամբք, և ի վարդապետութեանն յունկնդրութիւն տան զանձինս, և ապա ըզխորհրդականն կատարեն: Բայց զի յայլում վայրի ասացեալ է մեր վասն որք ոչ կարևոր համարին զունկնդրութիւն գրոց սրբոց, աստանօր հարկ համարիմ սակաւ ինչ ասել առ այնոսիկ որք ասենն, զի լսեմ և ոչ առնեմ՝ ապա ընաւ և ոչ լսեմ, զի մի աւելի դաւ տեցայց: Ի դէպ է ասել նոցա. ով աներկիւղ երկիւղածութեանդ. պատգամ Աստուծոյ եկեալ յերկնից,

¹ Նոր 00. աստանօր յաւելուն զբանքս.

Ժողովուրդն ասէ. Ամէն.

Քահանայն ասէ. Օրհնեալ տէր մեր Յիսուս Քրիստոս.

Ժողովուրդն ասէ. Ամէն.

Քահանայն գառնայ առ ժողովուրդն.

հրաման սայ երախ. յիցն ելանել, ասելով. Տէր Աստուած օրհնեցէ զամենեւեմ.

Սուրբազն Սաղմոս ասացէք տեառն Աստուծոյ մերոյ: Եւ ասի որբասացութիւն ըստ խորհրդոյ աւուրն:

էր իշխես ասել ոչ լսեմ և ոչ առնեմ: ապա ուրեմն առաւել դառնացուցիչ քան զհրեայսն գտանիս Աստուծոյ, զի նոքա ունկնդիր լինելով¹ լսէին. Զամենայն զոր ինչ ասասցէ տէր Աստուած մեր լուիցուք և արասցուք. իսկ դու և լսես անգամ ոչ: Եւ թէ երկրաւոր Թագաւորի գրոյ իշխէիր ասել, թէ ոչ կարգամ, և ոչ լսեմ հրամանաց արքային, մահաւ պարտաւոր լինէիր. Աստուծոյ պատմի հրամանք, և դու արհամարհես. Համարին զքեզ յաւիտենական սատակմանն արժանի: Վայ, ասէ մարգարէն, արհամարհողաց՝ որ արհամարհեն, և արհամարհանօք արհամարհեն զօրէնադիրն. զայս Եսայի. իսկ Երեմիա՝ որ պէս յերեսաց Տեառն. Արք Յուդայ և բնակիչք Երուսաղէմի՝ դարձուցին յիս զթիկունս և ոչ զերեսս. ուսուցի զնոսա ընդ առաւօտս, ուսուցի և ոչ ամսացին ընդունել զերատ: Տեսանես, քան զառնելոյն զհրամանն՝ զչլսելոյն առաւել բողոքէ Աստուած: Տեսցուք զինչ և Սողոմոնիւ ասէ. Յորժամ գայցէ ձեզ նեղութիւն և պաշարումն, իցէ զի կարդայցէք առ իս, և ոչ լուիցեմ ձեզ: Եւ վասն էր զայս յառաջ քան զայս, և զինի ասէ զպատճառն. — յառաջ, Փոխանակ զի կռէի զձեզ և ոչ լսէիք ինձ. յերկարէի զբանս իմ, և ոչ անսայիք, այլ ապախտ առնէիք. և յետոյ՝ ասէ. Խընդրեացեն զիս չարք և ոչ գտանիցեն. զի ատեցին զիմառ տութիւն և զերկիւղ Տեառն ոչ խնդրեցին: Արդ՝ առաջինն է հնազանդութիւն լսել երկիւղիւ զբանս Աստուծոյ, զոր ընդ մեծ բարեգործութիւնս յարգեցուցանէ Եսայի, այսպէս ասելով. Լուարուք զպատգամն Տեառն՝ որք դողայք ՚ի բանից նորա. դարձեալ ասէ. Եթէ ակործանջիք և լուիջիք ինձ՝ զբարութիւնս երկրի կերիջիք, ապա թէ ոչ կամիջիք լսել ինձ, սուր կերիցէ զձեզ: Տես և դու որպիսի բարի ունկնդրացն է յառաջ քան զառնելն, և որպիսի պատիւ. քանզի սիրով խոտորի ՚ի չարէն², և բարւոյն փափաքէ. և հեղութեամբ և խոնարհ մտօք դողութեամբ ունկնդիր պատգամաց Աստուծոյ, և բնակարան Աստուծոյ լի-

¹ Այլ զ. լսելով:

² Այլ զ. քան զսիրոյն, և խոտորեա ՚ի չարէն:

ցիս: Եւ ո՞ր ասէ զայդ ասէ. ինքն Աստուած. երկինք աթոռ իմ, և երկիրս պատուանդան ոտից իմոց. և ես յո՞ր բնակեցայց, եթէ ոչ ՚ի հեզա և ՚ի խոնարհս, և ոյք դողան ՚ի բանից իմոց. վասն այնորիկ ոչ տայ թոյլ լսել բանսարկուն, զի զայս և նա գիտէ, թէ ախորժութեամբ լողաց զբանն Աստուծոյ՝ ինքն Աստուած տայ նոցա զերկիւղն իւր, և զինքն ՚ի նոսա բռնակեցուցանէ. և յորում Աստուած բնակէ՝ նմա ամենայն դժուարինք դիւրինք լինին, և տարժանելիքն ախորժելիք, և քաղցրանայ նմա լուծն Քրիստոսի, և բեռն նորափոքրողի լինի նմա. քանզի մեռանի մարմին մեղացն, և կենդանանայ արդարութիւն¹. ըստ գրեցելումն, Իսկ եթէ Քրիստոս ՚ի ձեզ է՝ ապա մարմին մեռեալ է վասն մեղաց, և հոգի կենդանի վասն արդարութեանն. ասաց առաքեալ, և զայլն որ զկնի: Մարիամ՝ ասէ Տէրն, մասն բարի ընտրեաց, որ ոչ բարձցի ՚ի նմանէ. զի նստէր առ ոտս Տեառն և լսէր ըզբանս նորա: Հաւատարիմ համարեա և դու զՏէրն, և ընտրեա զբարւոյք բաժինն զանբառնային. և մի հաւանիր բանսարկուին խաբէութեանն, և զրկեր զքեզ ՚ի բարւոյն. քանզի իւր սերմանցն կամի առնել զքեզ անդաստան. վասն այնորիկ արգելու առ ՚ի յընդունելութենէ աստուածային սերմանցն: Մի հաւանիր օձին՝ որ զԵւայն պատրեաց, զբարւոյն չբարւոյնմա ասացեալ, և զիւրսն նմա աստուածացուցիչս յուսացուցեալ. լուր Աստուծոյ. Ունկն դիք ասէ լսելեօք ձերովք, զհետ եկայք ճանապարհաց իմոց. լուարուք ինձ և կերիջիք ըզբարութիւնս, և վայելեցեն ՚ի բարութեան անձինք ձեր: Այսքան աւետիք աստ և ՚ի հանդերձելումն, և դու ոչ Աստուծոյ՝ այլ սատանայի լսել ախորժես. բանաւ արկուն զԱստուծոյսն ոչ տայ լսել, զի մի և ՚ի ճանապարհն Աստուծոյ ելանիցեմք, և Տեառն բարեացն հասանիցեմք. եհան ՚ի դրախտէն զմեզ, կամի զի մի և աստ Աստուծոյ խնամքն կեցցուք, և մի դարձեալ յանմահական ՚ի կեանսն վայելիցեմք: Լուիցուք Աստուծոյ, զի արասցուք զպատուիրանս նորա². Իսկ եթէ ոչ լուիցուք՝ ուստի՞ զառնելն իմասցուք. զիմրդ զԱս-

¹ Այլ Օ. յարդարութեան:

² Այլ Օ. զօրէնս:

տուած հաշտեցուցուք, չգիտելով թէ որով և որ իւր զնա բարկացուցաք: Արդարեւ և ՚ի դէպ գայ մեզ ասել զբանն Եսայեայ, որ ասէ. Յայնմ ժամանակի յայտնեսցին՝ որ կնքեսցեն զօրէնս, զի մի՞ ոք ուսանիցի և ասիցէ կացից մնացից Աստուծոյ, որ դարձոյց զերեսս իւր ՚ի տանէն Յակոբայ, և եղէց յուսացեալ ՚ի նա:

Տեսնէր զպատճառս չտալոյ լսել գրոց, զի մի՞ յուսով ՚ի զեղջ եկեալ քաւութեան հասցեն: Եթէ արդարեա՝ լուր պատուիրանացն Աստուծոյ, և ևս հաստատեսցիս յարդարութեան. և եթէ մեղաւոր՝ լուր զսպառնալիսն Աստուծոյ, և ասա որպէս Դաւիթն, Մեղայ Տեսուն. և լսես զնոյն պատասխանի, Եւ Տէր անցոյց զքե զմեզս քո: Ջանասջիր ոչ բարկացուցանել զԱստուած, ապա եթէ վերսկսես՝ դեղ լինի քեզ հանապազորդ մեղանչելոյն հանապազ լսել սաստին Աստուծոյ, և մեղայ ասել և յահի նորա կալ, քան ամենեւին ապստամբել և հեռի ՚ի նմանէ լինել: Հայր է, ասա զնեղութիւնս զոր հասուցանէ քեզ չարն և որովք խաբէ, և առ ՚ի նմանէ իբր ՚ի գթած հօրէ՝ խրատ և օգնականութիւն: Բժիշկ է հոգւոց, ծանո զվէրս քո, և գտանես ՚ի նմանէ դեղ և բժշկութիւն. ոչ բարկանայ երբ առաջի անկանիս, թէպէտ և բիւրապատիկ ելեր զխրատով նորա. միայն՝ տեսցէ զքեզ երթեալ առ նա և ցուցեալ զվէրսն, չէ յօտարաց բժշկաց՝ եթէ կարէ անտես առնել զվէրս քո. հայր է, աղեկէզ լինի ՚ի քո արտասուէն վամս ախտից հոգւոյ, և վաղվաղապէս ՚ի բժշկեւն պատրաստի. քանզի և դիւրագայլ թագիտէ զմեր բնութիւնս, և ըստ յաճախութեան ախտից բազմօրինակապէս դեղս պատրաստեաց զխոնարհութիւն, զխոստովանութիւն, զանոխակալութիւն, զթողութիւն յանցաւորին, զողորմութիւն, զպահ, զազօթս, զնուէրս, զսրբոց կատարել յիշատակս, ըզհիւրասիրութիւն, զխնամածութիւն որբոց և այրեաց, զկարեկցութիւն առ եղբարս, և որ տոցին նման են բարեգործութիւնք, զորս գոյ յատուածային խրատուց առնուլ օրինակս օր ըստ օրէ ՚ի բժշկութիւն

հոգւոց: Ի վերայ ամենայնի և նախ քան զամենայն,
Քրիստոսի հանապազորդ պատարագին: զի վասն մեր
հանապազ 'ի յոնցանս անկմանն՝ միշտ պատարագիլ
առ 'ի քաւութիւն. ոչ շատացեալ որ 'ի խաչին մի ան-
գամ պատարագեցաւ¹, այլ յաճախապէս զնոյն զե-
նունն յանդիման Աստուծոյ՝ վասն հաստացելոց
կենդանեաց և ննջեցելոց՝ յամենայն եկեղեցիս սուրբ
պատարագաւն մատուցանէ. զի զոր անդր 'ի վեր 'ի
բարձրութեան խաչին զքաւութիւն տիեզերաց շնոր-
հեաց, զնոյն և սուրբ պատարագաւն օր թաօ օրէ շնոր-
հեացէ: Վասն այսորիկ պարտիմք հաստատուն հաւա-
տով և մեծ յուսով 'ի Ժամուն յայնմիկ կալ ժուաջի
Աստուծոյ ահիւ և գողութեամբ. պարկեշտացեալ 'ի
կերակրոց և չղմբելեաց, ըստ կարի զօրութեանն 'ի
կարօտն տուեալ թուրս, իռատման լինելով Աստու-
ծոյ զգործեալն արտաքոյ կամեցն Աստուծոյ, և ար-
տաքալից քննութեանն պաշտօնաւոր սուրբ պատարագ-
աւն հայցել քաւութիւն. զի ամենաորումն Աստուծո-
վոր միածնին մեռելութեամբն օր վասն մեր՝ սրբեացէ
'ի մեղաց և աղատեացէ յամենայն պարտեաց, և ամ-
բացուցեալ և պարտեալ զմեզ սուրբ խորհրդոյն,
անրմբունելիս արտացէ 'ի Թնամւոյն, նսւն ահարկու ևս
նսմն տացէ մեզ լինել, մանաւանդ Թէ զգլխի նորս
կոխել, և անջնաս 'ի նմանէ լինել: Յաղաքս որոյ և ան-
արգել որ առ Աստուծո՛ւ է մեացն ճանապարհորդու-
թիւն ունել զնացումն, և անտի բարեգն աստաւին
խիղ բերելեալ յուսալից և յարազուարճեղեալ:

Բայց զի ըստաւորապէս առ որ բան էք ասացաւ՝
սկիզբն արտացուք խորհրդակամացն բացայայտել թզ-
բանս, օգնական զնոյն ինքն զպատարագեալն ունելով:
Ի մերձիլ սուրբ խորհրդոյն յահագին սեղանն՝ ասէ
արքիւսազն:

« Եթ' որ յերեխայից, և մի որ 'ի Թերահաւատից, և
» մի որ յանապաշխարից մերձ կայցէ կամ հազարդես-
» յի² »: Հրամայէ Թէ երեխայ որ իցէ, կամ Թերի 'ի
հաւատացն, կամ ոչ ապաշխարեալ զմեզս իւր՝ պրտաքս

¹ Այլ 0. պատարագ:

² Այլ 0. յապաշխարողաց և անմարից:

գնալ. քանզի յերևանեին 'ի սուրբ սեղանն հացին և բաժակին նուիրաց՝ բանին երկինք, և երկնայինքն յերկիր իջեալ՝ զսրբարար սեղանովն բոլորին. վասն այնորիկ զոչ արբեալն աւազանաւն, և զոչ մաքրեալն ապաշխարութեամբ և որք ոչ են հաստատեալ 'ի հաւատս՝ արտաքս վարէ քարոզն¹:

ՄԵԿՆՈՒԹԻՒՆ ՔԱՐՈԶԻՆ

« Կացցուք առաջի սրբոյ սեղանոյս Աստուծոյ ահիւ »: Արպէս 'ի քնոյ ընդատուցանէ քարոզն, զսեղանն՝ Աստուծոյ սեղան կոչելով, զի առաջի Աստուծոյ կայ և զորդին Աստուծոյ 'ի վերայ ունի բազմեալ. յաղագս որոյ ահիւ կալ ասէ առաջի:

« Մի՛ խղճիւ գայթակղութեամբ »: Խիղճ՝ գայթակղութեան զգայթակղեալն 'ի մեղս ասէ, զոր թէ ոչ խոստովանութեամբ հանեալ իցէ 'ի սրտե՝ մի՛ կացցէ առաջի սրբոյ սեղանոյն յահաւոր յայնմ ժամուն:

« Մի՛ նենգութեամբ խորամանկութեամբ »: Նեն-

1 Աստի ցմեկնութիւն Քարոզին պակասէ յԱ և յայլ 00-ից:

« Մարմն տէրո՞ւնական և արիւն քիւղական կայ առաջի, երջնաւ յոյն զօրութիւնքն աներևոյ թառեալն և ասեն անհանգիստ բարձրաբառով, Սուրբ սուրբ սուրբ տէր զօրութեանց »: Յետ այսորիկ արտաքս հայնեն նախ գերախայսն, որք եկին 'ի հաւատս, բայց գեռ չեն ընկալեալ զլուսացումն աւազանին, վասն անկատարութեանց՝ զորս և թերեհաւատ կոչեն, քան զի չեն կատարեալ 'ի հաւատս, և ապա զապաշխարոզսն, որք 'ի մեղսին չարեաց թաւալեցան և դարձեալ 'ի զղճումն եկեալ խոստովանեցան, բայց գեռ չեւ է լցեալ նոցա թիւ աւուրցն ապաշխարութեան: Եւ զինի նոցա զանմաքուրսն, այսինքն որք յանմաքուր այսոցն չարչարին: Սղբա երե-

քեան գապք մինչև յայո ժամ կան ընդ սուրբ հաւատացեալսն, զի տեսեալ զքահանայապետն որ ձեւացաւ 'ի նմանութիւն Քրիստոսի, և եղոյց զանհամեմատ սէրն իւր առ մարդիկ, օգտեսցին յայնմանէ. այլ մարգարէական և առաքելական և աւետարանին ընթերցումն, իրատ զգուշութեան և 'ի սնունդ անկատարութեան նոցա լինի: Իսկ այժմ՝ հանդերձեալ է ինքնին թաղաւորն Քրիստոս 'ի խորհուրդ մտանել ընդ սիրելի և ընդ հաւատարիմ ծառայսն իւր, որք են քահանայական դադր, օչ է պարա լինել անդ անկատարեցն, բայց կատարելոցն 'ի Քրիստոս: Իսկ կիսատարկաւազացն հանել զնոսա արտաքս, և պահել զչորունսն, վասն զի նոքա դատախարակն գնոսա, և սնուցանեն հոգևորական կամեմբ հին և նոր կտակարանացն:

գութիւն խորամանկութեան ասի՝ որ կեղծաւորին սէք
և խաղաղութիւն ունել առ եղբարս, և յանձինս նեղ
գութեամբ զչարութիւն խորհին, զոր ոչ ընդունի աս-
տուած եղէն խորհուրդն, այլ արտաքս հանէ:

« Մի պատրանօք խաբէութեամբ »: Բաղմագիմի են
խաբէութեան պատրանք՝ և առ Աստուած և առ մար-
դիկ. նախ առաջին, հաւատոյն կերպարանել ուղղա-
փառութիւն, չարափառ գոյով. կամ յարդար ձեւ
ցեալ՝ մեղաւոր լինելով. կամ առ մարդիկ երեւալ
այն՝ որ չիցէ ստոյգ, կամ սիրուն, կամ պարզամիտ, և
որ այլ ինչ է խարդախութիւն, ստուութիւն և խաբէու-
թիւն, զայն ցուցանելով յինքն՝ որ չիցէ, զորս ՚ի բաց
մերժէ Տէր ասելով. Ի բաց կացէք յինէն ամենե-
քեան՝ ոյք գործէք զանօրէնութիւն:

« Մի երկմտութեամբ թերահաւատութեան »:
Երկմտութիւն թերահաւատութեան է՝ եթէ յայնցա-
նէ զոր դաւանիմք զկնի սուրբ աւետարանին զհաւատն՝
երկմիտ և թերի իցէ որ իւրիք. կամ ՚ի սուրբ խորհուրդն՝
ոչ որպէս յԱստուծոյ մարմին և յարիւն հաւատայ,
կամ որ ինչ ՚ի նմա յոյսն՝ թերացեալ իցէ իւրիք. զոր
նախ աղօթիւք և գրոց խրատուք ուղղել պարտ է. զի
որպէս գրեալ է, մաքրելի է նախ առաջին և ապա ՚ի
մաքուրն մերձենալի:

« Այլ ուղիղ վարուք »: Ուղիղ վարք այն է՝ զոր
պատուիրանն ասէ, անթիւրն յաջ կամ յահեակ:

« Պարզ մտօք »: Այն երեւել զինչ իցէ, և ոչ յայլ
գունեալ:

« Միամիտ սրտիւ »: Ողջամիտ առ Աստուած և առ
մարդիկ, և ոչ ուրեք խորհրդոյն թիւրեալ:

« Կատարեալ հաւատով »: Այս է կատարումն հա-
ւատոյն, զչայր և զՈրդի և զսուրբ Հոգին ճանաչել,
երիս անձինս և մի Աստուած, ոչ գիտել ՚ի նոսա առա-
ւել կամ նուազ, կամ յառաջ կամ յետոյ, այլ հարթ
հաւասար, և միապէս յամենայնի, և նոյն բնութեամբ.
Ծնող զչայր, և ծնունդ զՈրդի, և ելումն զՀոգին՝
և ոչ ծնունդ. անժամանակք երեքեան և իսկզմանէ
ընդ Հօր Որդի և Հոգին սուրբ. մարմնացեալ Որդին ՚ի

Մարիամայ առճառապէս, և անփոխարկաբար. նոյն ինքն Աստուած շչմարիտ և մարդ կատարեալ. զաստուածութեանն զօրութիւն ցուցանելով՝ որպէս զԱստուած, և զմարդկայինն առանց մեղաց կրելով որպէս մարդ, միաւոր բնութեամբ¹. նոյն ինքն խաչի և մահու համբերեալ և յարուցեալ երեքօրեայ, և ըզմերն բարձեալ զանէծս և զմեղս և զմահ: Մերով մարմնովս համբարձեալ յերկինս, և գայ դատել ըզկենդանիս և զմեռեալս, և հատուցանել ըստ իւրաքանչիւր գործոց, արդարոցն՝ կեանս յաւիտենականս, և մեղաւորացն՝ տանջանս յաւիտենականս. խոստովա նել և զմկրտութիւնն՝ վերստին ծնունդ՝ ՚ի Հոգւոյն օրբոյ, յորդեգրութիւն Հօրն երկնաւորի. հաւատալ և զփրկական խորհուրդն՝ ստուգապէս մարմին և աբիւն Քրիստոսի. որով միանամք ՚ի Քրիստոս, և ժառանգակից նորուն լինիմք: Այսոյ հաւատով լինել կատարեալ:

« Եթեալ սիրով »: Աստուածսիրութեամբ լի և եղբայրսիրութեամբ անթերի:

« Առաւելեալ ամենայն գործովք բարութեանց »: Որ ինչ յաստուածսիրութենէն և յեղբայրսիրութենէն բարիք:

« Կացցուք առաջի սրբոյ սեղանոյս Աստուծոյ »: Դարձեալ վերստին յիշեցուցանէ զկալն առ սեղանն Աստուծոյ, զի առաւել ընդ ահիւ փակեսցէ:

« Եւ գտցուք ողորմութիւն յաւուր յայտնութեան » ՚ի միւսանգամ գալստեան փրկչին մերոյ »: Յիշեցուցանէ և զահաւոր գալուստն Քրիստոսի, զի մի անփորձ մատիցուք առ աստուածային սեղանն. զի եթէ խղճիւ կացցուք՝ մեծապէս լինիմք կշտամբեալք, որպէս զաղտեղի հանգերձիւք մտեալն ՚ի հարսանիսն. ապա թէ լուացեալ զաղտն, և հարսանեաց զգեցեալ պատմու ճանն՝ ըստ խրատու քարոզին, ողորմեալ լինիմք յայմ աւուր, և ողորմութեամբն Քրիստոսի ՚ի նորա բարիսն վայելեմք. զի թէպէտ բիւրապատիկ լցեալ իցեմք արդարութեան վաստակօք, սակայն ողորմութեամբ են

¹ Իմա՝ անշփոթ միաւորեալ աստուածութեամբ և մարդկութեամբ:

պարզեքն, բազմապատիկ առաւել քան զվաստակն մեր. աղօթիւք կնքէ զքարոզն ասելով. « Ամենակալ » տէր Աստուած մեր, կեցո և ողորմեաց մեզ ». զի թէ ողորմութեամբդ ոչ օգնիցիմք՝ ոչ կարեմք այնպիսի մաքրութիւն ստանալ մինչ զի խառնումն ընդ քեզ ունել. այլ ողորմելովդ լիցուք արժանի, և հասցուք կենացն յաւիտենից:

ՊԱՏԱՐԱԳ՝ԱՄԱՏՈՅՑ

« Տէր Աստուած զօրութեանց, և արարիչ ամենայն » լինելութեանց » : Բազում անգամ ասացաք յայլ աղօթմն, թէ տէրն անուն վասն տիրելոյն է. իսկ աստուածն վասն ստեղծանելոյն և յաստիս ածելոյ զեզեալքս : « Զօրութեանց », թէ հրեշտակաց, զի ոչ միայն երկրի և որ ՚ի նմա են՝ տէր Աստուած է, այլ և երկնիցն և երկնայնոցն, զոր ասէ մարգարէն. Օրհնեցէք զՏէր՝ ամենայն հրեշտակք նորա. զօրք զօրութեանց, որ առնէք զբան նորա : « Եւ արարիչ ամենայն լինելութեանց », թէ որ ինչ լեալք են՝ ամենայն քո հրամանաւ են հաստատեալ. բայց որ ասենն զայս, և որ լսել արժանանան, իմացին թէ նմա առաջի կամք՝ որում զօրք հոգեղէնք և հրեղէնք են սպասաւորք. որ ասաց ամենայնի և եղեն, հրամայեաց և հաստատեցան :

« Որ յանէութենէ զնաւս ՚ի ցուցակութիւն աւ » ծեալ գոյացուցեր » :

Յանէութենէդ՝ է յանլինելութենէ. զնաւս՝ զամենայնս. ՚ի ցուցակութիւն՝ ՚ի ցուցումն և ՚ի տեսութիւն. ածեալ գոյացուցեր՝ գոյս արարեր զորս չէինն, զանինն՝ ինչ արարեր, զչգոյն՝ գոյացուցեր, զոր զնէր՝ ՚ի տեսութիւն ածեր : Բանքս սակաւ են, և մտածութիւն անհաս ունի. չէին երկինք և ոչ երկնից երկինք. ոչ վերնոցն զանազան և անթիւ բազմութիւնք, ոչ արեգակն, ոչ լուսին, ոչ աստեղք, ոչ օդ, ոչ ամպք, ոչ անձրեք, ոչ երկիր, ոչ հուր, ոչ աղբիւրք և գետք և ծովք. ոչ ազգի ազգի բոյք և տունք և սեբանիք, իւրաքանչիւր հոտովք և ծաղկովք և պտղովք և համովք. ոչ բազմատեսակ անասունք, և գազանք, և սողունք և թռչունք և ձկունք. ոչ պատուական և պի-

տանի նիւթք, ոսկի, արծաթ, պայծառ քարինք, երկաթ, պղինձ, կապար, ապակի, և սոցին նմանք. ոչ աղբւրք ճարպոյ, կամ որ զաղն բերեն ջուրք և լեղինք. այլ սորա և որ այլ ևս են լինելութիւնք՝ յոչն չէ եղեն կամելովն Աստուծոյ, և գործ եղեն և տեսութիւնք յանդիմանակաց: Եւ յայն սակս նախ զդիր գոհութեանցս զայս եդ, զի ընդ ամենայնի սրբով պատարագաւն գոհացողք լիցուք. և սարսեալք յամենազօր և յամենարար Տեառնէն՝ մեծաւ ահիւ յանդիման նորա կացցուք, և զաղութս մեր մատուցուք, և ամենայն սրբութեամբ՝ ի սուրբ խորհուրդն մատուցուք:

« Որ և զմեր հողեղէն բնութիւնս պատուեալ մար»
 « դասիրապէս, այսպիսի անպատում և ահաւոր խոր»
 « հրդոյ կարգեցեր սպասաւորս »: Հողեղէն կոչէ ըզմարդկան բնութիւնս. վասն զի ի հողոյ ստեղծաւ մարմին. պատիւ կոչէ զքահանայութիւն, և մարդասիրապէս, վասն զի սիրեաց զմարդիկ, և զայն պատիւ ետ՝ որում և ոչ հրեշտակք չէին՝ բաւական: Անպատում ասէ և ահաւոր զսուրբ խորհուրդն. անպատում է, զի ոչ պատմի բանիւ որ ինչ էն, և ահաւոր է՝ վասն ահաբիւն փառացն. զի յորոց տեսանելին՝ թէ յանմարմնոց հրեշտակաց և թէ ի մարմնաւորաց սրբոց, անհանդուրժելի և ահեղ նոցա է. բայց որքան է՝ ոչ տեսաւ յումեքէ. զի զԱստուած ոչ ոք ետես երբէք. արդ զի որդի Աստուծոյ է մարմինն՝ Աստուած է անտես յամենայն բնութենէ՝² և սպասաւորի ի հողեղի նաց: Արաց նախ առաջին զԱստուծոյ մեծութիւնն ի տիրելոյ վերին զօրացն, ապա յարարութենէն, իսկ աստանօր ասէ յանպատում և յահեղ փառացն. և թէ որ այդպիսիք ես՝ առ սէր քո բարերարութեանդ զհոյս յայսքան պատիւ վերաբերեցեր, մինչև սպասաւոր անձառ խորհրդոյս լինել: Եւ խօսիմք զայս ընդ Հօր, պատարագ նմա ընծայեալ զՔրիստոս. յաղագս որոյ ասէ բանն. թէ,

1 Ա. Ս. Օ. լինէին:

2 Ըստ աստուածաբանից փոխաբերն երեմի Ս. Հարք զառուկս բնութեանցն ի Քրիստոս:

վասն պանչելի միաւորութեանն, և որպէս ասի Աստուած մեռեալ, այսպէս ասէ սա զՔրիստոս անտես լինել՝ զի Աստուած է:

« Դու Տէր, որում պատարագեմք զպատարագիսս՝
« ընկալ առ 'ի մէնջ զառաջադրութիւնս զայս » : Պա-
տարագ կոչի ընծայ. դու Տէր, ասեմք ցՀայր, որում
ընծայեմք մեք մարդիկս այսպիսի պատարագումն, զոր
պատարագիս ասաց բանն. և դու, ասէ, ընդունել սո-
վոր ես, այժմ և 'ի մէնջ ընկալ զոր առաջի եղաքս :

Յամենայն պատարագամատոյցսն, առաջին աղօթքն
վասն մատուցանողին արժանաւոր լինելոյ ասի, և զսոյն
միտս ունի. աղաչէ ՀՀամարել խոտան զմատուցողն.
այս է զոր ասէն, Ընկալ առ 'ի մէնջ. Թէ որպէս մեծա-
րեցեր զընութիւնս մեր, և ընդունիս պատարագել
քեզ մարդկան զայսպիսի պատարագ, զսոյն արասցես
և մեզ, անտես առնելով զոր յանցեաքն :

Հանապազ իսկ՝ բայց առաւել առ ահեղ խորհրդոյն՝
յանցանքն մեր առաջի մեր լիցին, և յիշեացին
անուղղայ գործեցեալքն 'ի մէնջ. և սխալանացն յիշ-
մամբ և մեր բնութեանս անարգութեամբ՝ զՀօգար-
տութիւն զամենայն 'ի բաց ընկեսցուք. զի Թէ Հայրաւ-
պեան Աբրահամ՝ որ ոչ գիտէր զանձին խիղճ ինչ,
այլ և բազում ուղղութեանց վկայ զԱստուած ունէր,
Համայն 'ի խօսել անդ ցուցանէր զինքն ոչ Հող միայն
այլ և մոխիր, ապա որչափ ևս առաւել մեզ մեղաւո-
րացս պարտ է բնութեամբս և փնասակար գոյովս ցած-
նուլ. զի և պատարագ իսկ խոնարհ Հողին լինի Աս-
տուծոյ, և նախ զինքն Աստուծոյ մատուցանէ խոնար-
հելովն և սրբելով զսիրտն 'ի խղճէ չարեաց, և զսիրտ
սուրբ և զՀոգի խոնարհ՝ Աստուած ոչ արհամարհէ :

« Եւ աւարտեա զսա 'ի խորհրդականութիւն մար-
» Թնոյ և արեան միածնի քոյ » : Աւարտ՝ կատարման ի-
րաց սովոր եմք կոչել. ասեմք Թէ սորա կատարումն՝
եղիցի լինել մարմին և արիւն որդւոյն Աստուծոյ : Դարձեալ և խորհուրդ Աստուծոյ է, զոր յայտնեալ է, և
յայտնէ սրբոց իւրոց, և ծածուկ է 'ի պղծոց. զի մի
տացի սրբութիւն շանց, և մի՛ ընկեսցի մարգարիտ խա-
ղաց, զի մի առ ոսոն կոխեսցի. վասն այնորիկ և մի՛ վայ-
րապար զայսպիսի խորհուրդ անհաւատիցն տացուք. զի
մի՛ այրանեալք 'ի նոցանէ երգիծանիցիմք. այսինքն է,
զի մի՛ կսկիծ 'ի սիրտ առջուք. Զի ճառ խաչին կորուսե-
լոցն յիմարութիւն է : Ոչ վայրապար և զմիածնին բանն

եղ 'ի վերայ որդւոյն . այլ զի յուշ լիցի մեզ՝ թէ որ-
պիսի սէր գտաք յԱստուծոյ, զի մի որդին նորա՝ որ
միայն է նորա ծնունդ՝ պատարագեսցի վասն մեր :

« Դեղ թողութեան մեղաց պարգևեա ճաշակո-
» ղացս զՏացս զայս և զգինիս . շնորհօք և մարդասի-
» թութեամբ Տեառն մերոյ և փրկչին Յիսուսի Քրիս-
» տոսի » : Վասն զի կերակրով մեղաք և մահկանացուք
եղաք, կերակրով դարձեալ զքաւութիւն և զանոնս
հաւթիւն ստանալ մեզ՝ Քրիստոսի չարչարանքն պար-
գեւեցին . աղաչեմ վասն հացիս և գինւոյս եղելոյ 'ի սե-
ղանն, զի լինելով մարմին և արիւն Քրիստոսի՝ լիցի մեզ
քաւիչ, և կեցուցիչ 'կենդանեաց և մեռելոց . և այս
վասն սիրոյն Քրիստոսի, որ մեռան վասն մեր, զոր
շնորհ և մարդասիրութիւն կոչէ : Զի չիք որ առանց
սխալանաց, և բազում են՝ զոր անգիտութեամբ մե-
ղանշեմք . և զի որ խոստովանին և զապաշխարութիւն
ցուցանեն՝ քաւութիւն սուրբ խորհրդոյն առնուն, և
միտանալով 'ի Քրիստոս միանան, լինել նմա մարմին
և անդամս, վասն այնորիկ մեծի գեղոյն 'ի խնդիր լի-
նիմք :

« Ընդ որում քեզ Հօր ամենակալի, հանդերձ կեն-
» դանարար և ազատիչ սուրբ Հոգւովդ՝ վայելե՛ն
» փառք, իշխանութիւն և պատիւ » : Ամենակալ կոչե-
զայր, զի ընդ իւրով իշխանութեամբ ունի զերկինս
և զերկիր լրիւ իւրեանց . կենդանարար և ազատիչ ա-
սաց զՀոգին սուրբ, զինովաւ աւազանն զմեզ վերադն
ծնանի որդիանալ Աստուծոյ, ազատելով 'ի մեղաց և
կենագործելով յանմահական կեանս . նոյն և զսուրբ
խորհուրդն՝ զկենդանարարն և զազատիչն դործէ : Նա
և զհանդերձեալ նորոգումն յարութեամբ մեզ շնոր-
հէ, վասն որոյ բարեբարի սուրբ Երրորդութեանն վայ-
ելուչ ստէ և արժանաւոր զփառաւորութիւնն . այսպէս
ասելով . « Նմա վայելեն փառք, իշխանութիւն և պա-
» տիւ . այժմ և միշտ և յաւիտեանս յաւիտենից » :

ՔԱՐՈՉ

« Ողջոյն տուք միմեանց 'ի համբոյր սրբութեան » : Համբոյր սրբութեան է՝ որ սուրբ սիրովն է, և ոչ ներքաւոր և ոչ պոռնական խորհրդով, այլ յատակ միտօք իցէ յեղբայրն : « Ար ոչ կարօղ էք հաղորդել 'ի » միմեանց ուսարուք, և առ դրունս ազօթեցէք » :

« Պատարագ Քրիստոս մատչի » : Եւ զի Քրիստոս է որ պատարագին՝ անմաքուրքն և աղտեղեալքն ոգւով արտաքս ելցեն, զի չեն արժանի 'ի հոգեւոր ուրախութիւնսն վայելել : խրատեացեն զմիմեանս սուրբ գրովք, և առ դրունս ազօթեցեն. սգացեալ սրտիւ և ջերմեռանդն արտասուօք ողբասցեն զչրկանսն, զի 'ի հոգեւոր հարսանեացն արտաքս վարեցան, զի չեղեն արժանիք յահաւոր ժամուն՝ մերձենալ առ երկնաւոր սեղանն, և ոչ երգակցել հրեշտակացն անդր գումարեւոյ, և ոչ 'ի Քրիստոս միանալ խորհրդովն սրբով, և 'ի մի հոգի նովաւ լինել : Արդ որք ըստ այսմ խորհրդոյ ելանէն արտաքս, երկիւղիւ և ամօթով զիւրեանց սխալանսն խոստովանութեամբ առաջի Աստուծոյ ունելով՝ հաշտութիւն հայցիցեն յամենողորմն Աստուծոյ՝ 'ի ձեռն Քրիստոսի զենմանն, փութով քաւութեան հասցեն, իսկ անդգայքն և ելեալքն յերեսաց Աստուծոյ և մեք ժեալքն 'ի սրբութեանցն, որ ոչ եկեացեն յապաշաւանս, այլ սովորական իրս համարելով՝ ելանիցեն խրն դամիտ, և մնայցեն անարտում, ևս առաւել շաբժեն 'ի ցատումն զանբարկանալին Աստուած. զի և ոչ 'ի պապուհասեւն և յորոշելն 'ի սրբոցն և 'ի բացեայ առնելն յիւրմէ՝ հոգացան ինչ, վասն որոյ յիրաւի դատին » :

« Ահիւ կացցուք, երկիւղիւ կացցուք, և նայեցա՝ » բուք զգուշութեամբ » : Զի թէ որ ամենեւին սուրբքն են անմարմին զօրքն, յիսկզբանէն մինչև ցայժմ երկիւղալից ահիւ կան առաջի մեծի փառացն Աստուծոյ, որչափ ևս առաւել մեք՝ որ հանապաղ 'ի յանցանս ըմբռնիմք՝ դողալ և սարսափել պարտիմք. և զինչ է նայելն զգուշութեամբ. մի իբր 'ի լոկ հաց և 'ի գինի նայել՝ որք 'ի ներքս մնայցեն, այլ մարմին և ա-

բիւն Արտուծոյ հաւատալ զառաջի եղեալն. և մեծ
ահիւ կալ, և որպէս յԱրտուած հայել զորոյ զհետ
գայ տունն և ուսուցանէ:

« Պատարաք Քրիստոս մատչի 'ի միջի մերում »
« գառն Արտուծոյ »: Այս է՝ յորմէ երկնէն և դու-
ղալն հրամայիմք. զի նա որ 'ի կուսական յարգանդին
'ի Մարիամայ առեալ մարմին՝ միացաւ 'ի նոյն բովան-
գակ աստուածութեամբն, այժմ ըստ նմին նմանու-
թեան 'ի հացս և 'ի բաժակս միանայ. և որ 'ի խաչին
անհնչացաւ՝ անհնչապէս և 'ի սեղանս յայս զնոյն մե-
ռելութիւն ըստ մարմնոյ ցուցանելով, և զենումն՝ կեն-
դանի աստուածութեամբն գոյով՝ մատուցանի սուրբ
Երրորդութեանն պատարաք. գոհացողութիւն տուե-
ցելոյ պարգեացն, և քաւութիւն մեղացն գործելոց,
և փրկութիւն յառաջիկայն, և բարեխօս առ հանդեր-
ձեալն կենդանեաց և մեռելոց: Զայս օրինակէին 'ի
հնումն օրէնք՝ անասնոյն մատուցմամբ, ոմանք գոհու-
թեան նուէրք, կէսք քաւութեան, այլք վասն փրկու-
թեան. 'ի մի յայս բովանդակեալ 'ի մեծի պատարա-
գիս խորհուրդ: Արդ յառաջ քան զսա տանն՝ որ
զգուշութեամբն նայել հրամայէ՝ ասեն առաջի կա-
ցեալքն, թէ « Առ քեզ ատուած »: Այս ինչ է, եթէ
առ քեզ հայիմք՝ և հաւատամք զի յանապականութիւն
աստուածութեանդ քոյ փոխարկես զընծայումն: Իսկ
այսմ տան ասեն, « Ողորմութիւն և խաղաղութիւն
» և պատարաք օրհնութեան »: զասացեալն 'ի մէնջ
ցուցանելով. զի ողորմութիւն է՝ քաւիչ մեղաց լինե-
լով. խաղաղութիւն է՝ փրկութիւն և խաղաղութիւն
հոգւոց և մարմնոց շնորհելով. զի և ոմանք 'ի հնոցն
պատարաքաց՝ խաղաղականք անուանին. Իսկ պատա-
րաք օրհնութեան է՝ զի ընծայի Արտուծոյ 'ի գոհու-
թիւն ամենայն երախտեաց նորա, յիսկզբանցն հետե-
առ մեզ եղելոց. և օրհնութիւն ընդ ամենայնի սուրբ
պատարաքաւն զԱրտուած. որպէս և բանք պատարա-
գամատուցացն յայտ առնեն:

« Ենորհք, սէր և աստուածային սրբարար զօրու-
» թիւն՝ Հօր և Որդւոյ և ¹ Հոգւոյն սրբոյ եղիցի ընդ

« ձեզ ամենեսեան » : Այս է զոր գրեաց Պօղոս Կորնթացւոյն . « Շնորհք Տեառն մերոյ Յիսուսի Քրիստոսի » սի և սէրն Աստուծոյ և հաղորդութիւն Հոգւոյն » սրբոյ եղիցի ընդ ձեզ ամենեսեան » . և զայս որ զպաւտարաբն մատուցանէ՝ տայ ժողովրդեանն , թէ որ ինչ Քրիստոսի տնօրէնութեամբն քաւութիւն եղև և պարգևք շնորհեցաւ , և սէրն Աստուծոյ Հօր որ որդեգրեաց զհաւատացեալս , և Հոգւոյն կցորդութիւնն՝ որ ընդ սուրբս , եղիցի ընդ ձեզ . զի մաքուրք լեալք՝ և ՚ի սէրն Աստուծոյ միացեալք , և Հոգւոյն սրբոյ հաղորդեալք՝ յառաքաստիս երկնայնում ընդ անմահ փեսային ի զեմք : Ապա ասի ՚ի մերձ կացելոցն , ոչ որպէս ՚ի տալն զխաղաղութիւն յաղօթման , զի անդ ասեն , Եւ ընդ հոգւոյդ քում , թէ և քում հոգւոյդ . իսկ աստ թէ ՚ի հոգւոյդ քում . զի որպէս ՚ի Մովսիսի հոգւոյն՝ եօթաւ նստուն և երկու ծերոցն տուաւ հոգին , նոյնպէս և ՚ի քո հոգւոյդ մեզ պարգևեցէ , որ նման Մովսիսի առ Աստուած մտեալ՝ զմերս մատուցանես գոհութիւնս և մաղթանս : « Վեր արարէք զսիրտս ձեր յաստուած » ծային խորհուրդս » . զի թէպէտ և յերկրի աստ կատարի՝ յերկինս է պատարագումնս . փանս որոյ աստուածայինն Պօղոս գրէ . Զվերինն խորհեցարուք , մի զայս որ յերկրի աստ է : Եւ ասեն առ այս .

« Ունիմք առ քեզ , Տէր ամենակալ » . թէ առ քեզ՝ Տէր ամենակալ , ամբարձաք զհոգիս մեր . որպէս թէ անդ ոգին բնակէ և անդուստ ՚ի յամենայն մարմինն աղղէ :

« Եւ գոհացարուք զՏեառնէ բոլորով սրտիւ » : Վասն զի սկիզբն կամի առնել գոհութեանցն , խրատէ զամենայն սիրտս բոլորովիմբ զկնի գոհացողական բանիցն համբառնալ և գոհանալ զԱստուծոյ : Յորոց ասի . « Ար » ժան և իրաւ » : Արժան է գոհութեան , և յիրաւի գոհանալ զնորա բարեբարութեանցն է , քանզի պարտապան եմք :

ՄԵԿՆՈՒԹԻՒՆ ԱՂՕԹԻՑ ԶՈՐ ԱՍԷ ՔԱՀԱՆԱՅՆ

Ի ԾԱԾՈՒԿ :

« Արժան է ստուգապէս և իրաւ ամենայորդոր փուլ
 » թուլ, քեզ՝ էն և ես և էդ Աստուած, անսկիզբն և
 » անքննելի, երբեակ միութիւն, միշտ երկրպագել փաւ
 » ռաւորելով » : Ըստ ռսելոյն՝ ի ժողովրդոցն՝ կրկնէ
 քահանայն, թէ արժան է ստուգապէս և իրաւ. ճիշդ
 մարտապէս ասէ, իրաւացի է : Ամենայորդոր փուլ թուլ.
 փոյթ է սրտի մտօք հոգ տանել. իսկ ամենայորդոր
 փոյթն՝ զսաստիկ ջերմութիւն ոգւոյն ասէ, որ յամե-
 նայն սրտէ և ի զօրութենէ և ի մտաց՝ յորդորի ի
 փոյթն, ըստ Պողոսի խրատուն. Ի փոյթ՝ մի վեհերոտք,
 հոգւով եւազէք : Արդ այսպիսի արժան է ի քո եր-
 կրպագութիւնն վերաբերիլ : « Էն և ես, և էդ Աս-
 տուած » . որ էիր յառաջ քան զյաւիտեանս, և այժմ
 ես և մնաս յաւիտենից յաւիտեանս : Անսկիզբն. ոչ
 ունիս լինելութեան սկիզբն և առաջ. և անքննելի, զի
 ոչ ի հրեշտակաց և ոչ ի մարդկանէ քննի քո օրովսու-
 թիւնդ կամ գտանի : Երբեակ միութիւն, երեք անձն
 և մի բնութիւն աստուածութիւն : Քեզ, ասէ, ան
 սկիզբանդ և անքննի միասնական երրորդութեանդ՝ ար-
 ժան է հանապազ ամենայորդոր փուլ թուլ երկրպագել
 փառաւորելով. և թէ վասն ոյր է փառաւորելի և երկր-
 պագելի այսպիսի փուլ թուլ՝ ասէ, ի Հայր զբանն ձգելով.

« Որ քոյն, Հայր, անզննելի և արարչակից բանիւդ՝
 » զանիծիցն բարձեր զկրճիմն » : Բան կոչէ զՈրդի. զի
 անախտ ծննդեամբ ի Հօրէ՝ որպէս բան ի մտաց. և
 ծանուցիչ է կամացն Հօր, որպէս բան ծանուցիչ կա-
 մաց խօսողին. և զի որպէս բան՝ միով ձայնիւ ի բա-
 զունս՝ բովանդակ և ոչ մասամբ մտանէ, և զի մարմնա-
 ցաւ, տեսաւ և ջօշափեցաւ, անմարմինն՝ ըստ նմանու-
 թեան բանի՝ որ ի քարտն՝ մարմնանայ և տեսանելի
 և ջօշափելի լինի. և անմեղնելի է ի ծնողէն, որպէս
 բանն յայլն հնչէ և ի միտս մնայ : Անզննելի ասի,

վասն զի անըմբռնելի և անշոշափելի է բնութիւնն Աստուծոյ: Արարչակից է, վասն զի հասարակաց եր-
րորդութեանն է արարչագործութիւնն: Եւ զի պա-
տուիրանազանցութեամբն՝ անէծքն կրճիմն եղաւ ընդ-
մեզ և ընդ Աստուած, այսինքն՝ արգել անկաւ և որո-
շեաց զմեզ յԱստուծոյ և՛ ի դրախտէն և՛ ի կենաց, և
ողորմեալ մեզ Աստուծոյ՝ ի բաց եբարձ որ յանիծիցն
էր կրճիմն. և զայն ոչ հրամանաւ կամ հրեշտակաւ
կամ մարդով սրբով, այլ իւր արարչակից Որդւովն. ա-
ռաւել գերագոյն պատիւ է՝ քան զբառնալն զանէծան.
այն զի Որդւովն եբարձ: « Որ ժողովուրդ ինքեան՝ զառ-
» ի յեկեղեցւոյ սեպհականեաց զհաւատացեալս ՚ի
» քեզ ». որ յեկեղեցւոյ են քո հաւատացեալք՝ իւր
սեպհական ժողովուրդ արար. սեպհական ասի՝ սերտն
և անհակառակելին. սերտեաց ասէ զմեզ իւր բնական
ժողովուրդ, անքակ յիւրմէ տէրութենէն:

« Եւ զմնելի բնութեամբ ըստ ՚ի Կուսէն տնտեսու-
» թեան հաճեցաւ բնակել ՚ի մեզ »: Զոր աւետարա-
նիչն Յովհաննէս ասէ, Բանն մարմին եղև և բնակեաց
՚ի մեզ. այն է զոր ասես. քանզի անզննելի է Բանն,
որպէս ասացաւ ամին յառաջագոյն, և մարմնանալովն
՚ի Կուսէն զմնելի եղև. որպէս ՚ի կաթողիկէից թղթին
գրէ նոյն Յովհաննէս, թէ Ձեռք մեր շոշափեցին ՚ի վե-
րայ բանին կենաց: Տնտեսութիւն՝ գործառնութիւն
է. վասն զի առ յանձն Որդին Աստուծոյ զայս գործել,
՚ի Կուսէն որդի մարդոյ լինել, Բնակելն ՚ի մեզ՝ այն է,
ըստ մեզ լինել. զոր մարգարէն Եսայի, ծնիցելոյն ՚ի
Կուսէն ասէ, կոչեսցեն զանուն նորա Խմանութիւն, որ է
ընդ մեզ Աստուած:

« Եւ նորագործ աստուածապէս ճարտարապետեալ
» երկինք զերկիրս արար »: Արդարև նորագործեաց,
զի զերկիր երկինս արար, որ Աստուծոյ ճարտարապե-
տութեանն միայն է կարելի. զի ՚ի չգոյէ գոյացոյց զեր-
կիրս նախ, և արդ՝ յերկրէ երկինք փոխադրեաց. և
թէ որով օրինակաւ այս եղև, ասէ.

« Զի որում ոչն հանդուրժէին առաջի կալ զուար-
» թնոյն ջուք՝ զարհուրեալք ՚ի փայլականացայտ և յա-
» հեղ լուսոյ աստուածութեանդ, եղեալ այդպիսիդ
» մարդ յաղազս մերոյ փրկութեան, շնորհեաց և մեզ

» ընդ երկնայինս պարել ընդ հոգեղէն պարս » : Տեսեր , զհարդ եղև երկիրս երկինք . զի երկնից և հրեշտակաց տէրն յերկիր էջ , և մարդ եղև , և զմարդիկ հրեշտակս արար . և զվերին զօրսն և զմարդիկ՝ ի միմեանս յարեաց . և միաբան ընդ նոսին զնոցայն օրհնութիւնս յերկրի երկրայնոցս երգել արժանաւորեաց :

Բայց պարտ է՝ նախ քան ՚ի գլուխ տանել զգեղեցիկ զայս դրուակ՝ զհրաշալի քորա զյարմարումնս ընդ միտ ածել . թէ որչափ զմեծութիւն Աստուծոյ չնորհին՝ զմի քան զմի յառաջ մատուցեալ յոյժ գերազանց ցուցանէ : Եւ արդ տես անդուատ ՚ի սկսմանէն : Արժան է ստուգապէս և իրաւ ամենայորդոր փութով՝ քեզ էն և ես և էդ Աստուած , անսկիզբն և անքննելի երբեակ միութիւն , միշտ երկրպագել փառաբանելով . որ քոյին , Հայր , անդննելի և արարչակից Բանիւղ՝ զանիծիցն բարձեր գիրձիմն : Մեծ էր յոյժ պարզեն՝ յանիծիցն ազատել . բայց ևս մեծ է , զի միածնաւն զայս արար . որ ինքն անէծք եղև և մեզ զօրհնութիւն ետ : Եւ չճանացաւ այսու , այլ և ժողովուրդ իւր սեպհականեաց զորս ընդ անիծիւքն էաք . և այս քան զյանիծիցն ազատելն յոյժ առաւել է : Գար ձեալ այլ ևս առաւելութիւն . որպէս զմեզ լինելն՝ և ՚ի մեզ բնակելն , որ կարի գերագոյն է քան զժողովուրդն լինել մեզ նմա : Եւ քան զայս ևս մեծագոյն է՝ զերկիրս երկին առնել , և զմարդիկ հրեշտակս : Եւ ՚ի վերայ սոցունց կարի անչափ է գերամբարձութիւն՝ զի զօր հրեշտակք բազում երկիւղիւ պաշտեն , և զերգան դորնոքս մեծաւ ահիւ աղաղակեն , զայն մեզ համարձակապէս ընդ նոսին երգել շնորհեաց . որպէս ազգակից և մարմնակից սիրով վստահել ՚ի պաշտօնն : Արդ զմնացեալ բանն տեսցուք մասնաւորաբար :

« Զի որում ոչն հանդուրժէին առաջի կալ զուար » թնոցն ջոկք » : Զուարթունք կոչին վերինքն , վասն միշտ ՚ի զուարթութեան և յուրախութեան գոլոյն աստուածային տեսութեամբն , և բարեգութ նորա խնամովն , որք զատեալք դաս դաս ՚ի միմեանց կարգեալք կան ՚ի պաշտամանն Աստուծոյ . զորս ջոկս բանն կաշեաց : Եւ զի ասաց՝ թէ ոչ հանդարտէին առաջի կալ , վասն զի Եսայի և Եղեկիէլ մարդարէք , մին զսե-

րովելէիցն և միւսն զքերովելէիցն զհանգամանսն որչափ կարացին առնուլ՝ պատմեցին մեզ, ահազնեալք զնոսա յոյժ զարհուրանօք: Զի Եգեկիէլ պատմէ զքերովելէիցն զթեման տարածեալս՝ ի վերայ գլխոցն և բովանդակ անձանցն, զի որպէս ՚ի սաստիկ յահէ ընդ թեօքն ասէ սալարէին: Իսկ Եսայի՝ զքերովելէիցն նոյնպէս զվեց թեման բաժանեալ յերկուս երկուս, կրկնապատիկ զերեսն և զոտն ամրացուցեալ յաստուածային հըոյն, և միշտ ընդոստուցեալ ՚ի սաստիկութենէ ահա գին տեսութեանցն՝ յիրեարս ծպտեալ և երկիւղալից բարբառով աղաղակ առ իրեարս եղեալ. վասն այսր ասէ, Ոչ հանդարտէին առաջի կալ. այսինքն թէ ոչ ժուժէին:

« Զարհուրեալք ՚ի փայլախնացայտ և յահեղ լուսոյ « աստուածութեանդ »: Քանզի լոյս ահեղ աստուածութեանն փայլատակունս ցայտէ անհանդուրժելիս, և յար սոսկումն և զարհուրանս և պակուցումն նոցա առնէ:

« Եղեալ այդպիսիդ մարդ յաղագս մերոյ փրկու « թեան »: Թէ որ այդպիսի ահաւոր և անտանելի փառօքդ էր՝ վասն զմեզ փրկելոյ մարդ եղև, ինքն ՚ի մեր աղքատութիւնս իջեալ, և մեզ զիւր աստուածութիւնն չնորհեաց. այլ առ անգամ մի ոչ զայս դնէ, այլ զայն՝ թէ հրեշտակաց հաւասարակից արար:

« Շնորհեաց և մեզ, ասէ, ընդ երկնայինսն պարեւ « ընդ հոգեղէն պարսն »: պարեւն՝ դասակցել է. զերկրայինսս ասէ և զհոգեղէնսս՝ ընդ երկնայինսն և ընդ հոգեղէնսն կցորդակցեաց. չնորհօք զայս՝ և ոչ ըստ արժանեաց տուեալ, այսինքն՝ ներելով, ողորմութեամբ, անյիշաչարութեամբ, զի այս է չնորհեաց ասելն:

« Ընդ սերովելէսն և ընդ քերովելէսն միաձայն սրբ « բասացութեամբ յորինել նուագս »: Նուագ՝ երգոյ է անուն. միաձայնեւն՝ զնոյն երգել զոր նոքայն. սրբաասացութեամբ, զնոյն ասել զերեքսրբեան օրհնութիւնս՝ զոր սերովելէքն երգեն. և յորինել ըստ նոցա յորինուածութեանն կազմել:

« Համարձակապէս բարբառով աղաղակել ընդ նո « սին, և ասել »: վասն զի եղբայր մեր եղև տէրն փա-

ուայ, առաւել քան զտերութենն՝ ընդ նոսա կալով՝ զարբասացութիւննն բարբառիմք:

« Սուրբ սուրբ սուրբ, Տէր զօրութեանց »: Երեք, ըստ երկից անձնաւորութեանցն, Հօր և Որդւոյ և Հոգւոյն սրբոյ. և մի Տէր, քանզի մի յերեսին է տէրութիւն աստուածութեանն. տէր զօրութեանց, այս ինքն՝ Տրեշտակաց, զի հզօրք են զօրութեամբ, և զի զօրք են թագաւորին երկնից:

« Լի են երկինք և երկիր փառօք քո »: Երկինք երկնայնութն և երկիրս երկրայնութեամբ՝ զքո փառսդ բարձրացուցանեն, ոչ միայն ի ձեռն բանաւորաց և մտաւորաց՝ այլ ի ձեռն ամենայն բնութեանց, որք գոյութեամբ իւրեանց պատմեն զփառս Աստուծոյ: « Օրհնութիւն ի բարձունս » Հօր, որում ասեմք Հայր երկնաւոր. թէպէտ ոչ միայն ի բարձունս է այլ ամենայն ուրեք, այլ զի որ անգն են՝ կամարարք նորա ամենեւին են՝ վասն այնորիկ անդ լինել-ասեմք:

« Օրհնեալ որ եկիր և գալոցդ ես անուամբ Տեառն »: Որդւոյ ասէ՝ որ եկն ի փրկել զարարածս, և գալոց է գատել զազգս մարդկան. անուամբ Տեառն, վասն զի յանուն Հօր իւրոյ եկն, որպէս և ինքն իսկ ասաց, թէ Ես եկի յանուն Հօր իմոյ. և դարձեալ զինքն տէր անուանեալ է, և է իսկ տէր:

« Օրհնութիւն ի բարձունս ». այսինքն յերկնս՝ Հոգւոյն սրբոյ, որոյ գալուստն ի Տէրն՝ ի Յորդանան, և ի վերնատունն յառաքեալսն՝ ի յերկնից ցուցաւ:

Այլ զի Փրկչին ասեմք զօրհնութիւն ի բարձունս, որպէս Հօր և Հոգւոյն սրբոյ, ի խոնարհելոյ նորա առ մեզ՝ յօժարեմք օրհնել զնա, զմանկանցն հնչեցեալ ձայն. զի որպէս նոքա՝ ի յովանակին տեսեալ զնա՝ ասէին, Օրհնեալ եկեալ անուամբ Տեառն, դաւթեան ձայնիւն յաւերադրեալ, նոյնպէս և մեք ի սուրբ սեղանն՝ ակնանադես նորա լեալ, պատուական նորա մարմնովն և սուրբ արեամբն զնա օրհնեմք:

Ճշմարտապէսն՝ զստոյգն ասէ, և ամենասուրբն՝ զամենայնիւ սուրբն. և սուրբ է փառաւորեալ. զի որ առանց ամենայն պակասութեան ունի զփառսն՝ Ճշմարտապէս փառաւորեալ է, և ամենայնիւ փառաւորեալ: Ըստ մեզ՝ սուրբն մաքուր ասի. այլ երանելի վարդա-

պետքն մեր յայսմ նուազի՝ փառաւորեալ՝ զասեւն 'ի հրեշտակաց մեզ ծանուցին: « Եւ ոչ որ պանծասցի բա- » նիւ բովանդակել զքո 'ի մեզ զանբաւ բարեգորո- » վութեանդ զեղմունս »: Զիք որ ասէ որ պանծասցի բովանդակել և ասել բանիւ, [Թէ զամենայն լիով զքո 'ի մեզ զբարեգորով զեղեալսդ՝ ոչ որ կարէ պարծել [Թէ ասիցէ, զի անբաւ և անբովանդակ է: Գորովելն է առաւել քան զգլթալն, զոր ջերմն սիրով 'ի վերայ ծննդոցն ցուցանեն ծնողքն մեծաւ խանդաղատանօք. զոր ոչ միայն 'ի մարդիկ, այլ բազում անգամ և յայլ կենդանիս է տեսանել. որպէս 'ի հաւուցն՝ առ ինքն և առ Երուսաղէմ Տէրն առակէր: Արդ ասէ զանչափ զբարեյորդոր զեղեալսն 'ի մեզ, զի ոչ միայն զի յա- ճախ է՝ գոհանալ պարտիմք, այլ առաւել զի 'ի ջերմն սիրոյ և 'ի սաստիկ զ[Թոյ՝ և յանպատում գորովոյ գը- գուեալ յաճախեաց զբարիմս. և վասն զի աղքատ էր մեր բնութիւնս և չունէր ինչ զի ընծայատուր Աստու- ծոյ լիցի, և առաջի եղեալ Աստուծոյ՝ զբարերարու- թեանցն գոհացի, յաղաքս այսորիկ ոչ կամեցաւ Աս- տուած չքաւորս յայս լինել մեզ. այլ անկշռելի և ան եզրական սիրով պատրաստեաց զիւր միածին որդին տալ մեզ, զի հարուստք լեալ նովաւ՝ զնա առաջի դի- ցուք Աստուծոյ, և նովաւ զբարեացն 'ի մեզ եղելոց՝ գոհացուք: Վասն այնորիկ 'ի հանելն զպատարագն 'ի սեղանն՝ սկիզբն առնեմք յիսկզբանցն գոհանալ: Բայց նախ խոստովանի բանս, [Թէ չկայ յոք կար՝ զբովան- դակ բարերարութիւնսն 'ի մեզ եղեալ՝ բանիւ յա- ռաջ բերել. և ապա սկսանի զգոհութիւնսն:

« Որ և անդէն իսկ 'ի նախնուսն զանկեալն 'ի մեզս » զանազան յեղանակօք խնամեալ սփոփեցեր »: Յա- ռաջինմն՝ զոր 'ի նախնուսն կոչեաց՝ զբնութիւն մարդ- կան՝ զանկեալն 'ի մեզս, պէսպէս խնամօք միսի[Թարե- ցեր ասէ. զի սփոփելն՝ միսի[Թարեւ է, և զանազանն՝ պէսպէս: Իսկ յեղանակօքն՝ դարձուածօք է. զի եր- բեմն երկայնակեցութեամբ լաւ և պիտանի հարցն՝ զզնացս արդարութեան ուսուցանէր ծննդոցն. էր զի և զհաճոյսն պատուէր չնորհիւ, որպէս զիմոք փոխ- մամբն. և էր երբեմն՝ զի զյանցուցեալն պատժէր, որ- պէս զԼոյսին, և որ առ ջրհեղեղան, և զՍողոմոնե-

ցին. զի և այս խնամք էն Աստուծոյ՝ պատժեն և կար-
ճել 'ի մեղաց, և այլոցն տալ զգուշութիւն: Դարձեալ
և ուխտադիր ընդ արդարնս լինելով և փրկող նոցին,
որպէս Նոյի, Աբրահամու և զաւակի նորա, որպէս
Դովտայ, Բակոբայ, բովանդակ արդարոց և որդւոցն
Խարայելի՝ զորս յեգիպտոսէ փրկեաց և յանապատին
խնամարկեաց, և որոց զօրէնսն ետ, յորոց և զմար-
գարէմն յարոյց, որոց և զերկիրն աւետեաց պար-
գեւեաց, որոց զբահանայութիւն և զԹադաւորութիւն
ետ, որոց զողջակէզմն, զգոհմն և զնուէրնս պար-
գեւեաց: զի մինչև գայցէ ճշմարտութիւնն՝ ստուե-
րան ճշմարտութեան մխիթարեսցին. նաև հրեշտա-
կօք խօսեցաւ, և ազգի ազգի նմանութեամբք ինքն
խակ Աստուած երևեցաւ. և զի ըստ ազգաց պահա-
պանս յիւրոյ հրեշտակաց կարգեաց: Զայս և որ սո-
ցին նման այլս բազումն՝ միով բանիւ ընծայեցոյց՝ յա-
սեին, [Թէ « Զանազան յեղանակօք խնամեալ սփո-
» փեցեր. մարգարէիւք, օրինացն տուչով Թեամբ, քա-
» հանայութեամբ, և ստուերակերպ երնջոցն մատուց-
» մամբ » . զի ամենայն մատուցեալքն 'ի հնումն [Թէ
վան մեղաց, [Թէ վան փրկութեան, [Թէ 'ի գոհու-
թիւն, Քրիստոսի պատարագելոյն էին օրինակք: Եւ
երինջքն այրեցեալք՝ որոց մոխիրն սրակէր զպղծեցե-
լովքն, զայժմու մաքրութիւնս՝ որ Քրիստոսի մկրտու-
թեամբն և պատարագան՝ տպաւորէր. վան որոյ ասէ
առաքեալ. Զստուեր հանդերձելոց բարեացն ունէին
օրէնքն, և ոչ զնոյն կերպարանս իրացն: Ստուեր ասի՝
զոր շուք մեք կոչեմք, որ անկանի 'ի մարմնոյ, եթէ 'ի
կենդանւոյ և եթէ յայլ ինչ իրէ: Եւ հանդերձեալ
բարիս՝ զայժմուս ասէ, որ Քրիստոսիւ յայնժամ մեզ
հանդերձեալ էր լինել. զոր յայլում [Թղթի ևս յայտ-
նագոյն ասէ Պօղոս. զօրինականսն¹ տուեալ՝ որ են ըս-
տուերք հանդերձելոցն, այլ մարմին Քրիստոս է, զի
ուսցիս 'ի Քրիստոսէ անկեալ զստուեր օրինացն, որ զօ-
րինականսն փոփոխեաց. և ծանիցես՝ [Թէ որչափ 'ի մէջ
է ընդ ստուեր. և յորմէ ստուերն անկանի, այնքան է
միջոց օրինացն և չնորհացս որ մեզս պարգևեցաւ:

« Իսկ 'ի վախճան աւուրցս այսոցիկ զբովանդակ իսկ » զպարտեաց մերոց խզեալ զդատակնիք » : Վախճան աւուրց կոչէ, զի ըստ վեցօրեայ աւուրցն արարչութեան վեց հազար ամբ աստի կեանքս ցուցանի, և յեօթնէրորդումն լինի հանդերձեալ կեանքն : Արդ զի 'ի վերջին հազարիս շնորհքն Աստուծոյ Քրիստոսիւ յայտնեցաւ 'ի վեցերորդիս, և այլ լըումն հազարի յետ տորա ոչ է, վասն այսորիկ վախճան աւուրց հազարամեայ աւուրցն կոչէ, վերջ հազարացն ցուցանելով. զոր և Պօղոսի յայտ արարեալ ասէ. Ի վախճան աւուրցս այսոցիկ խօսեցաւ ընդ մեզ Որդւոջն : « Զբովանդակ իսկ ըզպարտեաց մերոց խզեալ զդատակնիք » . բովանդակն՝ ամենայն կոչի. պարտս՝ զյանցանսն ասէ. զոր և Տէրն ուսոյց՝ յաղթման խնդրել, թէ թող մեզ զպարտս մեր. դատակնիք կոչի՝ զոր գրեն թաղաւորք զմիասակարացն և կնքեալ պահեն, մինչև հատուցեն ըստ յանցմանն : Ըստ որում նմանութեան և մարդկան բնութիւնս յառաջին մարդոյն մինչև 'ի Քրիստոս՝ որպէս գրով և կրնքով պահիւր յօր վրէժխնդրութեան ապստամբութեանցն, խորհուրդք և բանք և գործք, որ Քրիստոսիւ խզեալ լինի կնիք դատին : Վերստին արդ զբանէն բուռն հարցուք :

« Իսկ 'ի վախճան աւուրցս այսոցիկ զբովանդակ իսկ » զպարտեաց մերոց խզեալ զդատակնիք, զքո միա՝ « ծինդ ետուր մեզ պարտապան և պարտս » . խզեցեր ասէ զդատակնիքն՝ ոչ բռամբ, այլ իրաւամբք. զի մի վրիպանք արդար դատողութեանդ քոյ լինիցի. այլ կացուցեր մերոց մեղացն պարտական՝ ոչ 'ի հրեշտակաց և ոչ 'ի սրբոց, այլ զքո միածինդ : Դարձեալ զառաւել սէրն յիշելով գոհանայ, թէ զոր միայն էիր ծնեալ՝ զնա մեզ պարտապան ետուր, որ ոչ այլով իւրիք՝ այլ ինքեամբ զպարտս մեր հատոյց. Տէր հատուցանօղ ընդ իմ եղեալ, ըստ Դաւթի. և պարտք՝ ըստ Եսայեայ. Տէր մատնեաց զնա առ մեղս մեր. և ինքն Տէրն ասէ. Այնպէս սիրեաց Աստուած զաշխարհ մինչև զորդին իւր միածին ետ : Եւ Պօղոս, թէ Եւր որդին ոչ խնայեաց, այլ վասն մեր ամենեցուն մատնեաց զնա :

« Զքո միածինդ, ասէ, ետուր մեզ պարտապան և

» պարտս, զենուճն և օծեալ, գառն և երկնաւոր հաց,
 » քահանայապետ և պատարագ » : Ոչ միայն պարտա-
 պան և պարտք զքո միածինդ ասէ ետուր, այլ զենուճն
 և օծեալ, զի փոխանակ օծելոց քահանայապետիցն՝
 զդա ետուր մեզ լինել՝ օծեալ և քահանայապետ, և
 զենուճն և գառն պատարագի, և հաց առաջաւոր-
 քանդի յօրինականսն իմն քահանայապետքն ընդ ա-
 ռաւօտս և ընդ երեկոյս գառինս հանապազորդս մա-
 տուցանէին, և ըստ աւուրց՝ զառաջաւորաց ՚ի սեղանն
 կարգէին. և զԺողովրդոցն զիւրաքանչիւրոցն մատու-
 ցանէին զնուէրս. և անասնոցն արեամբ՝ զմարմնոցն ա-
 լետաւորէին զսրբութիւն : Իսկ քո միածինդ մեզ՝ ա-
 մենայն ինքն լեալ, ոչ զմարմնոյ և եթ մաքրէ զպղծու-
 թիւն, այլ բովանդակ զհոգի և զմարմն մաքրէ, ոչ
 առակաւ և ստուերաւ, այլ ճշմարտութեամբ. որպէս
 և ինքն իսկ ասաց. Ի վերայ նոցա ես սուրբ առնեմ
 զանձն իմ, զի եղիցին և նոքա սրբեալք ճշմարտու-
 թեամբ. և յասելն ճշմարտութեամբ՝ յայտ արար թէ
 առաջին սրբիչքն օրինակօք էին և ոչ ճշմարտութեամբ :
 Արդ ասացեալ թէ զքո միածինդ ետուր մեզ պար-
 տապան և պարտս, զենուճն և օծեալ, որ զզենուճն զե-
 նոյր, գառն և երկնաւոր հաց, քահանայապետ և պա-
 տարագ, յարէ ՚ի նոյն. « Վասն զի դա է բաշխօղ և
 » նոյն ինքդ բաշխի ՚ի միջի մերում՝ միշտ և անծախա-
 » պէս » : Զայս ամենայն Պօղոս յաճախապէս յեղյեղէ
 թէ Քրիստոս եղև քահանայապետ, և թէ ինքն մա-
 տոյց պատարագ, և իւրով արեամբն եմուտ ՚ի սրբու-
 թիւնսն յաւիտենական, և թէ ունիմք մեք սեղան՝
 ուստի ոչ ունին իշխանութիւն ճաշակել որք զխորա-
 նին պաշտեն զպաշտօն. յայտմ սեղանոյ է բաշխիչն
 Քրիստոս, և ինքն է որ բաշխին. զի որպէս ՚ի վերնա-
 տանն յառաքեալսն բաշխեաց և բաշխեցաւ, նոյնպէս
 և յայնմ օրէ մինչև ցայսօր՝ յամենայն եկեղեցիս ա-
 մենայն հաւատացելոց նոյն ինքն բաշխէ և բաշխի և ոչ
 սպառի. վասն այնորիկ ասէ թէ բաշխի ՚ի մեզ անծա-
 խապէս : Ապա և զօրինակն ևս այսպիսի շնորհաց յայտ
 ածեալ ցուցանէ, թէ զիսորդ է քահանայապետ և պա-
 տարագ և օծեալ և երկնաւոր հաց, և բաշխիչ և բաշ-
 խուճն. այսպէս ասելով.

« Վաճան զի եղև Հաւաստապէս և առանց ցնորից մարդ » : Այլ ցնորիւք ասէ, այսինքն կարծեօք, այլ ըստուգապէս մարդ եղև :

« Եւ անշփոթ միութեամբ մարմնացաւ 'ի սուրբ և » յաստուածածին Կուսէն Մարիամայ » : Միացաւ ասէ 'ի մարմին անշփոթաբար. զի ոչ փոխարկումն կամ 'ի բաց բարձումն արաք աստուածային կամ մարդկային բնութեանցն, այլ միացոյց՝ զբնութիւնսն, ըզնոյն գոլ Աստուած և զնոյն մարդ. որպէս զի բանն Աստուած մարմին¹, որ 'ի կուսէն մարմնացաւ. Աստուած, և նոյն ինքն՝ Աստուած և մարդ, և Մարիամն՝ որ ծընաւն զԱստուած Բանն՝ աստուածածին և Կոյս :

« Հանապարհորդեցաւ ընդ ամենայն կիրսմարդկային » կենցաղոյս առանց մեղաց » : Հանապարհ՝ զկենցաղս կոչել սովոր են գիրք, ընդ որոյ Քրիստոս ընդ վարսն անց ասէ, և ոչ մեղաւ, զգովանդակ զմարմնոյ կրեալ զկիրս. այս է՝ ծնաւ, սնաւ, քաղցեաւ, ծարաւեցաւ, աշխատ եղև, եկեր, արբ, զգեցաւ, հոգաց, տրտմեցաւ, արտասուեաց, և որ այլ ևս 'ի մարմնի բերի՝ յանձն էառ. և ազատ 'ի մեղաց մնալով՝ յաղթօղ մարմնականաց սխալմանցն արար :

« Եւ յաշխարհակեցոյցն և յառիթն փրկութեան » մերոյ եկեալ կամաւ 'ի խաչն » . առիթն պատճառ է, և զխաչելութիւնն՝ կենաց աշխարհի և փրկութեան մարդկան պատճառ Տէրն եցոյց. վաճան որոյ և գոհանալով՝ բանն աշխարհակեցոյց և առիթ փրկութեան մերոյ զխաչն կոչէ :

« Առեալ զհացն յամենասուրբ 'ի կենդանարար 'ի » ձեռսն իւր » : Ամենասուրբ արդարեւ էին ձեռքն աստուածային. և կենդանարար, զի 'ի ստեղծմանն կենդանութիւն յայնմանէ մարդկան տուաւ. և որ 'ի նորոգումն կենաց եղև նորոգումնս՝ նովին շնորհեցաւ : Չի նոյն ձեռք է որ զԱդամն գոյացոյց. թէ և անմարմին յայնժամ՝ որ այժմ մարմնով. նոյն ամենակար և ամենակեցոյց ձեռք՝ որ զհոգն մարդ հոգեւոր և բանական փոխադրեաց, զհացն առնլով՝ մարմին աստուածային փոխարկեաց. անդ զմարդկայինն միացուցեալ

զողի, և՛ ի սա՛ղասառածայինն միացուցեալ ընութիւն. անդ ասէ՛ փչել զհողին յերեսան, որ է հողին սուրբ, ստեղծու ՚ի մարդունն զկենդանական շունչն. և աստ ասէ, Առեալ զհացն օրհնեաց. և է օրհնելն՝ զհողին սուրբ տալ ՚ի նա. որ ՚ի Մարիամն առաքեալ՝ զանձառելի տնօրէնութիւնն ՚ի նմա գործեաց, և միացոյց ՚ի Բանն Աստուած զմարմինն՝ որ ՚ի կուօէն, զի ըստ այնմ՝ և զհացին միութիւն յորդին Աստուծոյ՝ հրաշագործեցէ:

«Օրհնեաց, ասէ, գոհացաւ» . քահանայապետ մեր եղեալ, և զիւր մարմինն մատուցեալ պատարագ, իբր զզի ՚ի մարդկանէ գոհանայ զԱստուծոյ բարերարութեանցն՝ որ առ ազգս մեր ՚ի սկզբանէ մինչև ցլաւի տեան. և որպէս ՚ի մարդկութենէս՝ զայսպիսի ընծայ տուեալ նմա տրիտուր:

Ապա ասէ. «Ետ իւր ընտրեալ աշակերտացն ասեւ» լով. Առէք կերայք ՚ի դմանէ ամենեքեան, այս է ՚ի մարմին իմ, որ վամն ձեր և բազմաց բաշխի»: Էին և այլ աշակերտք Տեառնն, բայց գլխաւորք երկուստանքն էին, զորս և ընտրեալս բանն կոչեաց, նոցա նախ զտուրք խորհուրդն շնորհեաց: Եւ զի ամենայն հաւատացելոց պարգևելոց էր՝ վամն այնորիկ յաւել զվամն բազմաց բաշխումն, ցուցանելով զոր յօրէ յայնմանէ մինչև ՚ի կատարած աշխարհի անսպառութեամբ տալոց էր կերակուր ճշմարիտ հաւատացելոց:

«Ըստ նմին օրինակի և զբաժակն առեալ օրհնեաց,» գոհացաւ, ետ իւրոց ընտրեալ աշակերտացն ասեւ» լով. Առէք արբէք ՚ի սմանէ ամենեքեան. այս է առ ՚ի ինն իմ՝ նորոյ ուխտի, որ վամն ձեր և բազմաց հեղու ՚ի քաւութիւն մեղաց»: Սկիզբն արար Տէրն մեր. պատարագիս, և ուսոյց, թէ որպէս պարտ է զսա գոհութեամբ կատարել. զի ոչ միայն զարարչութենէն, այլ և զհասարակաց մարդկան ինամոց և զփրկութեան գոհացուք. այլ ընդ հասարակացն և վամն իւրաքանչիւրոց առանձինն բարեաց գտելոց յԱստուծոյ՝ սուրբ պատարագաւն երախտահատոյց լիցուք շնորհակալութեամբ. զի ոչ միայն փրկել և կեցուցանել զմեզ եկն, այլ և ամենայն կարգաց և կրօնից Տէրն մեր վարդապետ մեզ լինել: Եւ արդ միտ դէր յիսկը-

բանցն. ծնաւ, աղքատ զմայրն իւր ընտրեաց, զի դու մի փախչելի համարեսցիս զաղքատութիւնն՝ զոր ամենեցուն թագաւորն ակործեաց. հալածեալ եղև յԵփպոսս՝ տղայ գոլով, և բազում անգամ յորժամ սքանչելեօքն երախտագործէր՝ հալածեալ լինէր. զի դու մի տաղտկայցես ընդ հալածանսն, և մի զայրացիս՝ թէ և յերախտառուաց ևս նեղիցիս. քանզի ոչ երբեք այնքան բարեգործել կարես՝ որքան նա որ Աստուածն և փրկիչն էր. և գործեալ ոչ այնչափ ազատ 'ի պարտեաց՝ որչափ նա որ անմեղն ամենայնիւ էր. այլ և ոչ պատուի և մեծարանաց՝ աւելի քան զորդին Աստուծոյ՝ զանձն արժանի մարթասցիս համարել: Զգեցաւ հանդերձ՝ ոչ 'ի պաճուճանս, այլ 'ի ծածկութիւն մարմնոյ. զի դու մի աւելորդացն այլ հարկաւորացն զքեզ տայցես: Կերակրեցաւ և արբ, որպէս և զգեցաւ, ոչ փափկութեան զինքն տուեալ, այլ չափաւորապէս զպէտս մարմնոյն հատուցանէր: Եմուտ 'ի հարսանիս, և զինդութեանն պայման եցոյց համեստութեամբն և սքանչելի ընծայատրութեամբն: Յայտարար և զարտասուաց և զսգոյ որքանութիւն, զսիրելին սգարով զ'Լազարոս: Նա և ուղեգնացաց ետ օրինակ, թէ որպիսեօք գրաստութեան հանգուցանել պատշաճ է. վասն զի 'ի վերայ իշոյ և ոչ 'ի ձիոյ ոսկէսանձս երևելիս նստաւ: Վարդապետեաց դարձեալ թէ որպէս 'ի փորձութիւնս պարտ իցէ աղօթել, կամ որպիսի հեզութիւն առ փորձողն ցուցանել, և բարիս ընդ չարի փոխատրել, որպէս և ինքն զունկն ծառային բժշկեաց: Եւ արդ՝ որպէս այսոքիւք և այլ լովք ամենեւումբք իւր կենցաղականօք և մանաւանդ խոնարհութեամբքն ազգի ազգեօք՝ որ մինչև յոտից աշակերտացն լուացումն ուսուցանել կամեցաւ, այսպէս և զխորհուրդն ուսոյց, թէ որպէս պարտ է կատարել, օրհնութեամբ և գոհանալով. և զի զինքն մնալ մեզ պարտապան ակործէ, և ոչ զմեզ իւր, յայն սակա 'ի գոհանալն մեր զԱստուծոյ՝ տայ մեզ փոխադարձեալ 'ի նոյն մեծաւ պատարագաւն. զի մեռելոց և կենդանեաց հատուցին պարտքն նովաւ, և պարտառուս և պարտապան մեզ նոյն ինքն Աստուած լինիցի: Արդ 'ի տալ զբաժանն ցաշակերտսն ասէ. Այս է

իմ արիւն նորոյ ուխտի, որ վասն ձեր և բազմաց հեղու 'ի Թողութիւն մեղաց. զայն յայտ առնէ որ 'ի խաչին հեղոց էր, և բեւեռն և կողին խոցեին. և ոչ ասաց միայն արիւն իւր, այլ նոր ուխտ զնա անուանեաց. քանզի հին ուխտն որ ընդ Հրեայան վասն պարգեական երկրին՝ անասնոց էր արեամբ. իսկ այս նոր ուխտս՝ իւրով պատուական արեամբն. յաղագս որոյ նախասաց եղև Երեմիայիւ՝ ուխտել ուխտ նոր, տալով զօրէնս իւր 'ի սիրտս և 'ի խորհուրդս մեր, Աստուած մեր լինել, և Ժողովուրդ իւր զմեզ առնել, և այլ ոչ ևս յիշել զմեզս մեր և զանօրէնութիւն: Իսկ աստ իւր սուրբ բերանոյն՝ ոչ այսքան միայն ասաց՝ զուխտն իւրով արեամբն, այլ զայն ևս յաւել, Թէ ուխտեմ ձեզ ես և Հայր զարքայութիւնն, և զլինելն ինձ ուրախակիցս. զի զուրախանալն ընդ նմին յայտ առնէ յասելն. Ուտիջիք և ըմպիջիք 'ի սեղան իմ՝ յարքայութեան Հօր իմոյ:

« Որ զսոյն միշտ 'ի յիշումն իւր առնել մեզ պաշտօն իրանադրեաց, բարերար և մարդասէր Տէրդ », Քանզի ասաց կենարարն, Թէ Քանիցս անգամ Թէ ուտիցէք զհացս և զբաժակս ըմպիցէք՝ զմահ իմ յիշեալիք մինչև եկից ես. այս է զոր ասեմքն, Թէ զսոյն զայս խորհուրդ զոր ինքն կատարեաց՝ և մեզ հրամայեաց առնել յիշատակ մահուան իւրոյ. միշտ, այսինքն հանապազ:

« Եւ իջեալ 'ի ստորին վայրս մահու » ստորին՝ ներքին է վայր. զգերեզմանն կոչէ զայս, յորում աստուածային մարմինն եղաւ՝ զոր առ 'ի Մարիամայն. քանզի ասէ. « Եւ իջեալ 'ի ստորին վայրս մահու՝ իւրով մարմնոյն, զոր ընկալաւ 'ի մերմէս յազգակցութենէ »: Ազգակից զսուրբ Աստուածածինն զՄարիամ անուանէ. և որպէս մարմնոյն 'ի գերեզման էջ՝ ըստ այլոց մարմնոց, նոյնպէս և ոգւոյն առ այլոց մեռելոց ոգիս չողաւ, և յարութիւն բազում սրբոց չնորհեաց, և զգօրութիւն մահու ելոյծ: Վասն որոյ յարէ 'ի նոյն. « Եւ զնիգս դժոխոցն աղարտեալ հօրեղապէս, ծառնոց զինքն հաւաստեալ Աստուած կենդանեաց և » մեռելոց ». զի որպէս արգելանաւ փակեալ ոգւոցն 'ի մարմինն դարձ, և մարմնոցն յարութիւն: Քանզի ըս-

պառնացաւ մահ Ադամայ, թէ ճաշակեսցէ 'ի պողողն. և զի յանցաւոր պատուիրանին գտաւ 'ի մահ և 'ի մեղս գրաւեցաւ զաւակօք. և ոչ գտաւ ոք 'ի մարդկանէ որ անմեղու թեամբ զմահուն վճարէր զպարտս, եղև որ. դի Ադամայ՝ որդին Աստուծոյ՝ անպարտն մեղաց, և փոխանակ մեղաւորացս մեռաւ և պարտաւորացս. ապա արև զիշխանութիւն 'ի վերայ մահու, խորտակելով զդրունս նորա, և հանելով 'ի նմանէ զբմբռնեալն: Կարէր զայս և առանց իւրն մահու, որպէս զօրեաց առ Վազարն, այլ ոչ կամեցաւ իշխանութեամբ փրկել միայն, այլ և իրաւապէս. որպէս ասաց ոմն 'ի մարգարէիցն. թէ Խրաւամբք փրկեսցի գերութիւն նորա և ողորմութեամբ. ողորմութեամբ՝ զի մարդ եղեալ մեռաւ վասն մեր. և իրաւամբք՝ զի անմեղին մահն մեղուցելոցս կենդանութիւն իրաւացուցէ: Այլ զի 'ի դէմն ած զբանն 'ի դրանցն արգելարանէ, զոր խորտակեալ ասէ, զի ցուցցէ թէ որպէս 'ի բանտի՝ որ խորտակին դրուպն և փշրին նիգքն, որպէս ասաց աղարտեալ. և մանաւանդ որ և 'ի վերայ բռնացեալն կապի անլոյծ կապանօք, չիք այնուհետև արգելականացն առ 'ի յարտաքս ելանէն խափան. ըստնմին օրինակի և ոչ մեր յարութեանն լինիցի, Քրիստոսի զմահ լուծանելով: Եւ յայսմ ամենայնէ ծանուցաւ հաւաստեաւ, այսինքն ստուգութեամբ, թէ որ մեռան՝ Աստուած է կենդանեաց և մեռելոց. որպէս և ասէ առաքեալ. Քրիստոս մեռաւ և եկեաց, զի մեռելոց և կենդանեաց տիրեսցէ:

« Եւ արդ մեք, Տէր, ըստ դորին հրամանատուութե. » յառաջ բերեալ զայս խորհուրդ փրկական մարմնոյ » և արեան միածնիդ քոյ ». վասն զի հրամայեաց ասէ դա՝ զոր ինքն արար զնոյն և մեզ առնել. այն է զոր ասեմք՝ թէ ըստ դորին հրամանատուութեան յառաջ բերեմք. յառաջ բերելն՝ դնելն է 'ի սեղանն զհացն և զբաժակն, որ խորհուրդ է մարմնոյ և արեան որդւոյն Աստուծոյ. այս է խորհուրդն՝ զի ոչ ըստ տեսանելոյն այլ իմանալոյն է հաւատալն. զի տեսանի հաց և գինի, և իմանի մարմին և արիւն որդւոյն Աստուծոյ. և փրկական կոչի, վասն զի փրկեցաք նովաւ և փրկիմք, 'ի կեալ և 'ի մեռանել:

« Յիշեմք զդորին որ վասն մեր՝ զփրկութիւնադործ » զչարչարանսն » : Արդ յասեին՝ թէ յիշեմք որ վասն մեր չարչարեցաւ դա, զմտաւ ածցուք՝ զի կապեցաւ որդին Աստուծոյ վասն ի կապանաց մեղաց զմեզ ար. ձակեղյ. դատապարտեցաւ ի պղծոյ, զի զմեզ անդա. տապարտս արասցէ ի դատելն զերկիր. , թուք ընկա. լաւ յաստուածային դէմնն և ապտակ ի ծնօտն, զի նորոգեցէ զպատկերսն իւր զապականեալս ի մէնջ. կռուփս յանարատ ի գլուխն ընկալաւ ծածկութիւ, զի բարձցէ յողոց մերոց զառաքաստն խաւարի, և զազգի ազգի չարչարանս ախտից. կատակեցաւ ի զի. նուորացն ծիրանեաւ, փշեայ պսակաւ, եղեգամբն, ընդ խաղ երկրպագութեամբն, զի զմեզ թագաւո. րեցուցէ ճշմարտապէս և աստուածացուցէ, չորհնե. ցէ մեզ հանդերձ փառաց, թագ արքայութեան, դա. ւազան զօրութեան. անարգեցաւ ի Հերովդէէ, մորա. կեցաւ ի Պիղատոսէ, զի պատուականս զմեզ արասցէ, և զանցաւորութիւն կենացն յաւիտենականաց մեզ պատրաստեցէ :

« Զկենդանարար խաչելութիւնն » : Վասն զի մե. ռեալ էպք ի մեղս, մեռաւ ի խաչին և կենդանացոյց զմեռելութիւնս մեր. վասն որոյ և կենդանարար կռ. չեմք զելումն նորա ի խաչն : « Զերեքօրեայ զանապա. » կան զթաղումն » . զի ըստ մարգարէին՝ ոչ թողա. ոգի նորա ի դժոխս և ոչ մարմին նորա ետես զապա. կանութիւն, այլ և զմեր հոգիս եհան ի դժոխոց, և զմարմինս փրկեաց յապականութենէ : « Զերանելի ըզ. » յարութիւնն » . երանելի ասի ի դրոց ամենայն բա. րեաւ թովանդակեալն. որ է երանելի ամենայնիւ, որ. պէս նոյն ինքն Աստուած, որ ոչ միայն երանելի է այլ և ամենայն երանութեանց տուող. զի մարդ և մարմին գօրով՝ Աստուած ճշմարտապէս ցուցաւ յարութեամբն : « Զաստուածապէս համբարձումն » . զի զհոգեգէն բը. նութիւնս յաստուածական աթոռն վերացոյց, և ըզ. մեզ ընդ իւր յարոյց և նստոյց յերկնաւորսն :

« Զահաւոր և զփառաւորեալ զփառանգամ՝ գա. » լուստն » : Ահաւոր է արգարե և ահագին և փառա. ւորեալ և սոսկալի գալուստն այն. զի փառօք Հօր գայ. ցէ և ամենայն հրեշտակօք, և ի դատաստան ժողո.

վեսցէ դամենայն բնութիւնս մարդկան. և հատուցէ ըստ իւրաքանչիւր գործոց, փառս անպատումն արդարօրոցն շնորհելով մշտնջենաւորապէս, և խոշտանդանս գաւիթնա յաւիտենականս՝ մեղաւորացն:

Արդ ասեմք թէ յիշեմք զայս ամենայն և գոհանամք. նուէր այսպիսի և ընծայ բարեաց փոխադարձեալ զպատարագս սուրբ. և սովաւ աղաչեմք ապրիլ ՚ի հանդերձեալ դատաստանացն: Ամեն որոյ և համաձայնեն առաջի կացեալքն, թէ « Յամենայնի գո » վեմք զքեզ ». այսինքն թէ ընդ ամենայնի գովեմք » զքեզ: « Օրհնեմք զքեզ, գոհանամք զքէն, աղաչեմք » զքեզ, Տէր Աստուած մեր: Զայս բանս զոր երգով ասէ ժողովուրդն՝ կրկնէ քահանայն, և ցուցանէ զմիտմն, այսպէս ասելով.

« Զքեզ արդարեւ Տէր Աստուած մեր գովեմք, և ըզ » քէն գոհանամք, որ զօրհանապազ զանց արարեր ըզ » մերովք չարագործութեամբք: Գովեմք, ասէ, զքո քաղցր և զանոխակալ և զբազմազեղ և զբազմադու թներողութիւնդ, և գոհանամք զառատապարզ և բարեբարութեանցդ քոց. զի մեք հանապազ յանցանեմք խորհրդովք, բանիւք և գործովք, և դու ոչ հայելով յայն՝ վրէժս հատուցանես, այլ զանց առնես, որպէս թէ ոչ տեսանելով՝ այնպէս ներես. և ոչ միայն զյանցանօքն և զչար գործովքն զանց առնես, այլ և խնամն և ողորմութիւնս ցուցանես. և ոչ ՚ի մարմին միայն այլ և յօգի. ոչ փոքումբք՝ այլ և մեծամեծօք. զոր և ցուցանէ յաջորդաւս.

« Որ այսպիսի ահաւոր և անպատում խորհրդոյս » կարգեցեր սպասաւորս ». անպատում ասի սուրբ խորհուրդն, վասն զի բան չկարէ որպէս էն յայտնել և ահաւոր է՝ ոչ միայն մարդկան այլ և հրեշտակաց:

« Ոչ յաղագս մերոց ինչ բարեգործութեանց՝ յո » րոց յոյժ թափուր միշտ և ունայն գտանիմք հանա » պազ, այլ ՚ի քո բազմազեղ ներողութիւնդ ցանկ ա » պաւինեալ՝ համարձակիմք մերձեալ ՚ի սպասաւոր » ըութիւն մարմնոյ և արեան միածնի քոյ: Եւ վասն զի ահաւոր է՝ և մեք սպասաւորել համարձակիմք՝,

ոչ զի բարիս ինչ գործեցաք՝ վստահանամք, այլ ՚ի բազում և ՚ի լքեալ և ՚ի զեղեալ բարերարութիւնդ ցանկ ապաւինեալ. այսինքն հանապազ համարձակիմք մեր ձենալ ՚ի սպասաւորութիւն մարմնոյ և արեան միածնիդ քոյ: Եւ ընդէր հանապազ ՚ի սպասաւորութիւն խորհրդոյն ասէ. վասն զի կատարել զխորհուրդն չէ մեր, այլ որպէս Յովհան երանելին ասէ, մեք սպասաւորաց աստիճանն ունիմք. և սրբէ և վերստին կազմէ նա. զՔրիստոսէ ասէ. քանզի մեք հանեմք ՚ի սեղանն և ՚ի սպասու կամք, գոհանալով զբարերարութեանցն Աստուծոյ. իսկ միացուցանել ընդ ինքեան զհացն և կենսատու առնել՝ Քրիստոսի է գործ:

Խաղաղութիւն ամենեցուն. Աստուծոյ երկրպագեսցուք¹:

Ապա ասէ քահանայն.

« Երկիր պաղանեմք և աղաչեմք և խնդրեմք ՚ի քէն, « Տէր, առաքեա ՚ի մեզ և յառաջի եղեալ յընծայս » յայս՝ զմշտնջենաւորակից քո և զհակից սուրբ Հոգիդ »: Երկիր պաղանեմք և աղաչեմք և խնդրեմք ՚ի քէն, Տէր. վասն էր ասէ ՚ի քէն, այսինքն թէ ՚ի քէն խնդրեմք երկրպագութեամբ՝ և աղաչեմք, որ արարելդ ես և հայր, որ յաւիտեանցն մարդասէր և բա-

1 Յաւելուն նոր 00:
Ժողովուրդն. Եւ ընդ հոգւոյդ բում:

Սարկաֆն. Աստուծոյ երկրպագեսցուք:

Ժողովուրդն. Առաջի քո, Տէր:
Քահանայ խորհրդեալ երկրպագէ օշակոյն և ասէ զպոքն:

Պարտ է գիտել, զի ամենայն բանք աղօթիցս որ մինչև ցայս պատմեցաւ ՚ի քահանայէն, այն պիտի է, զոր օրինակ եթէ յիշեալն ոք յազապս յոնցանաց իրիք բարկանայ ծառայի իւրոյ, և ոմն ՚ի սիրելեաց ի լեւանին կամիցի ՚ի հաշտութիւն ածել զնա ծառայ-

ին, նախ ազերսէ՝ զի հաշտեսցի, և զհաշտուն ընդունիցի՝ զոր ետ ծառայն. և իբրև զայն առնու՝ գիտէ այնուհետև զի հաշտեալ է այժմ, նախ գոհանայ զմեանէ, և ապա համարձակի զայլ և խնդրուածն խնդրել ՚ի նմանէ: Նոյնպէս և այժմ՝ միջնորդաբար քահանայս պատմեաց նախ զամենայն տնօրէնութիւն Քրիստոսի, որպէս այսօր այն ամենայն կատարեցաւ, և ետ զընծայսն ՚ի Հայր. իբրև ան և հաճեցաւ Հայրն, զմեանէ գոհացաւ. իսկ այժմ՝ համարձակի այլ իմն խնդիրս առնուլ ՚ի նմանէ: Եւ զէ՛նչ իցէ խնդիրն. այս է:

րերար և գթած մարդկութեանս եղեր, որ ոչ միայն զարարածս 'ի պէտս մեր հաստատեցեր, այլ և զքո մի և սիրելի որդիդ՝ ետուր մեզ փրկանք և փոխանակ. և զնոյն ինքնդ 'ի սեղան դնես և կերակրես զմեզ դովիմք. վասն որոյ ապաւինեալ յանբաւ քո բարերարութիւնդ՝ զՀոգիդ սուրբ առաքել խնդրեմք 'ի մեզ և 'ի պատարագս, զի և զմեզ Հոգիդ սուրբ սրբեացէ:

« Որոյ զհացս օրհնեալ՝ մարմինս ստուգապէս արասցէ Տեառն մերոյ և փրկին Յիսուսի Քրիստոսի. և զբաժակս օրհնեալ՝ արիւնս ստուգապէս արասցէ Տեառն մերոյ և փրկին Յիսուսի Քրիստոսի »¹: Զի մարմնացաւ փրկին 'ի Մարիամայ կուսէն. Հոգին սուրբ առաքեալ 'ի Հօրէ՝ ան մարմին 'ի յարգանդէն Մարիամայ, և խառնեաց և միացոյց 'ի Բանն Աստուած, որ և մի որդի և Աստուած ծնեալ 'ի նմանէ յայտնեցաւ. զնոյն և յեկեղեցւոյ և 'ի սուրբ սեղանն գործէ Հոգին սուրբ. առեալ զհացն միացուցանէ յորդին Աստուծոյ, նոյնպէս և զբաժակն, և լինի մարմին և արիւն Քրիստոսի ճշմարտապէս: Զսոյն զայս հայցեմք և հաւատամք լինել, զի անսուտ է բանն Քրիստոսի. որ ասաց մինչև 'ի գալուստն իւր առնել յիւր յիշատակ զայս սկզբնաւորեալս յիւրմէ: Այլ զի ասեմք զՀոգին սուրբ մշտնջենաւորակից և էակից, խոստովանիմք միշտ առ Հօր և ընդ Հօր: Որպէս Հայր՝ էր և է և միշտ է, և չիք ժամանակ զի չէր, նոյնպէս և Հոգին սուրբ միշտ ընդ Հօր և ընդ Որդւոյ էր և է մշտնջենաւոր և էակ. որ և զայսպիսի մեծամեծս հրաշագործէ. զլոկ հացն և զգինին՝ յանապականութիւն մարմնոյ և արեան որդւոյն Աստուծոյ փոփոխելով:

« Որպէս զի եղիցի սա մերձեցելոցս՝ յանդատապարտութիւն, 'ի քաւութիւն և 'ի թողութիւն մեղաց »: Հաւատով հայցեալ զէջս Հոգւոյն սրբոյ 'ի սուրբ պատարագն, ըստ տէրունեան բանին՝ կենդանարար մարմին և արիւն խոստովանիմք, և աներկբայ սրտիւք սկը-

1 Վասն կոչման Հոգւոյն սրբոյ 'ի փոխարկութեան նիւթոց խորհրդոյ պատարագին, և առ այս վարդապետութեան Ս. Հարց և մեղոցս ոմանց, արարեալ է մեր

Ծանօթութիւնս 'ի տպագրութեան պատարագամեկնի Ներս. Լամբրոնացւոյ (յեջ 391). անգորհրուիքն զմեզ գրողս լուծման:

սանիմք 'ի խնդրուածս. զորդին Աստուծոյ 'ի վերայ սրբոյ սեղանոյն՝ ամենեկեայ և աներկեան մտօք գիտալցեալ, զմեռելութիւնն իւր՝ որ վասն մեր՝ ապանատես մեզ առնելով. քանզի այսուհետեւ այն մարմինն լինի՝ որ 'ի խաչին և 'ի գերեզմանին: Որով և զկենդանեաց և զմեռելոց հայցեմք զփրկութիւն. նախ առաջին զայս խնդրելով, զի անդատապարտ մնայցեմք սպասաւորելով ահաւորացն. և զի 'ի թողութիւն մեղաց լիցի մեզ մերձեցումն 'ի նա. վասն այնր ասէ, թէ մերձեցելոցս. զի անարժանիցն և կալն մերձ և հաղորդիլն՝ դատաստան է. և յաղագս այնորիկ արտաքս ելանեն անպատրաստքն, զի մի դատապարտեսցին՝ աղտեղի հոգւով յաստուածայինն մտանելով յառաքաստ: Եւ քանզի անբիծ ոչ ոք գտանի՝ աղաչեմք զի թողցին յանցանքն մեր՝ գիտութեան և անգիտութեան, Քրիստոսի պատարագելոյն: Զի որք խիղճ՝ զանձանց գիտեն, և ոչ էին խոստովանութեամբ և ապաշխարութեամբ սրբեալ՝ զնոսա առաջին քարոզն տրուհեաց. իսկ որ չար խղճիւ ոչ էին և կամ ապաշխարեալ ըստ գրոց, և 'ի ներքս մնացին, և նորա յահին և 'ի դողման պարտին լինել. վասն զի հանապազ ընդ սխալանօք ըմբռնիմք, խորհրդովք, բանիւք, գործովք, կամաւ և ակամայ, գիտութեամբ և անգիտութեամբ. և յաղագս այսորիկ պաղատանս հառաչանօք և ջերմեւանդն արտասուօք մատուցանելի է, զի մաքրեսցին յամենայնէ՝ և սուրբք 'ի մաքուրն մերձեսցին¹:

«Սովաւ շնորհեա զսէր, զհաստատութիւն և զրդձալի » զխաղաղութիւն եկեղեցւոյ քում սրբոյ »: Սովաւն՝ զպատարագէն ասէ. շնորհել ասէ և ոչ տալ. զի մի

¹ Յաւելուն նոր 00.

«Եւ համբուրէ քահանայն զսեղանն. և այնուհետեւ զձեռն հաւասար նուիրանացն խոնարհեցուցանէ, և զայն 'ի նոյն առեալ, ասէ ամուռնչ զաղօթան: » Եւ յայտ հետէ երևելի նուիրօքն աղերսէ զշայրն. քանզի ճէջ Հոգին սուրբ 'ի վերայ նուիրացն, և մեռեալ նիւթն կենդանարար (եղև), և անշունչն շնաւ.

ոցաւ, օրինակն ճշմարտութեամբ յեղև. նշանակն ստուգապէս մարմին և արիւն Քրիստոսի կատարեցաւ. վասն որոյ այժմ իբրև զԱստուած հայեցողութեամբ ոհայցէ, ասելով: «Ըստ մտաց բանից ներ. Լամբրոնացւոյ են ասացուածքք. տես 'ի պատարագ մեկնչի նորուն, էջ 397, և զԺանթութիւնն նախանշանակեալ:

որպէս թէ հատուցումն ընդ բարւոյ իրիք հատուցանել ասիցեմք, այլ բարեբարութեան պարգև ձրի: Սէր հայցեմք լինել եկեղեցւոյ, այսինքն հաւատացեալ ժողովրդոց՝ առ Արտուած և, առ միմեանս. և հաստատութիւն՝ ի հաւատս և ի բարի գործս, և խաղաղութիւն յարտաքին թշնամեաց, և անսասանելի մնալ յամբարշտաց և ի հերձուածողաց. և փափաքելի և ցանկալի խաղաղութիւն ամենայնիւ ունել, զոր և ըղձալի ասաց: Յարէ՝ ի նոյն՝ վասն ամենեցունց հայցել առանձնակ ըստ կարգի, այսպէս ասելով:

« Եւ ամենայն ուղղափառ եպիսկոպոսաց », թէ որք ուղիղ են հաւատով: « Քահանայից, թագաւորաց, իշխանաց, ժողովրդոց, ճանապարհորդեաց և որք ի » պատերազմունս բարբարոսաց ». ամենեցուն՝ Քրիստոսի պատարագաւ ողորմութիւն հայցելով: Վտանգաւորք են՝ որք յինչ և իցէ նեղութիւնս, և ի պատերազմունս բարբարոսաց են, որք ընդ այլազգիս և ընդ այլ անհաւատս մարտ եղեալ կռուին, պարսպել յանդորրութեան զեկեղեցի Քրիստոսի:

« Սովաւ և օգոց շնորհեա բարեխառնութիւն, և » պաղոց առատութիւն, և ախտացելոց ի պէսպէս » ցաւոց՝ փութապէս առողջութիւն »: Բարեխառն օգք այն են՝ որ ոչ փնասեն բուսոց և տնկոց, այլ բարիօք մնուցանեն, և պտղաբերս առնեն: Ախտացելոց ի պէս պէս ցաւս, ասէ զհիւանդացեալս յայլ և այլ գունակ ցաւոց, փութով առողջութիւն գտանել հայցելով, թէ մարմնով և թէ հոգւով, թէ մտօք վտանգեալ որ իցէ:

« Սովաւ հանգո զամենեսեան զյառաջագոյն ի » Քրիստոս զննջեցեալն ». թէ որ յԱդամայ հետէ հաւատով ննջեցեալք են ի Քրիստոս, վասն զի ոչ զինի զարտեանն միայն՝ այլ և յառջ քան զգալուսն Քրիստոսի հաւատացեալքն յԱրտուած՝ ի Քրիստոս ննջեցին¹. զի նա էր ի սկզբանէ առ Արտուած, և Արտուած էր. սուրբքն նախածանօթք իսկ

¹ Գեղեցիկ և խորատես վարդապետացելոցն հոգիս՝ Քրիստոս գտեալութիւն. ընդ որում պարտաւորեալքն ի փառս եւ զաբանելի ևս էր, թէ զամենայն բանականս:

նորա էին. որպէս և ասէ իսկ երանելին Գրիգոր աստուածաբան՝ վասն կատարելոցն. իսկ անկատարքն՝ Աստուած դաւանելով զոր 'ի մարգարէիցն և յարդարոցն քարոզելու, սուրբ Երրորդութեանն զերկրպագութիւնն մատուցանէին, թէ և առանձնաւորութեանցն անձանսթ հանդիպէին. վասն որոյ և նոքա իսկ 'ի Քրիստոս ննջեցեալք ասին. Յաղագս որոյ ասելով, թէ հանգո զննջեցեալն 'ի Քրիստոս, ոչ միայն զորս 'ի նորումն թուէ՝ այլ ասէ զսուրբ հայրն՝ որք յԱդամայ մինչև ցԱբրահամ, և որք 'ի նմանէ:

« Զմարգարէս, զառաքեալս, զվկայեալս, զեպիսկոսպոտնա, զերիցունա, զսարկաւազունա, և զքնաւ » ուխտ եկեղեցւոյ քում սրբոյ »: Այս է, կէս սարկաւազքն, դաիրքն, գրակարդացքն, սաղմոսօղքն. քնաւ ասելն զտօլանդակն ցուցանէ՝ որ 'ի կարգի եկեղեցւոյ, ուխտ ասելով եկեղեցւոյ. զի ամենեքին նուիրեալ են 'ի սպասաւորութիւն և 'ի կարգաւորութիւն եկեղեցւոյ սրբոյ:

« Եւ յաշխարհական կարգէ զարս և զկանայս հաւա » տացեալս 'ի քեզ »: Աստանօր զհամօրէն զաշխարհականաց հաւատացելոց՝ որք 'ի հնումն և որք 'ի նորումն հաւատով վախճանեցան՝ յիշատակէ. զի որպէս զսրբւոցն զաղօթս և զբարեխօսութիւն մեզ կոչեմք յօգնականութիւն, նոյնպէս և մեք պարտիմք առաջնոց ննջեցելոցն օգնել աղօթիւք, մանաւանդ սուրբ պատարագան, որ յոյս և կենդանութիւն և փրկութիւն է ննջեցելոց: Զի զմեր ննջեցեալն և զփրկելիսն և զծանօթմն մեր՝ յանուանէ յիշել ունիմք, թէ բերանով և թէ մտօք. իսկ զայլն՝ հայցեմք յիշել Աստուծոյ՝ որ զամենայն գիտէ, և կարգ ըստ կարգի յիշելով ըզսուրբան, և ընդ նոսա զամենայն հաւատացեալս 'ի մի մեանս յարելով՝ իբրև զմի մարմին Քրիստոսի՝ հասարակաց գլխոյն Քրիստոսի պատարագան, յիշատակելով առաջի Աստուծոյ Հօր, յայս զբանն աւարտեմք.

« Ընդ որս և մեզ այց արասցես, բարերար և մար » դասէր Տէր »: Թէ ընդ նոսա ամենեւին՝ զորս յիշատակեցաքն՝ և մեզ այցելութիւն արասցես. այսինքն թէ խնդիր արա, և խնամածու ընդ քոյմն և մեզ լիցիս: Զայն զայս զոր յիշատակէ քահանայն՝ սարկաւազն

դարձեալ յիշատակէ բարձր ձայնիւ, ուրոյն ուրոյն տունս զատուցեալ. և ըստ իւրաքանչիւր տաքն՝ ժողովուրդն որ 'ի խորհրդին՝ ասեն ձայնիւ. « Յիշեա Տէր » և որդոսեա » : Ար բուն քարոզն է բազում տունս ունի. նախ վասն Աստուածածնին, և ապա ուրոյն ուրոյն սրբոյն ըստ կարգի, նախահարցն, մարգարէիցն, առաքելոցն, եպիսկոպոսաց, մարտիրոսաց, քահանայից, սարկաւազաց, կանանց ընտրելոց, կանանց մարտիրոսաց, Թագաւորաց սրբոց, իշխանաց սրբոց, վարդապետաց սրբոց, հարց առաքիլներաց և մարտիրոսաց, առաջնորդաց, և ամենայն ձգնաւորաց, և որ այլ ինչ օրինակաւ հաճոյացեալ են Աստուծոյ. զի ըստ իւրաքանչիւրոցն է յանուանէ զոմանս յիշեալ յամենայն դունակէ, և զհամօրէն կարգակիցսն 'ի նոյն յարել. զորս 'ի տօնս զատկաց ասեն՝ որք բարեկարգութեան հոգ տանին : Իսկ զոր համառօտիւք հարկ է ասել 'ի ժամ սուրբ պատարագին՝ է այս ¹ :

1 Աստանօր նոր օրինակք ունին և զխնայալ, որ յայտնապէս ճանաչի ոչ լինել Խոսքովու. քանզի առ այլ աղք մեկն 'ի բնագրեզ զիշատակութիւն Արքայն. « Իսկ թէ ասիցէ որ, թէ զխորգ և զարգարան յիշատակէ աստ 'ի յերեւելարտա, օրոյ և մեք իսկ յակն ունիմք բարեխօսութեան անոցն, այսպէս իմացին. քանզի թէ պէտք փառաւորեցան նորա և հանգեան, սակայն ոչ բնաւ 'ի լրումն հասին. այլ օր ըստ օրէ » քաղցնուն և զառաւելութիւն իննդրեն. վասն զի անհարմին փառացն յորս նորա հասին՝ չէ հնար թէ կատարումն լիցի. քանզի ի մասսութիւն հոգեւոր և գիտութիւն աստուածային : Արդ եթէ այսմ երկրաւոր գիտութեանս չէ հնար թէ լրումն լինիցի, որչափ և առաւել այնմ՝ որ իմանալին ձէ և աստուածային. այլ հանապաղ որ ըստ օրէ փառաց 'ի փառաւ փրկանան. քաղէ և հրեշտակք, զի յամենայն աւուր նոր քրիստութիւն և իմաստք առնուն » յԱստուծոյ, որպէս և սուրբքն.

» վասն այնորիկ նախ նոցա հայցէ » Բրիտանիւ զողորմութիւն, և » ապա զայլսն յիշէ մի ըստ միորէ : » Բայց տես դու, մի իմաստուն այր » և խոհեմ, 'ի կարգս և 'ի խոր. » հուրդս աղօթիցդ զոր մատու » ցանես, թէ որպէս նախ զինն. » դանիս յիշատակես և ապա զնքն » յեցեալսն. և այսու իմա հաւատ » տիւ, թէ նախ կենդանեաց է » փրկութիւն՝ աստուածային զե » նուննս այս, և ապա մեռելոց. և » ունայն են բանք այնորիկ, որք » կարծեն տղայական մտք, թէ » ոչ է պարտ զինքանիս որ յիշա » տակել 'ի պատարագին : Արեւ » Թագաւորք և իշխանք, եպիսկո » պոսք և քահանայք, ճանապարհ » հարդք և նաւորդք, հիւանդք, » և այն ամենայն, ոչ լիցն կենդա » նի : Արդ կամիս ուսանել զձեռն » մարտութիւն. պատարագս զոր » մատուցանեն՝ ոչ է հնար թէ » միում միայն առնեն զնա որպէս » և կարծեն, այլ և ամենայն աշ » խարհի, որպէս և բանք աղօթիցս » յայտ առնէ : Բայց եթէ հաւա » տով որ տացէ 'ի ձեռն քո ողոր.

« Աստուածածնին կուսին Մարիամու, Յովհաննու
 » Մկրտչին, սրբոյն Ստեփանոսի, յիշատակ եղիցի :
 » Առաքելոց սրբոց, մարգարէից, մարտիրոսաց, Պետրո
 » սի Պօղոսի, և ամենայն սրբոցն, յիշատակ եղիցի :
 » Հայրապետաց սրբոց, երանելոցն. սրբոյն Գրիգորի և
 » ամենայն սուրբ, և ուղղափառ եպիսկոպոսաց և քա
 » հանայից, և բոլոր ուխտի եկեղեցւոյ յիշատակ եղի
 » ցի : Եղիցի յիշատակ արանց և կանանց հաւաստով 'ի
 » Քրիստոս ննջեցելոցն » : Այլ թէ որպիսի մտօք յիշա
 տակքս այս են՝ ըստ իմում տկար հասողութեանս Զա
 նացայց ցուցանել : Բազում և ազգի ազգի երախտեացն
 Աստուծոյ, առաք յԱստուծոյ չնորհ՝ փոխադարձել
 նմա զսուրբ պատարագին Քրիստոսի ընծայումն . ու
 բով և զամենայն զարարեալ բարերարութիւնսն Աս
 տուծոյ յիշելով՝ վասն ամենայնի գոհացողք լինիմք :
 Եւ 'ի վերայ ամենայնի վասն ընտրելոցն 'ի նմանէ գու

մութիւն զնչ և իցէ, և յանձն
 ուսնէ քեզ՝ յիշատակել քեզ
 ուղիքն կամ զայլ, զկենդանի ոք
 ի կամ զմեռեալ 'ի պատարագ, նախ
 տես և քննեա զգործս նորա, թէ
 ո՞ր յայնպիսեաց զի արժանիցէ յի
 ղաւատակել առաջի ահաւոր խոր
 ոհրդոյն . մի գուցէ անառակ ոք
 յիցէ և պոռնիկ չնացող և արբե
 ցող, զրիզ և անօրէն : Արդ եւ
 թէ յայնպիսի ոմանց առջես ինչ
 ու պատարագեսցես զՔրիստոս,
 յիցորդ եղեր չարեաց նոցա, և
 յվրիպեալ գտանիս ոչ միայն 'ի
 յինդրուածոցն՝ այլ 'ի քահանայա
 յկան կարգէդ : Ապա եթէ այր եր
 յիկելած և աստուածապաշտ իցէ
 » և առջէ ողորմութիւն 'ի ձեռս
 » քո հաւատով՝ յիշատակել զնա
 ո 'ի պատարագն զոր մատուցա
 նես . արդ թէպէտ և զու վասն
 յամենայն աշխարհի մատուցանես
 յզպատարագն, սակայն նա որ ետ
 յզողորմութիւն՝ առջէ ըստ յու
 ուոյն իւրոյ զփոխարէնն, ոչ միայն
 » յայն պատարագէ զոր գու մա
 տուցեր, այլ և յամենայնէ ընդ քո
 յլոր աշխարհս յամենայն եկեղե
 յցիս ուղղափառաց (ուր) պատաւ

նադի Քրիստոս . յայս կեանս ըզ
 ոհարիւրապատիկն, և յաշխարհին
 ուր գալոցն է զկեանս յաւիտե
 նականն ժառանգեցէ . զի մի է
 » Տէրն և մի է խորհուրդ մարմնոյ
 » և արեան նորա, որ ընդ ամե
 նայն տիեզերս կատարի : Նոյն
 ոպէս և թէ վասն մեռելոց պա
 տարագես, ընտրեա և տես, թէ
 յբարի գործովք ելին յաշխարհէ,
 » և կամ թէ մեղան և դարձեալ
 յզըջացան, և խոստովանութեամբ
 » և ապաշխարութեամբ հաճոյա
 ցան, և ողորմութեամբ և ար
 նաստօք արժանի եղեն . իսկ որք
 ոռչ այնպէս, այլ յանդժուութիւն
 » և յանդժուութեան եզիւ զնու
 աս, և ոչ յետին պահու զօջանն
 » արժանի եղեն, զայնոսիկ ոչէ ար
 ժան յիշել պատարագաւ : Այլ
 » և անձին քու՝ առաւել պատ
 րաստ լեր, յամենայնի սուրբ և
 մաքուր լինել յամենայն արա
 յոց մեղաց, և մանաւանդ յա
 ղահութեանէ, 'ի փառասիրութե
 ննէ ակառից . զի ահա և քրիստոս
 » սաղաւառ լինիցի, որ չար է
 » քան զՅուդային : ,

Հանաւք սուրբ խորհրդովն. վասն զի ամենեքեան մի եմք 'ի Քրիստոս, և փառաւորութիւն եղբարցն՝ մեզ է փառք. զմեծ նուէրն յիշատակ գոհութեան նոցա առնեմք, որ այսպիսի լաւ և պիտանիս զնոսա արար, և յաղթօքս առ ամենայն մարտս բանսարկուին: Եւ ոչ միայն վասն սրբոցն գոհանամք, այլ և վասն ամենայն յՅատուած Հաւատացելոց արժանացելոցն. քանզի որպէս ասացն Սողոմոն, թէ ճանաչելն զԱստուած բովանդակ արդարութիւն է. և լինել նորա ժողովուրդ և սուրբ աւազանին ծնունդ, և սուրբ հաղորդութեանն ընդունող, և սուրբ անուամբն Քրիստոսի զհրաժարումն առնուլ՝ պարգև մեծ է: Եւ յայսոցիկ ամենեցուն և սոյնպիսեաց պարգևառուացն գոհութիւն՝ աւարտի սրբով պատարագան: Որով ոչ միայն գոհացողութիւն նուաւ Աստուծոյ մատուցանեմք ըստ իւրաքանչիւրոցն՝ այլ և մեղթանս, յիշելով զսրբոցն զնահատակութիւնս և զառաքելի վարս. գոհանամք սուրբ խորհրդովն, և աղաչեմք զՔրիստոսի մահն՝ որ վասն մեր, և զսրբոցն զձգնութիւնս բարեխօս առ երկնաւոր Հայրն ունելով՝ յաղագս ամենայն հաւատացելոց, կենդանեաց և ննջեցելոց. քանզի որպէս մեք բերկրեալք ընդ սուրբան՝ Աստուծոյ ընծայս և գոհութիւնս մատուցանեմք՝ մեզ զնոցայն համարեալ պսակումն¹, նոյնպէս և նոքա որպէս իւրեանց անդամոց ինամակալուք լինին բարեխօսութեամբ առ Տէր, մանաւանդ 'ի ժամ սոսկալի պատարագին: Եւ մեք գոհանալով նոքօք ըստ իւրաքանչիւր տանց ասեմք, Յիշեա Տէր և ողորմեա. այսինքն թէ յիշեա զոր սրբոցն առ քեզ սէր և վաստակ և ողորմեա մեզ, զի մեր նոքա, և 'ի մէնջ են. և միոյ եկեղեցւոյ ամենեքին մեք, և միոյ Քրիստոսի որ գլուխն է մեր՝ բոլորեքեան մարմին և անդամք եմք. վասն որոյ և յիշատակօք սրբոցն դարձեալ սկիզբն առնեմք մաղութել ողորմութիւն 'ի ձեռն սուրբ պատարագին, կարգ ըստ կարգէ. այսպէս ասելով.

« Եիշեա, Տէր, և ողորմեա, և օրհնեա զսուրբ Սիոն՝
 » զկաթողիկէ առաքելական եկեղեցի քո, զոր փրկե-
 » ցեր պատուական արեամբ միածնի քոյ և ազատե-

¹ Եօրինակսն՝ պատուան:

» ցեր, և տուր սմա զանշափ զքո զխաղաղութիւնդ » : Սիրոն մայր է 'ի մեր լեզուս. և թէ զԵրուսաղէմի եկեղեցւոյն է մաղթանքս վասն սուրբ տեղեացն Երուսաղէմի՝ պատշաճ է. զի նախ զնա դնելի է¹ և ապա զամենայն տիեզերական եկեղեցիս. և թէ զամենայն եկեղեցի՝ մայր Սիրոն կոչէ, և այս չէ հեռի 'ի դիտաւորութենէն. զի սուրբ եկեղեցի ծնանի սուրբ աւագանան զմեզ, և սնուցանէ հոգւոր սննդեամբ զմեզ : Կա թողիկէն՝ տիեզերական է. հայցեմք ողորմութիւն ամենայն եկեղեցեաց՝ որ յամենայն տիեզերս ըստ բարոցութեան առաքելոցն շինեալ են, վասն որոյ և առաքելական կոչեմք. իսկ որք թիւրեալք են յառաքելոցն դաւանութենէ՝ նորա ոչ ևս առաքելական կոչին : Իսկ առաքելական եկեղեցիք թէպէտ և ընդ բազում տեղիս են՝ սակայն մի ասի, վասն միասնական հաւատոցն. վասն որոյ որպէս զմիոյ ասի եկեղեցիք ամենայն. « Զոր փրկեցեր պատուական արեամբ միածնի քոյ և » ազատեցեր » . քանզի սուրբ արեամբն Քրիստոսի փրկեցաք յանիծից և 'ի մեղաց և 'ի մահուանէ, և ազատեցաք 'ի ծառայութենէ սատանայի : Արդ ասէ, ոչ բազմանունաբար եկեղեցիս այլ եկեղեցի, և ոչ զօրս փրկեցեր, այլ զօր փրկեցեր. և ոչ ասէ տուր սոցա, այլ թէ տուր սմա զանշարժ քո զխաղաղութիւն :

« Յիշեա Տէր, և ողորմեա և օրհնեա զամենայն ուղեք » զափառ եպիսկոպոսունս, որք ուղիղ զնացիւք հաւմառօտեն զբանն ճշմարտութեան » : Զի՞նչ է համառօտեւն. այսինքն է՝ ճիշդ զուղիղն և զստոյգ վարդապետութիւնն, յոր ոչ յարի ինչ թիւրութիւն կամ խոտորումն յաջ կամ յահեակ. վասն որոյ և յարէ 'ի նոյն՝ թէ զբանն ճշմարտութեան. զի ճշմարտութիւն մի է, ստույթիւն 'ի բազումն բաժանի : Վասն այսր հաւմառօտ բանի Եսայի յառաջագոյն գուշակեաց և Պաւղոս մեկնէ, թէ Բան մի հակիրճ և համառօտ արդարութեամբ, զբանն հակիրճ արասցէ Տէր 'ի վերայ երկրի. զի ոչ իբրեւ զօրինացն բազմապատկաբար է, այլ հաւատովք 'ի սուրբ Երրորդութիւնն և 'ի Քրիստոսի

¹ Վասն պատուի սնորհական տեղեացն և նախ անդ հաստատելոյ եկեղեցւոյն :

սնօրէնութիւնն՝ արդարանամք։ Արդ խնդրեմք ողորմութեամբն Աստուծոյ՝ զուղղաբարող զեպիսկոպոսունս զօրացուցանել յառաջնորդութեան վաստակն։ զհասարակացն հայցելով՝ առաւել պաղատիմք վասն որ մեզն առաջնորդէ, այսպէս ասելով. « Եւ ես առաւել » զվարդապետն մեր և զվերակացու, և զտեսուչ ոգւոց » մերոց, զայս անուն եպիսկոպոս. և շնորհեա մեզ, Տէր, » ընդ երկայն աւուրս »։ Է՞ր աղագաւ չշատացաւ եպիսկոպոս միայն ասել, այլ յաւել թէ զվարդապետս մեր և զվերակացու և զտեսուչ ոգւոց մերոց. զի ջերմ եռանդն սրտիւ, և սերտ սիրով վասն նորա խնդրեացուք. մեզ առաւելագոյն գիտելով քան եպիսկոպոսն զհայցուածսն. զի թէ փոյթ ՚ի վարդապետութիւն լինիցի, և զվերակացութիւն քաջապէս կատարեսցէ, և զամենեցուն ոգիս տեսանիցէ թէ որպէս իցեն, և թէ այս անուն կամ այն անուն հեղգ իցեն ՚ի բարեգործութեան, կամ արատ ինչ և բիծ ՚ի հոգին ունիցին, և չհեղգայցէ վասն նոցա աղօթիւք և խրատու, և բզգուշանայցէ ամենայն արթնութեամբ, հօտին առաւել քան անձին զշահ համբարէ։ Եւ մեր զայս գիտելով, ամենայն հաւաստութեամբ խնդրեսցուք վասն առաջնորդաց մերոց. զի ընդ այսմ և զայն ածցուք զմրտաւ. թէ պարտապան եմք փոխարէն հատուցանել նոցա աղօթելոյն վասն մեր՝ մերովք աղօթիւք վասն նոցա. զի և այնպէս առաւել որ վասն մեր խնդրուածք նոցա իցեն՝ լինն առ Աստուած, յորժամ մեք վասն նոցա աղաչիցեմք։ Այսպիսեալ Պաւղոս տայ խրատ Կորնթացւոցն. Բերանք մեր բացեալ առ ձեզ, ասելով, և սիրտք մեր ընդարձակեալ. ոչինչ նեղիք ՚ի մէջ. այս ինչ է, թէպէտ և բազումք էք դուք, և այլք ես հոգք են մեզ, այլ նեղին սիրտք մեր մոռանալ զոք և անատեսել ՚ի խրատուէ և յաղօթից. բայց դուք, ասէ, ՚ի գութս ձեր նեղիք. և ոչ այնչափ վասն իմ միոյս հոգայք, որպէս ես վասն ձեր և ամենեցունց. և յարէ ՚ի նոյն. Արդ զնոյն հատուցումն իբրեւ ընդ որդեակս ունիմ, ընդարձակեցարուք և դուք. զի օգտեցուացէ զնոսա հատուցանօղն լինելով, ասէր զայս. ոչ զիւր օգուտն միայն խնդրելով, որպէս ասաց ինքն, այլ զբազմաց։ Վասն այնորիկ և յամենայն ՚ի թուղթսն աղօթս հրա-

մայե իւր առնել. զնոցայն առաւել օգուտ քան զիւրն հոգալով՝ պէտս առնէր նոցա աղօթիցն Պաւղոս. այլ կամէր զի ընդ իւր օգտելոյն 'ի նոցանէ՝ և նոքա օգտեսցին. և վասն այնորիկ ոչ ասէր զաղօթիցն՝ թէ զի ես շահեցայց, այլ թէ բանին լիցի առաւելութիւն՝ առ 'ի մարդկան փրկութիւն:

« Եւ իւր, Տէր, և ողորմեա, և օրհնեա զմեզ և զառա » ջի կացեալ քո ժողովուրդս, և զպատարագիս մա » տուցօղս, և պարգեւեա իւրաքանչիւրոցն զպիտոյսն և » զօգտակարսն »: Մեզ ասաց՝ որք 'ի խորհրդեանն ի » ցեմք առաջի կացեալք. և ժողովուրդ՝ բովանդակ ժո » ղովորդեանա ասէ. պատարագին մատուցօղս, յայտ է որ » զխորհուրդն կատարէ: « Եւ պարգեւեա իւրաքանչիւրոցն » զպիտոյսն և զօգտակարսն »: մեք ասէ, բազում ան » գամ լինի զի զանօգուտն խնդրեմք, այլ դու որ դի » տես զմեր պէտսն և զօգուտն՝ չնորհեա հայրաբար և » արարչապէս իւրաքանչիւրոց, այսինքն ամենեցուն մեզ՝ » ըստ օգտի:

« Եւ իւր Տէր և ողորմեա, և օրհնեա զպողաբերիչս » եկեղեցւոյ քում սրբոյ, և զայնոսիկ որք յիշեն զպղ » քատս ողորմածութեամբ. և հատո զպարտս հայց » մանց նոցա ըստ ընդաբոյս առատութեանդ քոյ՝ հա » ըիւրապատիկ, աստ և 'ի հանդերձելումդ »: Ոմանք սպաս նուիրանաց ընծայեն եկեղեցւոյ, ոմանք գիրս աստուածաշունչս, պողաբերեն և 'ի կարոյ և 'ի հըն » ձանէ և յանասնոց. այլ և 'ի տօնս փրկականս և 'ի յի » շատակս սրբոցն ընծայաբերեն ըստ կարի. և մեք խըն » դրեմք վասն նոցա, և վասն ողորմածացն՝ որք զաղքա » տրս ընդունին յիւրեանց գոյիցն: Բայց ոչ վայրապար » յաւել զողորմածութեամբն, այլ զի ծանիցուք թէ » գթութեամբ և ողորմութեամբ և ցանկութեամբ » զաղքատն յիշելն՝ հաճոյ է Աստուծոյ, քան զտուրն. » զոր և առաքեալ ասէ. Ողորմութիւնն 'ի կամաց է, և » առնելն՝ ըստ գոյին. իսկ ապա պարտապան ունին այն » պիսիքն զԱստուած: Աղաչեմք հատուցանել ըստ ընդա » բոյս առատութեանն իւրոյ. ընդաբոյս՝ է ինքնաբոյսն, » այսինքն՝ թէ բոյս բնութեանդ քոյ է ողորմու » թիւն. հարիւրապատիկ աստ հատո, միոյն հարիւր, և որ » 'ի հանդերձեալն՝ անպատում պատրաստութիւնքն:

« Յիշեա Տէր և ողորմեա, և օրհնեա զհոգիս հան-
» զուցեւոյն » . որպէս թէ ասիցեմք՝ յիշել յիւր ար-
քայութիւնն, որպէս զաւազակն, և ողորմութեամբ
օրհնել ընդ աջեայն, որք զերանալիցն լսեն զձայն,
Եկայք օրհնեալք Հօր իմոյ, Ժառանգեցէք զպատրաս-
տեալ ձեզ զարքայութիւն :

« Յիշեա Տէր և զայնոսիկ որք յանձնեցին մեզ զին-
» քեանս 'ի յաղութել, և կառավարեա զկամս հայց-
» մանց նոցա և զմերն՝ ընդ ուղղորդն, և որ լին է փրկ
» կութեամբ » : Զոր օրինակ կառավարն զկառաւորիզան
ուղղէ և չտայ թոյլ խոտորել 'ի պողոտայէն, այսպէս
և դու մերոց աղօթիցն լիցիս ուղղիչ, զի մի վերպեա-
ցեն 'ի կամաց քոց, կամ երկրաւոր ինչ խնդրել կամ
թշնամեացն չարի հատուցումն, կամ զմիտն հանել
յաղօթիցն իմացուածոց, և այսր անդր յածեցուցա-
նել. այլ յերկինս զողիսն ամբառնալ, և սուրբ մեծօք
զպիտոյսն և զօգտակարն 'ի նմանէ հայցել, և որ ընու
զամենայն զմեր փրկութիւն : « Եւ վարձատրեա բոլո-
» ռեցունց » . թէ ամենեցուն տուր վարձս . - զոր . - զա-
նանց և զերանելի բարութիւնն . թէ որ ոչն անցանէ,
և երանելի ևս առնէ զընդունօղն : « Զտեալ գիտր-
» հուրդս մեր » . արբեալ 'ի խզչէ և 'ի չար գործոց :
« Տաճարացո յընդունակութիւն մարմնոց և արեան
» միածնիդ քոյ տեառն մերոց և փրկչին Յիսուսի Քրիս-
» տոսի » . բնակարան սոռէ և տուն քո միածնիդ պատ-
րաստեա զմեզ փրկական պատարագաւ : « Ընդ ո-
» թում քեզ, Հօր ամենակալիդ » . արսինքն բնդ Որ-
դւոյ՝ քեզ Հօր ամենակալի, « հանդերձ կենդանարար
» և ազատիչ սուրբ Հոգւովդ՝ վայելին փառք, իշխա-
» նութիւն և պատիւ . այժմ և միշտ և յաւիտեանս
» յաւիտենից . ամէն » :

ՔԱՐՈՉ

« Քեզ Հօր ամենակալի՝ գոհութիւն և փառաբանու-
» թիւն մատուցանեմք, վասն սուրբ, անմահ, աստուա-
» ծային պատարագիս՝ որ 'ի վերայ սրբոց անդանոց » :
Հայր է միածին որդւոյն և ամենայնի տէր է . Աստուած
զորով՝ ամենակալ է . գոհութիւն և բանս փառս տա-

լոյ՝ մատուցանեմք ասէ, վասն արժանի առնելոյ զմեզ այսպիսի զատարագ. յահագին սեղանս դնել, ոչ յերկրէ յանամնոց, այլ յերկնուստ աստուածային. զի Աստուծոյ որդի է զենումին, անարատն, անմեղն, զոր սուրբ կոչէ. և թէպէտ մահու է նշանակ՝ այլ կենդանարար է, վասն որոյ և անմահ կոչէ: Քանզի որպէս յաւանդեին Քրիստոս զոգին մարդկային՝ աստուածութեամբն կենդանի էր մարմինն, վասն զի Աստուծոյ մարմին էր, ընդ Աստուած միացեալ, և մի լեալ խառնմամբն, և ՚ի կամեին յառնել ինքն զինքն յարոյց. նոյն կենդանութիւն աստուածութեան և ՚ի հացն և ՚ի բաժակն միացեալ՝ անմահ է, և անմահութիւն մերձեցելոցն տայ: Զոր օրինակ մարմինն ՚ի մեռանեին՝ զբազումն ՚ի մեռելոց կենդանացոյց, այնպէս և ՚ի լինել պատարագին տէրո՞ւնական մահուն յիշատակ՝ զարբեալն ՚ի խղձէ կենդանի առնէ, որք նմայն հաղորդին. քանզի զայս գուշակելոյ վասն՝ յարեան որք մեռելութեամբն Քրիստոսի յարեան կենդանացեալք: Եւ արդ տես զայն ժամու զխաչն՝ և հաւատա թէ այժմ՝ նոյն լինի, զի չէ նշւազ այս՝ քան զայն մարմինն. այլ նոյն է, և այն իսկ է: Վասն որոյ և Տէրն խոստացաւ զսա ճաշակողացն՝ յաւիտեանական առնուլ զկեանս. այլ որպէս անդ ոչ որ յանարեցն կենդանացաւ, նոյնպէս և ոչ այժմ առնաց սրբութեան որ, կամ անապաշխարքն՝ կենդանութիւն գտանեն. այլ թէ լրբին երբէք՝ որպէս ըզՅուդասն՝ նմանութեամբ նորին դատապարտին: Այլ յետ գոհանալոյ զայսպիսի մեծապարգեւութեանց՝ ինդրուածս առնէ: « Զսա մեզ ՚ի փրկութիւն և ՚ի » կենդանութիւն պարգեւեա » և զոյն՝ որ ՚ի սեղանս է՝ արատցես պատարագաւ: « Սուլա չնորհեա զսէր, » զհաստատութիւն և զըզձալի զխաղաղութիւն եկե- » ղեցւոյ քում սրբոյ, և ամենայն ուղղափառ եպիս- » կոպոսաց: Եպիսկոպոսապետին մերոյ, և քահանա- » յիս՝ որ զպատարագս մատուցանէ »: Արդ՝ թէպէտ և միանգամ հայցեաց քահանայն, սակայն կրկնէ սարկաւազն բարձր ձայնիւ, զի լսելի ամենեցուն լիցի, և ամենեքեան միաբան պաղատեսցին. և զի ուսանիցիմք թէ՛ որքան պիտանացուք են պարգեւք սիրոյ որ առ Աստուած և առ միմեանս, և հաստատութեան և խա-

դադութեան, նոյնպէս և վասն առաջնորդաց խնդիրք : Յաւելու ևս, թէ « Վասն որոյ, Տէր, զմատուցողս ան-
» մոռաց գթութեամբդ քո յիշեա » : Քանզի արար-
չական գութն Աստուծոյ զամենայն եղելովքս է, ա-
ղաչէ՛ մատուցողացն՝ զարարչական գութն չմոռանալ
առ իւր, այլ յիշել և այցելել հանապազ :

« Յիշեա Տէր զհոգիս հանգուցելոցն ՚ի քեզ յուսա-
» ցելոց » : Վասն զի յաղագս հաւատով և յուսով նրն-
ջեցելոցն հրամայիմք խնդրել, վասն այնորիկ ասէ յի-
շել զհոգիս հանգուցելոց յուսացելոցն ՚ի նա : « Քո
» Տէր, զօրութեամբ և անմահ պատարագաւս կեցո և
» ողորմեա մեզ » . զի վասն մեր է, ասէ, պատարագս,
արդ վասն սուրբ պատարագիս՝ կեցուցանօղ, ասէ, զօ-
րութիւն քո ողորմեսցի մեզ :

ԱՂՕԹՔ

« Աստուած ճշմարտութեան և հայր ողորմութեան » :
Աստուած՝ բնութեամբ ես, ասէ, վասն զի արարիչ ես,
իսկ հայր՝ ողորմեցար և եղեր . յայն սակս և ճշմար-
տութեամբ ասէ զայն՝ որ սերտիւն է, և ողորմու-
թեամբ զայն՝ որ խնամածութեամբն : « Գոհանամք
» զքէն, որ ՚ի վեր քան զերանելի նահապետացն զմեր
» պարտաւորեցոս առաւել մեծարեցեր զբնութիւն .
» քանզի նոցա Աստուած կոչեցար, իսկ մեզ հայր հա-
» ճեցար անուանիլ » : Ասաց Աստուած, ես եմ Աս-
տուած Աբրահամու, Սահակայ, Յակովբայ, իսկ զհա-
ւատացեալս՝ որդիս ասաց իւր լինել . վասն որոյ և Քրիս-
տոս յաղօթին՝ Հայր կոչել զԱստուած մեզ հրամայ-
եաց . և առաքեալ ասէ, Այսուհետեւ չես ծառայ՝ այլ
որդի : Արդ գոհանայ զԱստուծոյ զանչափ մարդասի-
րութեանցն, զի քան զսրբոցն՝ զմեր բնութիւնս զպար-
տաւորեալս ՚ի մեղս՝ առաւելապէս մեծարոյ արարեր
գթալով : « Եւ այժմ՝ զայսպիսի զառ ՚ի քէն զնորոգ և
» զպատուական անուանադրութեան շնորհս՝ պայ-
» ծառացեալ օր ըստ օրէ ծաղկեցո յեկեղեցւոջ քում » :
Որովհետեւ, ասէ, այսպիսի սիրոյ արժանի արարեր
զբնութիւնս մեր՝ մինչև որդիս կոչել և հայր մեր ա-
նուանիլ, մի երբէք մոռասցիս զգթաւն իբրև հայր յոր

դիս, թէ և մեղանչիցեմք, և մի արտաքսիցես զմեզ յայսպիսի մեծապարզ և շնորհէ. այլ ջերմագութ գործով՝ որպէս նորոգեցեր՝ ի մեզ զպատուական անուանադրութեան շնորհս, օր ըստ օրէ պայծառացեալ և ծաղկեալ պահեա յեկեղեցւոյ քում, այսինքն ի հաւատացեալ ի քեզ:

«Եւ տուր մեզ համարձակաձայն բարբառով բանալ » զբերանս մեր, կարդալ առ քեզ՝ Հայր երկնաւոր, և » ասել »: Շնորհօք ողորմութե քո տացես մեզ համարձակել և ապաւինել ի քաղցրութիւն քո և ի գթութիւն և յանբաւ ներողութիւնդ, և կոչել զքեզ հայր հոգեղինացս և մեղաւորացս, զսուրբ և զերկնաւոր Հայրդ. և ոչ վայրապար յաւելու զայն՝ թէ բանալ զբերանս մեր. այլ քանզի փակէ զբերանս մեր հանապազօրդ սխալանք բերանոց մերոց, վասն այնր աղաչեմք քաւութիւն առնել և սրբել զբերանս մեր, և տալ վստահութիւն բանալ զբերանս մեր և կոչել հաւմարձակութեամբ հայր՝ զԱստուած:

Զհայր մեր որ յերկինս՝ Նիւսացին սուրբն Գրիգոր և սուրբն Յովհանն Ոսկեբերան յաճախական բանիւք մեկնեալ են, անտի ստուգագոյն ուսցին կամեցողք:

« Հայր մեր որ յերկինս ես »: Քանզի ըստ մարմնոց ծննդեանս՝ երկրաւորս ունիմք հայրս¹, իսկ յաւազանէն սուրբ Հոգւովն ծնեալ, և Քրիստոսի մարմնովն և արեամբն ի նա կցորդեալ՝ ունիմք մեզ հայր զերկնաւորն Հայր, զՔրիստոսի ծնօղն, յոր միացաքն մեք. վասն այսորիկ այսպէս ուսոյց Տէրն ասել. « Հայր մեր որ յերկինս, սուրբ եղիցի անուն քո »: Եթէ վասն մեր՝ սուրբ և փառաւոր լիցի անուն քո: « Եկեսցէ արքայութիւն քո »: արքայութիւնն թագաւորութեան կոչումն է: Խնդրեմք տիրել մեզ Քրիստոսի թագաւորութեանն՝ նորուն շնորհօքն, զի մի թագաւորեալ մեղքն մեր՝ ծառայեցուցեն զմեզ սատանայի. ցանկամք և հանդերձեալ թագաւորութեան նորա գալ, որ խափանէ զսատանայի և զմեղաց իշխանութիւն:

« Եղիցին կամք քո, որպէս յերկինս և յերկրի »: որպէս յերկինս չէ մոլորութիւն և մեղք, այլ ամենայն

ինչ ըստ կամաց քոց է, այսպէս և յերկրէ բարձցի ամբարշտութիւն, և հրեշտակասցին մարդիկ, ամենեքին լինել կամարարք քո:

« Զհաց մեր հանապազորդ՝ տուր մեզ այսօր » . զհարկաւոր պէտս մարմնոյ օր ըստ օրէ պարդեւեա մեզ: « Եւ » թող մեզ զպարտս մեր » . զոր ինչ մեղաք և պարտապան պատժոց գտաք՝ թող մեզ . « Որպէս և մեք » թողումք մերոց պարտապանաց » . այնոցիկ՝ որ մեզն պարտիցին: « Եւ մի տար զմեզ 'ի փորձութիւն » . կամ 'ի սատանայէ փորձել կամ 'ի մարդկանէ, մեղօք կամ վտանգիւք իւիք: « Այլ փրկեա զմեզ 'ի չարէն » . յամենայն սատանայական որոգայթից:

« Տէր տերանց, Աստուած աստուծոց » . ամենայն տերանց և աստուածոց Աստուած և տէր. Աստուած ես հրեշտակաց և քահանայից: « Հայր երկնաւոր, աղաչեմք զքեզ, մի տար զմեզ 'ի փորձութիւն. և մի » 'ի դատապարտութիւն, այլ փրկեա 'ի չարէ, ապրեւ » ցո 'ի փորձութենէ » : Հայրաբար, ասէ, փրկող լեր 'ի փորձութենէ. և անդատապարտ պահեա, և զերծո 'ի չափէ, քանզի կարող ես յամենայնի, և յաղթող է տէրութիւնդ քո ամենեցուն: Եւ վասն այսր յաւել զայն. « քո է զօրութիւն և արքայութիւն. և քեզ » վայելեն փառք իշխանութիւն և պատիւ. այժմ և » միշտ և յաւիտեանս յաւիտեանից »¹:

¹ Աստանօր յաւելուն նոր օրի. նախքն գլխատապաղ:

Քահանայ խաղաղութիւն տայ:

Ժողով. Եւ ընդ հոգւոյդ քում:

Սուրբ. Աստուծոյ երկրպագես. ցուք:

Ժողով. Առաջի քո:

Զ'առ Հայր աղօթեին վճարեաց. այժմ կամի 'ի տեսութիւն ածել զաստուածային խորհուրդն. վասն որոյ նախ զխաղաղութիւն տայ, և սարկաւազն հրամայէ երկիր պագանել, զի մի հարկանցի յան.

կարծադէմ տեսցեն զայս մեծ խորհուրդ. դարձեալ, զի յորժամ տեսցեն՝ խոնարհին երկիր պագանել. քահանայն խոնարհեցուցեալ զգլուխն նման ժողովրդեանն աղօթէ առ Հոգին սուրբ. քանզի որպէս ասացաք՝ ամենայն շնորհաբաշխութիւն 'ի Հոգւոյն սրբոյ է. և նախ Հոգին սուրբ աստուածացոյց վնշանակն. վասն այնորիկ քահանայս այժմ առ Հոգին սուրբ աղօթէ վասն ժողովրդեանն:

ԱՂՕԹՔ

« Ար աղբիւրդ ես կենաց և փրկութեան և բղխումն » ողորմութեան » . կեանք և ողորմութիւն 'ի քէն է աղբերաբար : « Աղորմեա ժողովրդեանս՝ որ խոնար » հեալ երկիր պագանէ աստուածութեանդ քո » : Վա յեւեացէ յայդմանէ՝ 'ի մշտնջենահոս աղբերէ՝ ժողովուրդս քո , որ երկիր պագանեն աստուածութեանդ քոյ . և 'ի խոնարհեալս առաջի քո : « Եւ պահպանեա զսոսա ամբողջ » : Ամբողջ է՝ զոր մեք համբողջն՝ ասեմք . բովանդակ , ասէ , ամենեքեան ամբողջ պահեցին : « Տպաւորեա յոգւոյ սոցա զձե մարմնոյ ցուցակի » . զի որպէս մարմնոյ աչաց մերոց ցուցանի խորհուրդս մարմնատեսակ , այսպէս և յոգիս մեր օրինակեսցի աստուածավայելուչ փառաց խորհրդոյս ահաւորութիւն . զի տիպն՝ օրինակ է : Արդ որպէս վասն Աստուծոյ ասէ առաքեալ , իբրեւ ընդ հայելի տեսանել զփառս նորա , սոյնպէս և մեք աղաչեմք աներևոյթ փառաց պատարազին տեսող լինել :

« Աւ 'ի Ժառանգութիւն և 'ի վիճակ հանդերձե » լոյ բարեացն » . վիճակեցաք , ասէ առաքեալ , յառաջագոյն հրաւիրեալք . զսոյն աղաչեմք՝ զի մի խոտան գտցի դք . այլ բոլորեքին Ժառանգք հանդերձեւոյ բարեացն լիցուք , և վիճակաւորք նմին : Յաւելու ես . « Քրիստոսիւ Յիսուսիւ տերամք մերով » . Թէ Հնորհօք նորին օգնականութեամբ հանդերձեւոյ բարեացն արժանացին , զոր Քրիստոսիւ Յիսուսիւ տերամք մերով ընկալան զգրաւականն : « Ընդ որում քեզ Հոգւոյդ » սրբոյ և Հօր ամենակալի՝ վայելեն փառք , իշխանութիւն և պատիւ . այժմ և միշտ և յաւիտեանս յաւիտենից » . ամէն ² :

¹ ԱՂՕ . համոզ :

² Յաւելուն նոր 00 .

Սալուստիոս Բարձր Բարձրաւոր ասէ . Պոսթիւմէ : Բարձրաստ այս յաւանակս՝ 'ի մերս՝ ունին ցիք կամ 'ի վեր նայեցէք Թարգմանի :

Քահանայն Բարձրացոյցանէ զԸ .

Ծայն 'ի վեր ասն զգրութիւն և ասէ . ի սրբութիւն սրբոց : ի սարկալազին ձայնէն ընդոստեան ժողովարդն , զոր ասաց Թէ երկեւղիս 'ի վեր հայեցարուք . և իբրեւ յուան և տեսին զոր ցանկային , ասէ . քահանայն Թէ սրբութիւն է սա , բայց

« Հայր սուրբ, որ կոչեցեր զմեզ յանուն միաճնի » Որդւոյ քում՝ քրիստոնեայս » : Քլիսաւորելով որ ինչ վասն մատուցման պատարագին գոհութիւն և աղօթք, և աւարտեալ զայն առանձնաբար օրհնութեամբք՝ ի սուրբ Երրորդութիւնն, և դարձեալ զօրհնութիւն և զգիտաւ միաւորութիւն, սկսանի գոհութիւն դարձեալ և մաղթանա, որ ոչ բնաւ մարդկութեանս՝ այլ որ հաւատացելոց միայն : Եւ քանզի ասաց մեծաձայնու-

սրբոցն և մաքրելոցն է սա՝ ի սրբութեմ, որք խոստովանութեամբն արտասուօք զիբեանա սրբեցին՝ ի մեղաց :

Իպիւրն միայն աղապիւն : « Միայն սուրբ, միայն Տէր, Յիսուս Քրիստոս, ի փառս Աստուծոյ Հօր . աւմէն » : Զպարտութիւն խոստովանին յառաւել ուրախութենէն աւելով : Տէր մեր քահանայ, մեղուսաբ իցէ սրբուն՝ կացելոցս բոս մարմնոյ և բոս արեան . այլ միայն սուրբ է սուրբք սրբոց, որ միայն Տէր է երկնի և երկրի : Տէր մեր Յիսուս Քրիստոս ի փառս Հօր փառաւորեալ :

Քահանայն ունելով զնոյն յերկոսին՝ ի յեռն, և ասէ . Օրհնեալ Հայր սուրբ Աստուած չճմարիտ :

Իպիւրն ասէ . Ամէն :—Աւրհնեալ Որդիդ սուրբ Աստուած չճմարիտ :

Իպիւրն . Ամէն :—Աւրհնեալ Հոգիդ սուրբ Աստուած չճմարիտ :

Իպիւրն . Ամէն :—Աւրհնութիւն և փառք Հօր և Որդւոյ և Հոգւոյն :

Եւ զի յԵրրորդութենէն ընկալաւ զայս մեծ շնորհս, զգոհացողական երգս նմա մատուցանէ . և զպիւրեն զնոյն երկրորդեն քահանային :

Քահանայն դարեալ խոնարհի, և զիկէ և ասէ . « Նայեաց Տէր մեր Յիսուս Քրիստոս, յերկնից ի սրբութենէն քումմէն և յաթոռոյ փառաց թագաւորութեան քո » : Այս ցուցանէ զանբովանդակելի աստուածութիւն Որդւոյ : « Եկ ի սրբել և կեցողցանել զմեզ, որ ընդ Հօր նստին և աստ պատարագին » :

Նա է սրբութիւն և կենդանութիւն ամենեցուն՝ Քրիստոս . զի թեպէտ և ընդ Հօր է անբաժանաբար, սակայն ի վերայ սեղանոյն պատարագի հանապազ : « Արժանի արա տալ մեզ յանրատ մարմնոյ քումմէն և ի պատուական յարենէն, և ի ձեռն մեր ամենայն ժողովրդեանն » : « Զի մեզ ըստ մեր գործոցս չունիմք համարձակութիւն մերձենալ ի քեզ, բայց գու արժանացուցես ողորմութեամբ, և ի ձեռն մեր ամենայն ժողովրդեանս :

Եւ զայս ասացեալ՝ երկրպագէ զսեղանն . և առել զսուրբ մարմինն ողբ թանայ յանապական արիւնն, և բարձրացուցանէ յակններ Ժողովրդեանն, և ասէ . Նախ ի ոկրջ բան պատարագին յորժամ եմուտ առաջի սեղանոյն՝ երկրպագեաց . և դարձեալ յորժամ զՀոգին խընդրեաց իջանել և կոտարել զպատարագն . և երրորդ անգամ երկրպագէ . զի յորժամ պատգամաւոր դե առաջի թագաւորի մըտանէ, երկրպագէ նախ, և ապա զպատգամն ասէ, այսպիսի օրինակ էր քահանայիս առաջին երկրպագութիւն : Եւ որպէս դե յորժամ շնորհ ինչ առնու ի թագաւորեն՝ երկրպագէ և գոհանայ, այսպէս և սա յորժամ զՀոգին ընկալաւ՝ երկրպագեաց և գոհացաւ : Նոյնպէս և այժմ յորժամ զայլ խնդրուածան ընկալաւ՝ գոհանայ և երկրպագէ . և ասէ զաղօթս :

Թեամբ, Թէ սրբութիւնք սրբոյ վայելեն, և յայտնեաց Թէ որպիսիք են սրբութիւնքն, յասեմն՝ Հայր սուրբ, Որդի սուրբ, Հոգի սուրբ, և սուրբ պատարագն քրիստոսեան՝ վայելէ սուրբ երրորդութեանդ ընծայ. և Թէ որք հաղորդին սրբութեանցն՝ և նոքա մաքուր և սուրբ պարտին լինել. և զի մարդկային բնութիւնս միշտ աղտեղանայ՝ ի սխալմանաց, և ոչ կարէ ամենեւին անախտ լինել, կոչէ տկարութեանս մերոյ օգնական զգթութիւնն Արտուծոյ. որով մաքրութիւն ստացեալ՝ ի մաքուրն մերձեացուք: Եւ նախ առաջին Հայրն ասելով՝ շարժէ ի գթութիւն զմարդասիրութիւնն Արտուծոյ, ապա այնու՝ զոր ի Հայրն յարէ. « Որ կոչեցեր զմեզ յանուն միածնի Որդւոյ քոյ քրիստոսեայայ »: Զի այսպիսի ասէ շնորհ ետուր մեզ, զքո միածնի Որդւոյդ առնուլ զանուն¹. քանզի դա կոչի Քրիստոս, իսկ մեք քրիստոսեայք, այսինքն քրիստոսեանք. այսու և գոհանամք և ի գորով ածեմք. զի Թէ միշտ օտարքն էպք՝ այսպէս սէրդ քո ստիպեաց գթալ, մինչև միածնիդ քո առնել բաժին և ժառանգութիւն, և զովիմք անառնիլ, ապա որչափ քրիստոսեայքս գտով՝ աղեկեզ լինիցիս ի մեզ, վասն քո միոյ միածնիդ և սիրելի Որդւոյդ քո՝ մեր լեալ, և կոչեցեալ մեր՝ յանուն դորա:

« Եւ շնորհեցեր մեզ մկրտութիւն հոգևոր աւագանս առն՝ ի Թողութիւն մեղաց »: Ոչ, ասէ, բաժին միայն և ժառանգութիւն ետուր զմեզ միածնի Որդւոյդ քո, ըստ խոստանալոյ մարգարէին՝ Թէ տաց քեզ զՏեթանոսս ի ժառանգութիւն, այլ և եղբարս ևս կամեցար առնել զմեզ սիրելի և համադոյ Որդւոյդ քո. զի եղիցի դա անդրանիկ ի մէջ եղբարց բազմաց. յազադս այնորիկ զաղտեղութիւն մեղաց մերոց լուացեր մկրտութեամբ աւագանին. և վերստին ծննդեամբ Հոգւոյն սրբոյ զմեզ որդիս վերածեր: Այսու ևս ասէ ջեռուցանել զՀայրական սիրոյ բորբոքումն. զի երզդ ի քէն սուրբ Հոգիդ՝ որ երկնեացն զմեզ՝ և քեզ որդեգիրս վերածեաց, արժանաւորս արասցէ զմեզ հազորդիլ մարմնոյ և արեան միածնիդ քոյ: Եւ քանզի

1 Ա. Օ. 40. Ին միածնաւ որդւովք առնուլ զանուն:

առաւել յոյժ սաստկացաւ սէր քո՛ր ի մեզ՝ ոչ ժուժեցեր՝ այլ Որդի ունել զնաութեամբ՝¹ քո զՈրդիդ՝ և այլ զմեզ՝ որ չնորհօք որդիացաքս. այլ յաղթեալ ՚ի մարդասիրութենէդ՝ խառնել զնա ընդ մեզ կամեցար. որպէս զի նա գլուխ մեր լինիցի և մեք մարմին և անդամք նորա, և մի լիցուք մարմնով և արեամբ Քրիստոսի՝ ՚ի նա յօդեալ և պատշաճեալ. Որպէս զի բազումք մի մարմին եմք ՚ի Քրիստոս, ասաց առաքեալ. և ըստ այսմ՝ մի որդի ամենեքեան։ Արդ այսպիսի անպատմելի սիրոյ յիշատակ առնելով՝ ապա զաղաչանս առաջի արկանէ, չընկենուլ ՚ի պատուոյն և ՚ի չնորհացն՝ վասն սխալանաց մեղանաց մերոց. այլ որպէս ասէ, յայնչափ յառաջին վատթարութեանցն՝ յայսպիսի ածեր ՚ի լաւութիւն, մաքուրս և այժմ՝ արտացես, և այնպէս ՚ի մարմին և յարիւնս Քրիստոսի մեր ձեցուցես։ Ապա ասէ. «Արա և այժմ՝ արժանի՛ ընդ» ունել զհաղորդութիւնս զայս՛ի մեղաց թողութիւն»։ Եւ հաղորդութիւն կոչէ՝ զի կցորդի նա մեզ և մեք նմա։ Յաղաքս որոյ և զայսպիսի չնորհէ՝ գոհանալ արժանապէս պարտ է. այսպէս ասէ. «Եւ յոմնհայնի ան» դադար փառաւորել զՀայր և զՈրդի և զսուրբ Հօգիդ. այժմ՝ և միշտ և յաւիտեանս յաւիտենից»։

« Ի սուրբ² պատուական մարմնոյ և յարենէ Տեառն » մերոյ և փրկչին Յիսուսի Քրիստոսի՝ որ բաշխի ՚ի միջի » մերում. սա է կեանք, յոյս յարութեան, և քառու » թիւն և թողութիւն մեղաց մերոց »։ Ի ժողովուրդն դարձուցանէ զբանն՝ զգուշացուցանելով, թէ առ ոմերձին և ընդ ում հաղորդին. ՚ի սուրբն սրբոց, ՚ի պատուականն քան զերկինս և քան զերկիր, և քան զամենայն արարածս. յարարին ամենեցուն, յամենայն պատուական գոյից հաստին։ Նորա է ասէ մարմինս այս և արիւնս՝ առ որ մեքս հպիմք. որ Տէրն մեր է և փրկիչն Յիսուս Քրիստոս. որ փրկեաց զմեզ ՚ի սատանայէ, և ազատեաց ՚ի ծառայութենէ մեղաց մերոց, և տիրեաց մեզ։ Սա ՚ի խաչելն վասն մեր՝ անփշերէ ոսկերօք ՚ի խաչին մնաց. իսկ այժմ՝ բաժանի և բաշխի

¹ Ա. Օ. զբնութեան։

² Նոր ՕՕ. միայն կրկենն ի սուրբ ՚ի սուրբ։

'ի մեզ՝ վասն յամենեան խառնման: Սա է կեանք.
 վասն զի ասաց Տէրն մեր, Որ ուտէ զհացս զայս՝ կեցցէ
 յաւիտեան: Եւ յոյս է յարութեան. քանզի և զայս
 ասաց Տէրն մեր, Թէ Յարուցից զնա յաւուրն յետ-
 նում, որ ուտէ 'ի ամանէ. ոչ Թէ որ ոչ ուտեն 'ի հա-
 ցէս յայսմանէ՝ ոչ յառնեն, այլ զի ոչ վասն կեղոյ՝ այլ
 վասն դատելոյ յառնեն, վասն այնորիկ չէ պարգև այն
 յարութիւնն՝ այլ պատիժք. քանզի ասաց Տէրն. Որոց
 բարիս գործեալ իցէ՝ յարութիւն կենաց, և որոց ըզ-
 չար արարեալ իցէ՝ յարութիւն դատաստանաց: Թա-
 ղազս որոյ զվայելոյն յիւր մարմնոյն՝ ասէ, սերտիւ
 յարուցեալ. և զայս յոյս զգեցուցանէ քահանայն ժո-
 ղովորդեանն յասելն, Սա է կեանք, յոյս յարութեան:
 Այլ և Քաւութիւն, ասէ, և Թողութիւն մեղաց
 մերոց. զի յետ աւազանին՝ զախտն խոստովանու-
 Թեամբ և ապաշխարութեամբ 'ի սա մերձումն սրբէ-
 զի աւազանին մաքրութիւն՝ լուացման տարազաւ մաք-
 րէ, և խորհրդոյս հաղորդութիւն՝ հալոցաց օրինակաւ:
 Քանզի յաւազանն՝ 'ի լուանալի անկանիմբ նիւթ, որ
 անտի փոխարկիմբ 'ի բնութիւն ոսկւոյ և արծաթոյ,
 որում ոչ լուացման պէտք է այնուհետեւ առ 'ի զաղտն
 սրբել, այլ հալոցաց կարօտանայ: Վասն այնորիկ 'ի
 հուրն յայն յահագին մտանելն՝ առնէ զմաքրումն: Եւ
 զոր օրինակ անդ 'ի զտումն ոսկւոյն և արծաթոյն՝ պի-
 տոյանան և այլ ինչ նիւթք, և ապա սրբի 'ի նոցունց
 աղտն հրովն, նոյնպէս և աստ խոստովանութիւն և ա-
 պաշխարութիւն է այնմ մաքրութեան գործակից. և
 որպէս անդ յատուկ հուրն այրէ և եթ, այլ ոչ եթէ
 հալէ և զատուցանէ զոսկին և զարծաթն յաղտոյ, այն
 պէս և աստ իմն ստուգապէս այրումն և ոչ սրբութիւն,
 առանց խոստովանութեան և ապաշխարութեան 'ի հո-
 գեւոր հուրն մերձումն. իսկ ապաշխարութեամբ մեր-
 ձին՝ սրբութիւն հոգւոյն: Զայսպիսի զբազմազտու-
 Թիւն պարգևի լուեալ ժողովրդոցն 'ի քահանայէն՝
 վկայ լինին ամենիցն, զամէնն ասելով:

« Սաղմոս ասացէք Աստուծոյ մերում, սաղմոս ասա-
 » ցէք բարերար և երկնաւոր Թագաւորին, որ նստի 'ի
 » վերայ քերթէից. սաղմոս ասացէք, և զփառս տուք
 » Հօր և Որդւոյ և Հոգւոյն սրբոյ, այժմ և միշտ և յա-

» Լիտեանս յաւիտենից » : ԶԺԹէպէտ և 'ի սեղանս տետանի, այլ յերկինս է և 'ի քրովբէսն, Աստուած և Թագաւոր ամենեցունց, վասն որոյ սաղմոս ասացէք և փառս տուք նմա, և ընդ նմա՝ Հօր և Հոգւոյն սրբոյ. զի Աստուածն և Թագաւորն՝ 'ի քերովբէս նստեալն՝ զինքն 'ի սեղանս դնէ մեզ կերակուր և ըմպելի : Եւ եղիցի փառաւորեալ սուրբ Երրորդութիւնն. այժմ և միշտ և յաւիտեանս յաւիտենից :

Դարձեալ այլ ևս յաւելադրէ սարկաւազն զնոյն, Թէ « Սաղմոս ասացէք Տեառն Աստուծոյ մերոյ, զպիրք, » ձայնիւ քաղցրութեամբ. զի նմա վայելէն սաղմոսք » և երգք հոգւորք ». վայել է այսպէս զմեզ սիրողին՝ սաղմոս ասել 'ի ձայն քաղցրութեան. քաղցր է Աստուծոյ՝ որ 'ի սուրբ սրտէ սերտ սիրով օրհնութիւն է : « Եւ ևս որք հաւատով ընկալաք 'ի սուրբ և յանմահ » և յանապական և յաստուածային խորհրդոյս՝ ըզ- » Տեառնէ գոհացարուք » : Վասն զի այսպէս 'ի Տեառնէ վարդապետեցաք. գոհացաւ նախ քան զաւանդելն զխորհուրդն, զի այնպէս և մեք արասցուք : Արդ քարոզէ սարկաւապն և գոհանալ հրամայէ. Եւ ևս որք հաւատով ընկալաք, և այլն. ասէ, գոհացարուք հաւատով ընկալեալ՝ որպէս զմարմին և զաբիւն Աստուծոյ. քանզի զայս յայտնէ յասելն, « Ի սուրբ յանմահ յա- » նապական, յաստուածային խորհրդոյս ». զի ամենեւնի սուրբ և առանց մահու և ապականութեան Աստուած է. վասն որոյ ասէ առաքեալ. Որ միայն ունի զանմահութիւն. իսկ այլքն զանմահութիւն և զանապականութիւն ոչ 'ի բնութենէ ունին, այլ 'ի նմանէ ստանան : Գոհացարուք՝ զի սրբովն սրբիք, և անմահիւն անմահանայք, և յԱստուած մերձեցեալ աստուածանայք :

Ապա ասէն միաբան ժողովուրդն. Գոհանամք ըզբէն, Տէր :

« Գոհանամք զբէն, Քրիստոս փրկիչ մեր, որ զայս » պիտի ճաշակուին բարութեան շնորհեցեր մեզ 'ի » փրկութիւն կենդանութեան » : Նախ առաջին զայն մտնէ գոհանայ՝ զի փրկեացն զմեզ, և ապա՝ զի զայս պիտի ճաշակուին ետ, յորմէ փրկութիւն և կենդանութիւն պարգևի. քանզի ամենայն խարդախութիւնք

դիւստն խափանին, տեսանելով 'ի մեզ զփրկական խորհրդոյն հաղորդութիւն. քանզի որպէս ասէ երանելի վարդապետն Յոհան, հուր ահագին տեսանէ 'ի բերանոց մերոց արձակեալ բանսարկուն՝ յորժամ 'ի խորհրդեանն վայելեալ իցեմք, և վասն այնորիկ ոչ մօտ գալ 'ի խորդախել զօրէ, այլ բացուստ 'ի բաց փախչի, և մեք փրկեալք լինիմք. փրկիմք նուաւ և 'ի հանդերձեալ բարկութենէն: Կենդանանամք աստարդաբութեան, վասն զի զօրութիւն առնումք յամենայն արդարագործութիւնս. զի որպէս մեռեալք են ամառ իբն արդարութեան՝ 'ի շնորհացն Աստուծոյ, և կենդանիք գոն միայն մեղացն, և ամենայն անդամօք զանօրէնութիւն գործեն. սոյնպէս և որ արժանապէս ճշակօղքն են սուրբ խորհրդոյն, շնորհօքն Աստուծոյ են լցեալք, մեռանին ամենայն անդամօք մեղացն, և արդարութեանն կենդանանան ամենեքումբքն: Քանզի աչքն յամենայն ժամ առ Տէրն լինին ըստ գրեցելոյն, և զԱստուած և զաստուծոյն նկատեն. և ականջօքն ունկնդիր լինին աստուածական խրատուցն. բերանն խօսի զիմաստութիւն հոգեւոր, և լեզուն զիրաւունս, և օրէնքն Աստուծոյ 'ի սիրտն հաստատեալ՝ անդալթակզ զգնացսն հաստատուն պահէ, և զձեռն առաւելացուցանէ 'ի գործ Տեառն յամենայն ժամ, և առ Աստուած համբառնալ յորդորէ, և յաղաչանս պահէ: Այսպիսի կենդանութիւն աշխարհի՝ սրբով հաղորդութեամբն պարգեւի, և 'ի հանդերձեալսն անզրաւ և մշտնջենաւոր կենդանութիւն, որ Քրիստոսի՝ և ընդ Քրիստոսի է:

Եւ զայսմանէ գոհացեալ՝ աղաչանաց սկիզբն առնէ. « Սովիմք պահեա զմեզ սրբապէսս ² և անարատս ». մի ասէ, տացես տեղի գտանել 'ի մեզ չարին, և աղտեղել կամ արատել զմեզ. այլ ընդ մեզ լինելով՝ սուրբաւ և անարատս պահեա. վասն որոյ և յարէ 'ի նոյն. « Եւ » բանակեալ շուրջ զմեօք քոյով աստուածային խնայմօք, հովուեա զմեզ յանդաստանի կամաց քոց » սրբոց և բարեսիրաց ». հովիւ խնամակալ այսպիսի գոյով, որ 'ի քոց անդամոց զոյգաւրքս կերակրես, նոյն

խնամօք զմեօք շուրջ լինիս, և 'ի գայլոյն պահեսցես, և 'ի մահացու արօտէ հեռի արածեսցես: Եւ ուր լինիցի այն. յաջորդն յայտ առնէ: « Հովուեա զմեզ » յանդաստանի կամաց քոց սրբոց և բարեսիրաց » . քանզի կամք Քրիստոսի արդարութիւն և բարեգործութիւն է, զայն ասէ ճարակել արժանի արասցես. այն է վայրն դալարւոյ զոր սաղմոսերգուն նուազէ. այն է անդաստան՝ որ ըստ Քրիստոսի կամացն է, անմտանելի գայլուն, քաղաք որմեալ պատուիրանին ամրութեամբ, որպէս և ասէն. « Որով ամրացեալք յամենայն բանսարկուին ընդդիմութեանց » . ընդդիմութիւն բանսարկուին այն է՝ բարւոյն գլխին ընդդէմ դնել. խոնարհութեան՝ զհպարտութիւն, հեզութեան՝ զբարկութիւն, սիրոյն՝ զատելութիւն, պարկեշտութեան՝ զազահոութիւն, զգաստութեան՝ ըզպոռնկութիւն. նոյնպէս և այլոցն ուղղութեանց զհակառակ չարն ընդդիմադրել: Յայնցանէ ասէ ամրացեալք՝ « Քուսմբ և եթ արժանի եղիցուք լսել ձայնի. և » քեզ միայն քաջայաղծ և ճմարիտ հովուիդ հետեւ » լել » : Զայն մաղծէ զլսելութիւն, զոր Տէրն ասէ, Ոչխարք իմ ձայնի իմում լսեն, և ես ճանաչեմ զնոսա, և զկնի իմ դան, և ես տամ նոցա զկեանս յաւիտեանս կանս. զսոյն աղօթիցն բան հայցէ, լսել ասէ զվարդապետութեան նորա զձայնն, և զկնի նորա երթալ: Եւ այս է զկնի երթալն. ուրանալ զանձն, և 'ի խաչ հպատակ միշտ կալ, և զայն ճանապարհ երթալ՝ զոր Տէրն եցոյց, և ընդ անձուկն՝ մտանել և ընդ նեղն 'ի կեանսն, և անդ առնուլ զայն՝ որ հայցէ բանին որ զհետ գայ: « Եւ առ 'ի քէն ընդունել զպատրաստեալ տեղի յար » քայութեան քում » : Ըստ իւրաքանչիւր արժանաւորութեան պատրաստեալ լինին տեղիքն յարքայութեանն Քրիստոսի, յորժամ լուծանէ զթագաւորութիւնս, և միայն թագաւորութիւն նորա կայ և մնայ յաւիտեան: Զայն օթեանս խնդրէ աղօթիցս բան, և յաւելու 'ի նոյն զպատճառս բարեգործութեան: « Աս » տուած մեր և Տէր մեր Յիսուս Քրիստոս » . զի արարիչ ես, ասէ, և Տէր, որ և աղատեցեր զմեզ 'ի մեղաց,

և ընդ քով տէրութեամբդ արժանացուցեր լինել քոյով չարչարանօք, որով զանապականութիւն ընկալաք. և ոչ ըստ արարչութեանդ միայն տիրես մեզ, որպէս այլ լոց արարածոց, այլ զի և գնոց գնեցեր, զպատուական քո զարիւնդ փրկանա տուեալ: Վասն որոյ 'ի փառս տալն Տանգուցանէ զբանն ասելով. « Որում վայելին « փառք իշխանութիւն և պատիւ. այժմ և միշտ և « յաւիտեանս »:

« Խաղաղութիւն ընդ ամենեսեան: Անբիւն, ան- » հաս, երրեակ ինքնութեանդ, հաստիչ, ընդունօղ և » անբաժանելի միասնական սուրբ Երրորդութեանդ »: Անբիւն ասի՝ վասն զի չանկանի և ոչ միով իւրք ընդ քննութեամբ. անհաս՝ վասն զի թէպէտ և յանդգնի որ հասու լինել՝ ոչ կարէ գիտակ լինել Աստուծոյ էութեանն կամ մշտնջենաւորութեանն. երրեակ է՝ ըստ առանձնաւորութեան. զի Հայր է, և Որդի, և Հոգի՝ սուրբ, որոշեալ գիմօք և միաւորեալ աստուածութեամբ. ինքնութիւն է՝ զի ոչ յուժեքէ ունի զգոյութիւնն, այլ ինքնութեամբ է, որպէս սուրբ Լուսաւորիչն ասէ. Տէր Աստուած՝ որ նա միայն ինքնութեամբ, և ոչ որ յառաջ քան զնա: Հաստիչ է՝ զի հաստատեաց զարարած՝ յանգոյից գոյացուցեալ, և հաստատուն պահէ յիւրաքանչիւր կարգի: Ընդունօղ է՝ վասն զի ընդունի և խնամէ զբոլոր յինքենէ եղեալսս¹, և պատրաստէ զիւրաքանչիւրոցն պէտս, ոչ միայն հրեշտակաց և մարդկան՝ այլ և ամենայն կենդանեաց. և բնաւ իսկ տայ գոյից զանձնիւր զարդ և զկացումն: Զերկինս անխոնարհելի պահէ և պայծառ՝ լուսաւորացն շրջազնացութեամբ. զերկիր՝ ունի անասանելի, և վայելչացուցանէ զանազան բուսովք և տնկովք և սերմամբք, զոր և առողջ անձրեւածին ամպօք մինչև ցյագումն. այլ և զծով փակէ յիւրն սահմանի, զի մի յատակացն սուզանիցի, կամ եղերօքն սփռումն առնուցու՝ աւելի քան զլափն: Անբաժանելի է սուրբ Երրորդութիւնն, վասն զի թէ և առանձնաւորութեամբ բաժանեալ է սուրբ Երրորդութիւնն՝ այլ ըստ աստուածութեանն անբաժանելի է. մի է բնութիւն սուրբ Երրորդու-

1 Հին 0. էլեալսս:

թեանն, մի է էութիւն, մի տէրութիւն, մի կամք, մի փառաւորութիւն: Եւ նմա միայնոյ վայելէ երկրպագութիւն յամենայն գոյից. որպէս ասէ յետ այսորիկ. « Որում վայելեն փառք, իշխանութիւն և պատիւ. » այժմ և միշտ և յաւիտեանս »:

ՅՈՐԴՈՐԱԿ¹

Հնորհիւն Աստուծոյ յայտնաբանութիւն արարեալ եկեղեցական կարգադրութեանց՝ ըստ իւրաքանչիւր ժամուց՝ ՚ի կատարումն հասուցաք. ոչ որչափ ունէր խորհրդածութիւն քարոզացն և աղօթիցն բանք, այլ որչափ հասողութիւն մեր բաւեաց՝ համառօտեցաք: Եւ թէպէտ և բազում են եկեղեցականացն կարգաց զանազանութիւնք, քարոզաց և աղօթից և պատարաւ զամատուցաց, և են որք ըստ մարտիրոսաց յիշատակի, և են որք ըստ տէրունական տօնից, ծննդեանն և յարութեանն, և է որ շնորհատրութիւն կարգեալք. այս ինքն՝ ՚ի մկրտութիւն, ՚ի ձեռնադրութիւն և յօրհնութիւն պսակի, և ՚ի թաղումն մեռելոց, և ՚ի սեղան հաստատել, և սպաս եկեղեցւոյ օրհնել, և զժուր սրբել ՚ի յայտնութեան Տեառն, և խաչ օրհնել, և ՚ի յօրհնել զսերմն, զկալ, զգուարակ, զաղ, զհատ, և որ այլ ևս են շնորհաբաշխութիւնք, և որ վասն ճանապարհորդաց և հիւանդաց, և վասն այլ ինչ սոյնպիսեաց, զորս բովանդակ բան առ բան ընդ քննութե արկանել, ոչ միայն մեք գրելոյն չլինեալք հանդուրժող, այլ և ոչ ընթերցողքն՝ լսելութեան: Բայց եթէ հաստատութեամբ ոք միտ դնէ այսոցիկ՝ որ ասացանք բաւականապէս առ այլն ամենեւին միտք ստանայ: Եւ զինչ ասեմք թէ ամենեքումք գրիցելովքս առ բովանդակ թողեալն կարողանայ իմաստից, այլ թէ և մասին ինչ ՚ի սոցանէ հասանէ մտաց՝ բաւականանայ առ ամենայն լրումն եկեղեցական կարգաւորութեանց:

Վասն որոյ աղաչեմ՝ մի վարկպարագի գործ համարել զմտածութիւն աստուածեղէն բանից, մանաւանդ

¹ Զիք ՚ի բնագրին խորագիրդ, որպէս և ոչ զինք՝ Յիշատարան:

զքարողութեանց և զաղօթից, զորմէ մեր փրկութիւն կախեալ կայ. և ոչ միայն մերն՝ այլ և որոց մեք պարտապան իցեմք, եթէ կենդանեաց և եթէ մեռելոց: Զի ոչ եթէ լեզու որ ընդ օդն բախին՝ առանց մտացն զհետ երթալոյ՝ օգուտ ինչ գործէ. զի սրտագէտն Աստուած՝ ի սիրտն և ի միտն և ոչ ի բերանն հայի: Վասն որոյ արթուն մտօք և անզբաղ խորհրդով և կատարեալիմաստ հոգւով՝ զաղօթն հատուցուք Աստուծոյ, զի զմեզ և զայլս օգտեցուցուք. և մեք յայլոցն աղօթից՝ շահեալ լիցուք: Քանզի եթէ սրտի մտօք վասն ամենայն հաւատացելոց աղօթս արասցուք՝ ի բոլոր աղօթից հաւատացելոց օգուտ մեզ արասցուք. քանզի որով չափով չափեմք՝ չափեալ մեզ լինի: Յաղագս որոյ նախ անձինս՝ ապա այլոց ամենեցունց տամ՝ զգուշութիւն, հոգ անձին ունել, և յԱստուծոյ օգնութիւն հայցել, զի կարասցուք ըստ հաճոյիցն Աստուծոյ մատուցանել նմա զաղօթս մեր:

Եւս առաւել զգուշալի է առաջնորդաց եկեղեցւոյ, որք փոխանակ բովանդակ եկեղեցւոյ՝ զձեռս առ Աստուած ամբառնան, և զամենեցուն հայցուածս՝ Աստուծոյ պատգամաւորեն:

Որոց հարկ է՝ զի այնպիսի վարս ստանայցեն, որ համարձակութիւն տացեն նոցա առ աստուած խօսութիւն. զի որպէս Մովսէսն՝ յԱստուծոյ տեսութիւնն՝ ոգւովքն արժանասցին, և որպէս երևամբ՝ օգնական իւրեանց աղօթիցն զնախագնաց զսուրբն ունիցին, և նոքօք զժողովրդոցն պատգամն՝ Աստուծոյ մատուցեն: Եւ զի ասացի նմանել Մովսիսի՝ մի ինչ անտեղի համարեսցի որ. քանզի որ ետուն զքահանայութիւն մեզ առաքեալքն՝ զԱհարոն և զՄովսէս մեզ ցուցին. և այնպիսիք լեալք՝ ապա ի պաշտօնն մատել հրամայեցին: Իսկ եթէ մեք յօրինակացն այնց վերջացեալք եմք՝ այս զի յԱստուծոյ զհաւանելն լուաք, այլ զի զանձանց խնդրեմք և ոչ զՔրիստոսի. զի Քրիստոս և օրինացն նմանելովն՝ չարար արքայութեանն արժանի մտից. և զայս ոչ առ քահանայս եթէ օրինադրեաց, այլ հասարակաց ամենեցունց. քանզի ամենեցուն խմբեալ կուտիցն արանց և կանանց, որ յայնժամ մերձ էին՝ սկզբնաւորեաց զբանն. զի յայտ լիցի՝ եթէ նոյն առ յա-

պա հաւատացելոց՝ այս կաճոնեացի սահման։ Եւ զինչ զոր ասացն. Եթէ ոչ առաւելուցու արդարութիւնն ձեր՝ քան զգարացն և զյիարիսեցւոցն՝ ոչ մտանէք յարքայութիւնն Աստուծոյ. և թէ առ բոլորս ասէ զայս, քանի՞օն է առ քահանայն առաւելութեան ինդիր։ Եւ յաւէտ յիշատի. զի նոցա որ ըստ օրինացն էին քահանայք, անասնոց արեամբ քահանայադրծութիւն էր, զի ստուերին էին պաշտօնեայք, զորոց ասէ Պաւղոս, թէ առակաւ օրինակաւ երկնաւորացն էր պաշտօն. իսկ որ չնորհացս և ճշմարտութեանս քահանայացան՝ Որդոյն Աստուծոյ արեանն սպասաւորել կարգեցան. և այս է զոր Պաւղոս երկնաւոր ապրիւմ և առակ սոցա և օրինակ լինել ասաց զՏիմոն զամենայն։ Զի թէպէտ և յերկրի կատարի՝ այլ ոչ եթէ երկրային նուիրօք, այլ հացիւն՝ որ իջանէ յերկնից, և կեանս տայ աշխարհի. վասն որոյ և դարձեալ իսկ ասէ Պաւղոս երանելին, ՚ի յիշել զօրինակն պատարազան, թէ վասն որոյ հարկ էր օրինաւորացն այնպիսեօքն սրբիլ, և բռն իսկ երկնաւորացն՝ առաւել ևս պատարազօք քան զնոյնս։ Տեսանէս, զի ոչ միայն զպատարազն երկնաւոր կոչէ, այլ և զմեզ՝ որք երկնաւոր պատարազին հաղորդեցաք։ Եւ դարձեալ ևս յայտնագոյնս՝ յորժամ ասէ. Եղբարք սուրբք, երկնաւոր կոչմանն բաժանորդք. և զերկնաւորն մատուցանելով պատարազ։ Ապա կարի յոյժ առաւելու պարտիմք՝ քան որք ՚ի հնումն ստուերապաշտօնքն. զի որում շատ տուաւ շատ խնդրի, Տէրն ասաց։ Վասն որոյ զկատարեալ առաքելութեանցն բռն հարցուք ՚ի կատարելութեանս. և զանձինս և զիշխեցեալսն ապրեցուցուք, և զայլս բազումն։ Եւ հասարակաց ամենեցուն Տէրն Բրիստոս՝ հապարակաց օգնական լիցի յամենայնի, և զանումն իւր սուրբ փառաւորեացի ՚ի մեզ՝ որում միշտ փառք. ամէն։


Համարձակեցայ առ այս յանդգնաբար՝ ՚ի հարկէ, և ոչ զի անձին փառս ստացուց. այլ զի զեպիսկոպոսութիւն վիճակեցայ, և ՚ի վիճակելն՝ տգիտութիւն ՚ի յոգովն վարկայ, և բանիւ ամենայն ումեք զբովանդակ զայս ճանաչանել անհնար գիտացի, պատշաճ

Համարեցայ՝ի գրի հարկանել զի թերևս այսպէս դիւ-
 ան առ ուսմանէ արարից կամողաց: Յաղաքս որոյ և
 որք հանդիպինս այսոցիկ լսելով թեան՝ աղօթս վասն
 մեր փրկութեան արասցեն, սուղ աշխատութեանս
 փոխահատոյց լինել առ ՚ի Քրիստոսէ զնորա ողորմու-
 թեանցն պարգևս: Որում լիցի ամենեցուն մեզ հան-
 դիպել յերկրի և յերկինս, և փառս վերառաքել Հօր
 և Որդւոյ և Հոգւոյն սրբոյ, այժմ և միշտ և յաւի-
 տեանս:

ՅԻՇԱՏԱԿԱՐԱՆ

Շնորհիւն Աստուծոյ եղև մեկնութիւն այսմ գրոց՝
 ՚ի ձեռն Խոսրովայ Անձևացեաց եպիսկոպոսի, յոյժ հե-
 տեղոյ պատուիրանացն Աստուծոյ. զոր մեզ և զավել
 անձա՛հ է, զի մի գայթակղես՛ջիք ՚ի նոյն, վասն գոյոյ
 նորուն հայր իմ՝ ըստ մարմնոյ. որոյ չեմ՝ արժանի կո-
 չիլ որդի և ոչ վարձկան, ըստ գրեցելումն. այլ ՚ի գրե-
 լոցդ լինիցին հասու խնդրօղքն վասն նորա, որք սրտի
 մտօք ունին դնիցեն. որք և աղօթիւք փոխադարձել
 պարտին ընդ տուիցելոյս. և հասարակացն տուօղն Աս-
 տուած և ձեզ հայցողացդ ձիրեսցէ զիւրականն պար-
 գէ: Այլ յոյժ ամաչեցեալ և տարակոյս գտանիմ ես
 Քրիգոր, պարտաւոր պատուիրանաց սուրբ գրոց:

Արդ առաջին սուրբ գրոցս այսորիկ գծագրութիւն՝
 եղև ձեռամբ Սահակայ որդւոյ տեառն Խոսրովու՝ սոյն
 սուրբ գրոցս մեկնողի, յերեք հարիւր իննսուն և ինն
 թուականութեանս Հայոց:









UNIVERSITY OF MICHIGAN



3 9015 04147 3250



խնամօք զմեզք շուրջ լինիս, և 'ի գայլոյն պահեսցես, և 'ի մահացու արօտէ հեռի արածեսցես: Եւ, ուր լինիցի այն. յաջորդն յայտ առնէ: « Հովուեա զմեզ » յանդատանի կամաց քոց սրբոց և բարեսիրաց » . քանզի կամք Քրիստոսի արդարութիւն և բարեգործութիւն է, զայն ասէ Ճարակել արժանի արասցես. այն է վայրն դալարոյ զոր սաղմոսերգուն նուագէ. այն է անդաստան՝ որ ըստ Քրիստոսի կամացն է, անմոռանելի գայլուն, քաղաք որմեալ պատուիրանին ամբողջեալմբ, որպէս և ասէն. « Որով ամբացեալք յամենայն բանսարկուին ընդդիմութեանց ». ընդդիմութիւն բանսարկուին այն է՝ բարւոյն զարն ընդդէմ դնել. խոնարհութեան՝ զհպարտութիւն, հեզութեան՝ զբարկութիւն, սիրոյն՝ զատելութիւն, պարկեշտութեան՝ զազահոութիւն, զգաստութեան՝ ըզպոռնկութիւն. նոյնպէս և այլոցն ուղղութեանց զհակառակ չարն ընդդիմադրել: Յայնցանէ ասէ ամբացեալք՝ « Քումբ և եթ արժանի եղիցուք լսել ձայնի. և » քեզ միայն քաջայաղթ և ճշմարիտ հովուիդ հետեւ » ւել »: Զայն մաղթէ զլսելութիւն, զոր Տէրն ասէ, Ոչխարք իմ ձայնի իմում լսեն, և ես ճանաչեմ զնոսա, և զկնի իմ գան, և ես տամ նոցա զկեանս յաւիտեանս կանս. զսոյն աղօթիցն բան հայցէ, լսել ասէ զվարդապետութեան նորա զձայնն, և զկնի նորա երթալ: Եւ այս է զկնի երթալն. ուրանալ զանձն, և 'ի խաչ հպառակ միշտ կալ, և զայն ճանապարհ երթալ՝ զոր Տէրն եցոյց, և ընդ անձուկն՝ մոռանել և ընդ նեղն՝ ի կեանսն, և անդ առնուլ զայն՝ որ հայցէ բանիւն որ զհետ գայ: « Եւ առ 'ի քէն ընդունել զպատրաստեալ տեղի յար » քայլութեան քում »: Ըստ իւրաքանչիւր արժանաւորութեան պատրաստեալ լինին տեղիքն յարքայութեանն Քրիստոսի, յորժամ լուծանէ զԹագաւորութիւնս, և միայն Թագաւորութիւն նորա կայ և մնայ յաւիտեան: Զայն օթեանս խնդրէ աղօթիցս բան, և յաւելու 'ի նոյն զպատճառս բարեգործութեան: « Այ » տուած մեր և Տէր մեր Յիսուս Քրիստոս ». զի արարիչ ես, ասէ, և Տէր, որ և ազատեցեր զմեզ 'ի մեղաց,

և ընդ քով տէրութեամբդ արժանացուցեր լինել քոյով չարչարանօք, որով զանապականութիւն ընկալաք. և ոչ ըստ արարչութեանդ միայն տիրես մեզ, որպէս այլ լոյց արարածոց, այլ զի և զնոց զնեցեր, զպատուական քո զարիւնդ փրկանա տուեալ: Վասն որոյ 'ի փառս տալն հանգուցանէ զբանն ասելով. « Որում վայելեն « փառք իշխանութիւն և պատիւ. այժմ և միշտ և « յաւիտեանս »:

« Խաղաղութիւն ընդ ամենեւեան: Անբիւնին, ան- » հաս, երրեակ ինքնութեանդ, հաստիչ, ընդունօղ և » անբաժանելի միասնական սուրբ Երրորդութեանդ »: Անբիւնին ասի՝ վասն զի չանկանի և ոչ միով իւրիք ընդ քնութեամբ. անհաս՝ վասն զի թէպէտ և յանդգնի որ հասու լինել ոչ կարէ գիտակ լինել Աստուծոյ էութեանն կամ մշտնջնաւորութեանն. երրեակ է՝ ըստ առանձնաւորութեան. զի Հայր է, և Որդի, և Հոգի սուրբ, որոշեալ դիմօք և միաւորեալ աստուածութեամբ. ինքնութիւն է՝ զի ոչ յուսեքէ ունի զգոյութիւնն, այլ ինքնութեամբ է, որպէս սուրբ Լուսաւորիչն ասէ. Տէր Աստուած՝ որ նա միայն ինքնութեամբ, և ոչ որ յառաջ քան զնա: Հաստիչ է՝ զի հաստատեաց զարարածս՝ յանգոյից գոյացուցեալ, և հաստատուն պահէ յիւրաքանչիւր կարգի: Ընդունօղ է՝ վասն զի ընդունի և խնամէ զբոլոր յինքենէ եղեալսս¹, և պատրաստէ զիւրաքանչիւրոցն պէտս, ոչ միայն հրեշտակաց և մարդկան՝ այլ և ամենայն կենդանեաց. և բնաւ իսկ տայ գոյից զանձնիւր զարդ և զկացումն: Զերկինս անխոնարհելի պահէ և պայծառ՝ լուսաւորացն շրջադնալցութեամբ. զերկիր՝ ունի անսասանելի, և վայելչացուցանէ զանազան բուսովք և սնկովք և սերմամբք, զոր և առողջ անձրեւածին ամպօք մինչև ցյազումն. այլ և զծով փակէ յիւրն սահմանի, զի մի յատակացն սուզանիցի, կամ եղերօքն սփռումն առնուցու՝ աւելի քան զչափն: Անբաժանելի է սուրբ Երրորդութիւնն, վասն զի թէ և առանձնաւորութեամբ բաժանեալ է սուրբ Երրորդութիւնն՝ այլ ըստ աստուածութեանն անբաժանելի է. մի է բնութիւն սուրբ Երրորդու-

Թեանն, մի է էութիւն, մի տէրութիւն, մի կամք, մի փառաւորութիւն: Եւ նմա միայնոյ վայելէ երկրպագութիւն յամենայն գոյից. որպէս ասէ յետ այսորիկ. « Որում վայելեն փառք, իշխանութիւն և պատիւ. » այժմ և միշտ և յաւիտեանս »:

ՅՈՐԴՈՐԱԿ ¹

Շնորհիւ Աստուծոյ յայտնաբանութիւն արարեալ եկեղեցական կարգադրութեանց՝ ըստ իւրաքանչիւր ժամուց՝ ՚ի կատարումն հասուցաք. ոչ որչափ ունէր խորհրդածութիւն քարոզացն և աղօթիցն բանք, այլ որչափ հասողութիւն մեր բաւեաց՝ համառօտեցաք: Եւ Թէպէտ և բազում են եկեղեցականացն կարգաց զանազանութիւնք, քարոզաց և աղօթից և պատարաւ զամատուցաց, և են որք ըստ մարտիրոսաց յիշատակի, և են որք ըստ տէրունական տօնից, ծննդեանն և յաւրութեանն, և է որ շնորհատրութիւն կարգեալք. այս ինքն՝ ՚ի մկրտութիւն, ՚ի ձեռնադրութիւն և յօրհնութիւն պսակի, և ՚ի Թաղումն մեռելոց, և ՚ի սեղան հաստատել, և սպաս եկեղեցոյ օրհնել, և զճուր սրբել ՚ի յայտնութեան Տեառն, և խաչ օրհնել, և ՚ի յօրհնել զսերմն, զկալ, զգուարակ, զաղ, զհատ, և որ այլ ևս են շնորհաբաշխութիւնք, և որ վասն ճանապարհորդաց և հիւանդաց, և վասն այլ ինչ սոյնպիսեաց, զորս բովանդակ բան առ բան ընդ քննութիւն արկանել, ոչ միայն մեք գրելոյն չլինեալք հանդուրժօղ, այլ և ոչ ընթերցօղքն լսելուԹեան: Բայց եթէ հաստատութեամբ որ միտ դնէ այսոցիկ՝ որ ասացանք, բաւականապէս առ այլան ամենեւին միտք ստանայ: Եւ զի՞նչ ասեմք Թէ ամենեքումք գրիցելովքս առ բովանդակ Թողեալն կարողանայ իմաստից, այլ Թէ և մասին ինչ ՚ի սոցանէ հասանէ մտաց՝ բաւականանայ առ ամենայն լրումն եկեղեցական կարգաւորութեանց:

Վասն որոյ աղաչեմ՝ մի վարկաբարձի գործ համարել զմտածութիւն աստուածեղէն բանից, մանաւանդ

¹ Զիք ՚ի բնագրին խորագիրդ, որպէս և ոչ զինի՝ Յիւրաքանչիւն:

գքարողութեանց և զաղօթից, զորմէ մեր փրկութիւն կախեալ կայ. և ոչ միայն մերն՝ այլ և որոց մեք պարտապան իցեմք, եթէ կենդանեաց և եթէ մեռելոց: Զի ոչ եթէ լեզու որ ընդ օդն բախին՝ առանց մտացն զհետ երթալոյ՝ օգուտ ինչ գործէ. զի սրտագէտն Աստուած ՚ի սիրտն և ՚ի միտն և ոչ ՚ի բերանն հայի: Վասն որոյ արթուն մտօք և անզբաղ խորհրդով և կատարեալխմաստ հոգւով՝ զաղօթսն հատուցուք Աստուծոյ, զի զմեզ և զայլս օգտեցուցուք. և մեք յայլոցն աղօթից՝ շահեալ լիցուք: Քանզի թէ սրտի մտօք վասն ամենայն հաւատացելոց աղօթս արասցուք՝ ՚ի բոլոր աղօթից հաւատացելոց օգուտ մեզ արասցուք. քանզի որով չափով չափեմք՝ չափեալ մեզ լինի: Յաղաքս որոյ նախ անձինս՝ ապա այլոց ամենեցունց տամ զգուշութիւն, հոգ անձին ունել, և յԱստուծոյ օգնութիւն հայցել, զի կարասցուք ըստ հաճոյիցն Աստուծոյ մատուցանել նմա զաղօթս մեր:

Եւս առաւել զգուշալի է առաջնորդաց եկեղեցւոյ, որք փոխանակ բովանդակ եկեղեցւոյ՝ զձեռս առ Աստուած ամբառնան, և զամենեցուն հայցուածս՝ Աստուծոյ պատգամաւորեն:

Որոց հարկ է՝ զի այնպիսի վարս ստանայցեն, որ համարձակութիւն տացեն նոցա առ աստուածխօսութիւն. զի որպէս Մովսէսն՝ յԱստուծոյ տեսութիւնն՝ ոգւովքն արժանասցին, և որպէս երեմամբ՝ օգնական իւրեանց աղօթիցն զնախագնաց զսուրբան ունիցին, և նոքօք զժողովրդոցն պատգամս՝ Աստուծոյ մատուցեն: Եւ զի ասացի նմանել Մովսիսի՝ մի ինչ անտեղի համարեսցի որ. քանզի որ ետուն գքահանայութիւն մեզ առաքեալքն՝ զԱհարոն և զՄովսէս մեզ ցուցին. և այնպիսիք լեալք՝ ապա ՚ի պաշտօնն մատչել հրամայեցին: Իսկ եթէ մեք յօրինակացն այնց վերջացեալք եմք՝ այս զի յԱստուծոյ զհաւանելն լուաք, այլ զի զանձանց խնդրեմք և ոչ զՔրիստոսի. զի Քրիստոս և օրինացն նմանելովն՝ չարար արքայութեանն արժանի մոից. և զայս ոչ առ քահանայս և եթ օրինադրեաց, այլ հասարակաց ամենեցունց. քանզի ամենեցուն խմբեալ կուտիցն արանց և կանանց, որ յայնժամ մերձ էին՝ սկզբնաւորեաց զբանն. զի յայտ լիցի՝ թէ նոյն առ յա-

պա հաւատացելոց՝ այս կախոնեացի սահման: Եւ զմէջ զոր ասացն. Եթէ ոչ առաւելուցու արդարութիւնն ձեր՝ քան զգալացն և զյիարխեցւոցն՝ ոչ մտանէք յարքայութիւնն Աստուծոյ. և թէ առ բոլորս ասէ զայս, քանի՞ն է առ. քահանայսն առաւելութեան ինդիր: Եւ յաւիտ յիշատի, զի նոցա որ ըստ օրինացն էին քահանայք, անասնոց արեամբ. քահանայադործութիւն էր, զի ստուերին էին պաշտօնեայք, զորոց ասէ Պաւղոս, թէ առակաւ օրինակաւ երկնաւորացն էր պաշտօն. իսկ որ շնորհացս և ճշմարտութեանս քահանայացան՝ Որդւոյն Աստուծոյ արեանն սպառաւորել կարգեցան. և այս է զոր Պաւղոս երկնաւոր ասաց, և առակ սոցա և օրինակ լինել ասաց զՏիմոն զամենայն: Զի թէպէտ և յերկրի կատարի՝ այլ ոչ եթէ երկրային նուիրօք, այլ հացին՝ որ իջանէ յերկնից, և կեանս տայ աշխարհի. վասն որոյ և դաջձեալ իսկ ասէ Պաւղոս երանելին, ՚ի յիշել զօրինական պատարագն, թէ վասն որոյ հարկ էր օրինաւորացն այնպիսեօքն սրբիլ, և բուն իսկ երկնաւորացն՝ առաւել ևս պատարագօք քան զնոյնս. Տեսանէս, զի ոչ միայն զպատարագն երկնաւոր կոչէ, այլ և զմեզ՝ որք երկնաւոր պատարագին հաղորդեցաք: Եւ դարձեալ ևս յայտնադոյնս՝ յորժամ ասէ. Եղբարք սուրբք, երկնաւոր կոչմանն բաժանորդք. և զերկնաւորն մատուցանեմք պատարագ: Ապա կարի յոյժ առաւելուլ պարտիմք՝ քան որք ՚ի հնումն ստուերապաշտօնքն. զի որում շատ տուա՝ շատ ինդրի, Տէրն ասաց: Վասն որոյ զկատարելալ առաքինութեանցն բուն հարցուք ՚ի կատարելութեանս. և զանձինս և զիշխեցեալսն ապրեցուցցուք, և զայս բազումն: Եւ հասարակաց ամենեցուն Տէրն՝ Քրիստոս՝ հաւարակաց օգնական լիցի յամենայնի, և զանուն իւր սուրբ փառաւորեսցէ ՚ի մեզ՝ որում միշտ փառք. ամէն:

Համարձակեցայ առ այս յանդգնաբար՝ ՚ի հարկէ, և ոչ զի անձին փառս ստացալոց. այլ զի զեպիսկոպոսութիւն վեճակեցայ, և ՚ի վեճակէն ազիտութիւն ՚ի յոյսին վարկաց, և բանիւ ամենայն ումեք զբովանդակ զայս ծանուցանել անհնար գիտացի, պատշաճ

Համարեցայ՝ի գրի հարկանել. զի թերևս այսպէս դիւ-
 րին առ ուսանել արարից կամողաց: Յաղագս որոյ և
 որք հանդիպինս այսոցիկ լսելութեան՝ աղօթս վասն
 մեր փրկութեան արացեն, սուղ աշխատութեանս
 փոխահատոյց լինել առ ՚ի Քրիստոսէ զնորա ողորմու-
 թեանցն պարգևս: Որում լիցի ամենեցուն մեզ հան-
 դիպել յերկրի և յերկինս, և փառս վերառաքել Հօր
 և Որդւոյ և Հոգւոյն սրբոյ, այժմ և միշտ և յաւի-
 տեանս:

ՅԻՇԱՏԱԿԱՐԱՆ

Շնորհին Աստուծոյ եղև մեկնութիւն այսմ գրոց՝
 ՚ի ձեռն Խոսրովայ Անձեալեաց եպիսկոպոսի, յոյժ հե-
 տեղոյ պատուիրանացն Աստուծոյ. զոր մեզ և գովել
 անձա՛հ է, զի մի գայթակղեսցիք ՚ի նոյն, վասն գոլոյ
 նորուն հայր իմ ըստ մարմնոյ. որոյ չեմ արժանի կո-
 չիլ որդի և ոչ վարձկան, ըստ գրեցելումն. այլ ՚ի գրե-
 լոցդ լինիցին հասու խնդրօղքն վասն նորա, որք սրտի
 մտօք ունին դնիցեն. որք և աղօթիւք փոխադարձել
 պարտին ընդ տուիցելոյս. և հասարակացն տուօղն Աս-
 տուած և ձեզ հայցողացդ ձիրեսցէ զիւրականն պար-
 գև: Այլ յոյժ ամաչեցեալ և տարակոյս գտանիմ ես
 Քրիզոր, պարտաւոր պատուիրանաց սուրբ գրոց:

Արդ առաջին սուրբ գրոցս այսորիկ գծագրութիւն՝
 եղև ձեռամբ Սահակայ որդւոյ տեառն Խոսրովու՝ սոյն
 սուրբ գրոցս մեկնողի, յերեք հարիւր իննսուն և ինն
 թուականութեանս Հայոց: